


দুঃখের পাঁচালী

শ্রীমণিলাল বন্দ্যোপাধ্যায়



গুরুদাস চট্টোপাধ্যায় এণ্ড সন্স,
২০৩/১১, কর্ণওয়ালিস স্ট্রীট কলিকাতা

দাম দেড় টাকা

গুরুদাস চট্টোপাধ্যায় এণ্ড সন্সের পক্ষে ভারতবর্ষ প্রিন্টিং ওয়ার্কস্ হইতে
শ্রীগোবিন্দপদ ভট্টাচার্য্য দ্বারা মুদ্রিত ও প্রকাশিত
২০৩।১।১, কর্ণওয়ালিস্ ষ্ট্রীট, কলিকাতা

দুঃখের পাঁচালী

পরিচয়

বঙ্গালীর জীবন-যাত্রায় জটিলতার আজ অন্ত নাই। আত্ম-মর্যাদাশীল শিক্ষিত কৃতবিদ্য কৰ্মক্ষেত্রে স্থান পায় না। সৰ্ব-গুণাম্বিতা বধূর গুণের আদর নাই, দুঃখ তাহার প্রচুর। সঞ্চয় যেখানে আছে, শান্তির অভাব—নিষ্ঠার অবমাননা। বেকার তাহার উপার্জনের পথ খুঁজিয়া লইতে অক্ষম।—বঙ্গালী-জীবনের এই সমস্যাগুলি কথা ও কাহিনীর ভিতর দিয়া যথাক্রমে বঙ্গশ্রী, তপোবন, প্রবর্তক এবং মাসিক ষসুমতীতে আত্মপ্রকাশ করে। আজ সেগুলি দুঃখের পাঁচালীর আকারে পরিপূর্ণরূপে প্রকাশিত হইল।

যে বাস্তব 'মডেল'গুলি আদর্শ করিয়া অবাস্তব পবিচয়ের 'গ্রাউণ্ডে' এই পাঁচালীর চিত্রগুলি আঁকিয়াছি—তাহাদের অধিকাংশই এখনো কৰ্মক্ষেত্রে বর্তমান। যদি তথাকথিত কাহারো চক্ষুতে এ চিত্র পড়ে, মুকুরের প্রয়োজনই সার্থক করিবে। সমস্যা-গুলি সমাধানের যে প্রচেষ্টা ইহাতে চাইয়াছে, পাঠক পাঠিকাগণের প্রীতিপ্রদ হইলেই গ্রন্থকারের পরিকল্পনা সার্থক হইবে।

রাসপূর্ণিমা, ১৩৪৪
আরিয়াদহ, ২৪ পরগণা

শ্রীমণিলাল বন্দ্যোপাধ্যায়

সমর্পণ

গৃহস্থাত্মমে লিপ্ত থাকিয়াও
যিনি সাধকোচিত দুর্লভ গুণগ্রামে বিভূষিত
সত্যনিষ্ঠা ও সহিষ্ণুতা—সরলতার সংস্পর্শে
বাঁহার চিরমধুর স্ননির্মল চিত্তকে অনবদ্য করিয়াছে
লোভ বাঁহাকে লালায়িত করিতে পারে নাই
স্নেহ বাঁহার চিত্ততলে ফল্লুর মত সঞ্চিত
অস্তরের দরদ দিয়া আত্মীয় অনাত্মীয় সকলকেই
যিনি আপনার ফরিয়া লইয়াছেন
সংসাহিত্যের রসগ্রহণ করিয়া সাহিত্যরসিকরূপে
সেকাল ও একালের ভাবধারার যিনি সাক্ষী
সেই ঋষিকল্প স্মৃধী শ্রদ্ধাভাজন মণীষী
শ্রীযুক্ত সূর্য্যকুমার চট্টোপাধ্যায় মহাশয়ের
প্রাতঃস্মরণীয় নামের সহিত যোগসূত্র রক্ষা করিতে
পুল্লস্থানীয় স্নেহধনু জামাতার

দুঃখের পাঁচালী

ভক্তি-অর্ঘ্যরূপে সমর্পিত হইল

দুঃখের পাঁচালী

সাহিত্য-সেবীর

এক

স্বাংটার নেই বাটপাড়ের ভয়,—এই পরিচিত প্রবচনটির মোড় ফিরাইয়া দিয়াছিল রীতিমত কাপড়চোপড়-পরা, স্ত্রী-পুত্র-পরিজনঘেরা গৃহের মালিক উপেন চৌধুরী।

তিনটি ছেলে, পাঁচটি মেয়ে, স্ত্রী ও সকল বিধবা বোন—এতগুলি প্রাণী যাহার পোষ, বর্তমান প্রসঙ্গে সে যেমন নিশ্চিন্ত ও নির্বিকার, ভবিষ্যৎ সম্বন্ধেও সেই পরিমাণ উদাসীন। উপায় যাহা করে, বুঝিয়া খরচ করিলে তাহাতে সাংসারিক সুসার হওয়া দুঃস্বপ্ন নয়, কিন্তু উপেন তাহার ধার দিয়াও যায় না। পাড়ার লোকে ও আত্মীয়-পরিজনেরা বলে, তাহার হাতে টাকা আসিলেই তাহার পাখা গজায়—দেখিতে দেখিতেই উড়িয়া যায়। অথচ, সে যে কখনও কোনও বদখেয়ালী করিয়া টাকা উড়াইয়াছে বা নিষিদ্ধ নেশাগুলির সহিত তাহার ঘনিষ্ঠতা আছে, একথা তাহার শত্রুরাও জোর করিয়া বলিতে পারে না।

তথাপি, খরচ সম্বন্ধে উপেনের খেয়ালের অস্ত্র নাই। হয় তো পথ দিয়া চলিয়াছে, দেখিল, উদন-গা একটা ছেলে খাবারের দোকানের সামনে দাঁড়াইয়া একখানি জিলাপীর জন্ত কান্না জুড়িয়া দিয়াছে; দোকানের মালিকের তাহাতে ক্রক্ষেপ নাই, খাবারের মধ্যে বসিয়া ষাহারা বিক্রয় ও খবরদারী করে, তাহারা ক্রকুটি

করিয়া তাড়া দেয় ; চক্ষুর উপর এ দৃশ্য পড়িলে উপেন কিন্তু উপেক্ষা করিতে পারে না ; গাঁটের পয়সা খরচ করিয়া ছেলেটিকে খাবার খাওয়াইয়া তবে সে নিশ্চিন্ত হইবে । কিন্তু, নিজের পকেট যদি সেদিন শূন্য থাকে, সমস্ত দিনটিই তাহার অশান্তিতে কাটে, বুভুক্ষু ছেলেটির মুখখানি তাহার চক্ষুর উপর ভাসিতে থাকে ।

তাহার যে কাজ অনেকেই সেই সূত্রে তাহার সহিত বাসায় দেখা করিতে আসে । হাতে জরুরী কাজের ঠেলা থাকিলেও সে কাহাকেও অবহেলা করিতে পারে না । বরং, লোকজন বাড়ীতে আসিলে সে তাহাতে আনন্দ পায় এবং অভ্যাগতদিগকে শুধু মুখের আদরে নয়—পান-ভোজনে আপ্যায়ন করাও যেন তাহার একটা সংস্কার ও ইহাতেই তাহার অপরিসীম ভৃপ্তি ।

সাহিত্যিকরূপে প্রতিষ্ঠালাভ করিলেও সাহিত্যেব কোনও আসরে কেহ কোনও দিন তাহাকে যোগ দিতে দেখে নাই । সাহিত্য-সম্মেলনের বড় বড় অধিবেশনগুলিও সে যেন অতি সন্তর্পণে এড়াইয়া যায় । কোনও সভা বা সংস্থায় উপেন চৌধুরী কোনও দিন চাঁদা দিয়াছে, এমন কথা সাহিত্যিক মহলে কেহ কখনও শুনে নাই । কিন্তু, কোনও সাহিত্যিকের সহসা ভাগ্যবিপর্যয় উপস্থিত হইলে, কিংবা কোনও দায় দফা বা আপদ্-বিপদ্ আসিলে তাহার সহায়তায় উপেনের আন্তরিকতার অন্ত থাকে না । সভা-সমিতিতে মাসে চারি আনা চাঁদা দিতেও যে লোক কুণ্ঠিত, কোনও সাহিত্যিকের সহায়তাসূচক অনুষ্ঠানে, জলসা বা অভিনয়ের আসরে তাহাকেই সর্বাগ্রে উচ্চশ্রেণীর টিকিট কিনিতে ব্যগ্র দেখা যায় ।

এ সম্বন্ধে কেহ কোনও প্রশ্ন করিলে উপেন সহজ কণ্ঠেই উত্তর

দেয়—যার যাতে অল্পরাগ, তাতেই তার লেগে যাওয়া উচিত, এর মধ্যে কোনও তর্কই নেই। আমার মনে হয়, খাওয়াটাই মানুষের সব চেয়ে বড় সমস্যা। সাহিত্যের সভায় মনের খোরাক যোগাবার অনেক কথাই সাহিত্যের পুঁজুরা বলেন, কিন্তু সাহিত্যিকদের পেটের খোরাক সম্বন্ধে কোন কথাই কেউ কোনদিন তোলেন না। আমার কিন্তু যত কিছু ভাবনা এই বিষয়বস্তুটি নিয়েই, কাষেই এই পথেই আমার যা কিছু সাধনা।

ভাবের মুখে সাধকেরা বহু তত্ত্বকথাই বলিয়া আসিয়াছেন। সাহিত্যসাধক উপেনের এই উচ্চ ভাবের কথাগুলি বিশ্লেষণ করিলে ইহাই বলিতে পারা যায় যে, সাহিত্যের পথে সাধনা তাহার যতই কঠোর হোক, অন্যের খোরাকের অভাব সময়ে অসময়ে তাহার সাধনার বিঘ্ন তুলিলেও, নিজের সংসারের খোরাকীর দুশ্চিন্তা কোনও দিন সেখানে প্রবেশাধিকার পায় নাই। পাইলে, আজ তাহার এ দুর্দশা হইত না।

দুই

বিশ্ববিদ্যালয়ের তৃতীয় দরজাটি পার হইয়া কনভোকেশনের দরবারে দাঁড়াইবার বহুপূর্বে উপেন তাহার সহজাত সাধনায় সাহিত্যের আসরে বসিবার যোগ্যতা অনায়াসেই আয়ত্ত করিতে পারিয়াছিল। নবলঙ্ক বি-এ উপাধির খ্যাতি তাহার আত্মীয়-স্বজনকে যে পরিমাণে ভুষ্ট করিয়াছিল, উপেন তাহাতে বিশেষ

কোনও গোরব উপলক্ষি করে নাই বা তাহার নামের শেষে উপাধির অক্ষর দুইটি যোগ করিতে কেহ কোনও দিন তাহাকে দেখে নাই।

উপেনদের অবস্থা তখন মোটের উপর মন্দ নয়। নূতন উঠতির সময়। বাবা জমিদারী সরকারের গোমস্তাগিরি করিয়া মাথার চুল যেমন পাকাইয়াছিলেন, সেই সঙ্গে বিষয়-আসয় ও বহু জমিজেরাৎ অর্জন করিয়া ছেলেদের উপার্জনের পস্থা পরিষ্কার করিয়া দিতে ব্যস্ত ছিলেন। বড়ভাই আদালতের সেরেসুদার, বেশ দু'পয়সা উপার্জন করিতেন। মধ্যম এক প্রসিদ্ধ চটকলের টাইম-কীপার ; মাসিক মাহিনা তাহার যৎসামান্য, বাইশ টাকার বেশী নয়, কিন্তু সাপ্তাহিক উপরি উপার্জন তাহার অসামান্য, অষ্টগুণেরও উপর। পাটের কলে পয়সার এই প্রাচুর্য্য দেখিয়া উপেনের বুদ্ধিমান বাবা কনিষ্ঠ দুই সন্তানকে স্কুল হইতে অসময়ে নাম কাটাইয়া পয়সা উপার্জনের ফন্দী শিথিতে পাটকলের আফিসের হাজীরাখাতায় নাম লিখাইয়া দিয়াছিলেন। মুরুব্বীর জোর থাকায় তাহাদেরও গতি-মুক্তির যথোচিত ব্যবস্থা হইয়া গিয়াছিল।

চারি পুত্রই ছিল পরম পিতৃভক্ত। প্রজা ঠেঙাইয়া নানা উপায়ে পিতার প্রচুর উপার্জন তাহারা দেখিয়াছে, স্ততরাং পিতার প্রস্তাব শুনিয়াই শিক্ষার পথ ছাড়িয়া উপায়ের পথে পাড়ি দিতে কেহই দ্বিধা ভুলে নাই ; কিন্তু, গোল বাধিয়াছিল বিদ্রোহী পুত্র উপেনকে লইয়া।

পিতার ইচ্ছা, এ পুত্রটিও চাকুরীতে ঢুকিয়া পড়িয়া তাঁহার আমদানীর অঙ্ক বাড়াইয়া দেয় ; কিন্তু চাকুরীর উপর পুত্রের একান্ত

বিতৃষ্ণা, সে নানা অজুহাতে সে প্রস্তাব কাটাইয়া বিচক্ষণ রাসভারী পিতাকেও অবাক করিয়া দিয়াছিল।

আই-এ পরীক্ষার ফল বাহির হইতেই পিতার জেদ আরও বাড়িয়া যায়। মধ্যম ভ্রাতা এই সময় জানাইয়াছিল, সাহেব একজন ইংরাজী-জানা অ্যাসিষ্ট্যান্ট খুঁজছেন; বড়বাবু কাজের হলে কি হবে, ভাল ইংরাজী জানে না। উপেন যদি এ কাজে ঢোকে, দু'দিন বাদে সে-ই হবে বড়বাবু।

বৃদ্ধের মুখ তখন লোভে উজ্জ্বল হইয়া উঠিয়াছিল, মিলের বড়বাবু! বছর কতক টিকিয়া সরদাবদের ওপর খবরদারী করিতে পারিলেই একেবারে বড়মাল্লুষ। কিন্তু, এই যুক্তি দর্শাইয়াও শিক্ষিত পুত্রকে চাকুরীতে ঢুকাইতে পারা যায় নাই। একে চাকুরীর উপর তাহার চিরদিনই ঘৃণা, তাহাতে আবার পাটকলের বড়বাবুব পাষা! অবজ্ঞায় মুখখানা কুঞ্চিত করিয়া সে জবাব দিয়াছিল, আমার দ্বারা ও-কাজ হবে না, আমি বি এ পড়ব।

বিচলিত হইয়া পিতা তখন বলিয়াছিলেন, একেই বলে হাতের মোয়া ছেড়ে মুড়ির আশায় ছোটা। বি-এ ত' পড়বে, কিন্তু খরচ যোগাবে কে? এর পর আমি এক পরসাতো তোমার পড়ার পেছনে দিতে পারব না।

কিন্তু, পিতার এ দৃঢ়তাও পুত্রকে সঙ্কল্পচ্যুত করিতে পারে নাই, উদ্দীপ্ত কণ্ঠে সে পিতার মুখের উপর কোনও তীব্র বক্তৃতা না দিয়াই অতি সংক্ষেপে মৃদুস্বরেই শুধু বলিয়াছিল, আপনার আশীর্বাদ থাকলে আমার পড়াশুনা আটকাবে না।

উপেনের অদৃষ্টে তখন বিদ্যালভ ছিল, সুতরাং পড়া-শুনা

আটকায় নাই। ইহার গোড়াতেও ছিল সেই বয়সের সাহিত্য-সাধনা। সাহিত্য-জগতে সমাজপতি মহাশয়ের তখন রীতিমত দপদপা, উপেন ছিল তাঁহার লেখার পরম ভক্ত এবং সেই সূত্রে সে নিজের প্রিয়দর্শন চেহারা, শিষ্ট ব্যবহার ও সহজাত সাহিত্য-প্রতিভার সুপারিশে সেই দুঃখ সাহিত্যিক দুর্ভাগ্যের মেহটুকুও পূর্ণমাত্রায় আয়ত্ত করিয়া লইয়াছিল। সমাজপতির সহায়তায় সাহিত্যে হাত মক্ক করিবার সুযোগ পাইয়া সাহিত্যের দুর্গম পথে প্রবেশ করিবার সন্ধানটুকুও সে জানিতে পারিয়াছিল।

উপেনের পক্ষে অগতির গতি তখন সমাজপতি। চাকুরী করা সম্বন্ধে বাড়ীর ব্যাপারটা তাঁহাকে খুলিয়া বলিতেই তরুণের উৎসাহে তিনি উপেনের কাঁধটির উপর তাঁহার স্থল দীর্ঘ হাতখানির একটা ঝাঁকুনি দিয়া বলিয়াছিলেন,—বাঃ। এই ত চাই! এমন না হলে ছেলে! বেশ করেছ; সুরেশ সমাজপতির সাক্ষেদী যে দুদিনও করেছে, পাটের কলে সে কোন দিন কলম পিঁশতে যেতে পারে না।—যাদৃশী ভাবনা যশু সিদ্ধির্ভবতি তাদৃশী,—তোমার রাস্তা আলাদা; তাই এই বয়সেই সেটাকে মনে মনে বেছে নিয়েছ। পড়া-শুনা তোমার আটকাবে না।

শুধু মুখের কথা নয়, কথামত ব্যবস্থা করিতে কি আগ্রহই না তাঁহার দেখা গিয়াছিল। মা পুত্রকে অসময়ে বাহির হইতে দেখিয়া বলিয়াছিলেন, খাবার যে তৈরী, খেয়ে-দেয়ে বেরুলে হ'ত না, বাবা!

শরণাগতের কলেজে পড়ার ও মেসে থাকার গুরু ভারের বোঝাটি তখন ছেলের মাথায় চাপিয়া বসিয়াছিল, সূতরাং উত্তর

আসিয়াছিল,—আগে উপেনের পড়ার ব্যবস্থাটা করে আসি মা, তারপর খাবার কথা, উপেনকে নিয়ে দুজনে ; এক সঙ্গেই খাব ।

ব্যবস্থা হইতে বিলম্ব হয় নাই । উপাধ্যায় ব্রহ্মবাকুব বলিয়া-ছিলেন,—সন্ধ্যার পর উপেন ঘণ্টা দুই ‘সন্ধ্যা’র জন্ত খাটবে, মেসের খরচটা আমি চালিয়ে দেব ।

সি. আর. দাস মহাশয়—তখনও তিনি দেশবন্ধু হন নাই—সমাজপতির প্রস্তাবে সানন্দে জানাইয়াছিলেন—বই-টাই কেনবার খরচ ও কলেজের মাইনে বরাবর আমার কাছে থেকে তুমি নিয়ে য়েয়ো ।

সুতরাং সে সময় সমাজপতি মহাশয়ের চেষ্টা-যত্নে উপেনের পড়াশুনা ও সাহিত্য-সাধনা এক সঙ্গেই সুশৃঙ্খল গতিতে চলিয়াছিল । অতঃপর পিতার নিকট হইতে কোনও সহায়তা সে পায় নাই এবং কোনও দিন প্রার্থনাও করে নাই । তথাপি অবকাশ পাইলেই বাড়ী গিয়া পিতার চরণে ভক্তি নিবেদন করিতে ও কলিকাতায় থাকিবার সময় চিঠিপত্রে কুশল সমাচার লইতে কখনও তাহার পক্ষ হইতে কোনও ক্রটি দেখা যায় নাই ।

পিতার কোন সহায়তা না পাইয়াও যথা-সময়ে বি. এ পরীক্ষায় উত্তীর্ণ হইয়া উপেন প্রথমেই পিতার চরণতলে বসিয়া শ্রদ্ধা নিবেদন করিতে অবহেলা করে নাই—ভক্তিগদগদ স্বরে সে জানাইয়াছিল, আপনারই আশীর্বাদের জোরে আমি কৃতকার্য হইয়াছি, বাবা ।

কিন্তু, তথাপি নিয়তিনির্দেশেই যেন পিতাপুত্রের মধ্যে ব্যবধানের এক দুর্লভ্য প্রাচীর উঠিয়া পরস্পরকে চিরজীবনের মত বিচ্ছিন্ন করিয়া দিয়াছিল ।

অর্থের অভাব না থাকিলেও অর্থের মোহ উপেনের পিতাকে একেবারে অভিভূত করিয়া ফেলিয়াছিল। অবৈধভাবে উপরি উপায়ে যাহারা অভ্যস্ত, প্রজার নিকট প্রাপ্য ঋণ্য পাওনার উপর নানাবিধ অন্ত্যায় পাওনার জায় জুড়িয়া যাহারা শীন স্বার্থকে স্ফীত করিতে একান্ত ব্যগ্র, সুদের টাকা সিন্দুকে তুলিবার সময় যাহাদের স্ফকণী দিয়া লাল্য নিঃসৃত হয়,—অর্থের মোহ তাহাদের মনোবৃত্তিকে এমনই নিম্নগামী করিয়া দেয় যে, উপবের দিকে উঠিবার সামর্থ্য-টুকুও সেই সঙ্গে নিঃশেষ হইয়া যায়। বরং, অর্থানুসরণে নিম্নে নামিবার তাহাদের এই দুর্ভার গতির পথে অতি প্রিয়জনও যদি প্রতিবন্ধক হইয়া উঠে, তাহাকেও চূর্ণ করিতে ইহারা কিছুমাত্র দ্বিধা করে না।

আর সব ছেলেবা সম্পূর্ণ বাধ্য থাকিয়া বংশের নাম-ডাক, বাড়ীর শ্রী-ছাঁদ ও তাঁহার তহবিলের ভার দিন দিন বাড়াইয়া চলিয়াছে, শুধু এই অবাধ্য ছেলেটিই বেপরোয়ার মত তাঁহার আয়ত্তের বাহিরে গিয়া দাঁড়াইয়াছে,—এই ক্ষোভ বৃদ্ধের মনে সর্বক্ষণই বাথা দিতেছিল। কিন্তু, এই শ্রেণীর বৃদ্ধদের কূট বুদ্ধির তীক্ষ্ণতাও অসাধারণ। প্রথর বুদ্ধি অবিলম্বেই এমন একটা উপায়-রজ্জুব পরিকল্পনা করিয়া বসিল, যাহা সহস্রাধিক নগদ টাকা ও প্রচুর সামগ্রীর সহিত একটি সালঙ্কারা বধুকে বাঁধিয়া আনিতে ও পাস-করা উন্নয়ন পুত্রকে গৃহমার্গে আকর্ষণ করিতে—এক টিলে দুটি পাখীকে কাবু করিবার মত অব্যর্থ।

ইহার কিছুদিন পরেই পুত্রকে স্তব্ধবিস্ময়ে পিতার স্বহস্তলিখিত এই মর্ম্মের এক আদেশ-পত্র পড়িতে হইয়াছিল,—“আমাদের পাশের

গ্রামের আশুতোষ রায়ের সুন্দরী কন্যার সহিত তোমার শুভবিবাহের কথাবার্তা এক প্রকার পাকা হইয়া গিয়াছে। এই মাসেই শুভ-কার্য্য সমাধা করিবার বাসনা। যদি আমার প্রতি তোমার কিছুমাত্র শ্রদ্ধাভক্তি থাকে, তাহা হইলে কদাচ ইহাতে অন্তথা করিবে না। বেহেতু কথা আমি দিরাছি। সত্বর বাড়ীতে আসা চাই।

ইহার পরদিনই পাশের গ্রামের আশুতোষ রায় মহাশয় স্বয়ং উপেনের বাসায় আসিয়া তাহার হাত দুইখানি ধরিয়া আর্তস্বরে জানাইয়াছিলেন,—তুমি আমার কুল রক্ষা কর বাবা, আমি একেবারে দায়ে পড়ে ডুবতে বসেছি!

সবিস্ময়ে বৃদ্ধের অশ্রুপূর্ণ মুখখানির দিকে চাহিয়া উপেন জিজ্ঞাসা করিয়াছিল,—কি হয়েছে বলুন ত?

বৃদ্ধ ব্যাকুল ভাবে যাহা বলিয়াছিলেন, তাহার মর্ম্ম এই যে, বিবাহের কথাবার্তা যদিও পাকা হইয়া গিয়াছে, কিন্তু টাকার কোনও ব্যবস্থা সে পর্য্যন্ত হইয়া উঠে নাই এবং তাহার সম্ভাবনাও অল্প। প্রথম কন্যার বিবাহে তাঁহার জমিজেরাৎ সব বাঁধা পড়িয়াছে, এবার ভদ্রাসন বাঁধা দিয়া তাঁহাকে পনের টাকা সংগ্রহ করিতে হইবে। কিন্তু, তাহা সময়সাপেক্ষ। শুভকার্য্য বাহাতে আগামী মাসে সম্পন্ন হয়, সে সম্বন্ধে তিনি উপেনের পিতাকে বিশেষ অনুরোধ করিয়াছিলেন। কিন্তু, কর্ত্তা তাহাতে আপত্তি করিয়া বলিয়াছেন, বিবাহ এই মাসেই হওয়া চাই; ও-মাসে শুভা সম্বন্ধে ছেলের বিশেষ আপত্তি। কন্যাদায়গন্ত নিরুপায় পিতা অগত্যা ছেলের আপত্তিটুকু কাটাইবার জন্ত তাহার মেসে আসিয়া উপস্থিত হইয়াছেন।

অর্থের দিক্ দিয়া পিতার মনোবৃত্তির পরিচয় যদিও উপেনের অবিদিত ছিল না, কিন্তু তাহাকে উপলক্ষ করিয়া বিবাহসূত্রে এই ভাবে অর্থসংগ্রহের প্রচেষ্টা তাহার কোমল মনটির উপর সেদিন কঠোর আঘাত দিয়াছিল। বরাবরই সে পণপ্রথার বিরোধী, এই নিষ্ঠুর প্রথার প্রতিকূলে গল্প-প্রবন্ধ-কবিতায় কলমের কত তীক্ষ্ণ খোঁচাই সে দিয়াছে ; অথচ তাহারই বিবাহের ছলে তাহার পিতা দস্যুর মত ক্ষিপ্ত হইয়া উঠিয়াছেন বৈবাহিকের যথাসর্বস্ব লুণ্ঠন করিতে ! উপেন চিন্তা করিবার কোন অবসর না লইয়াই বৃদ্ধ রায় মহাশয়কে তৎক্ষণাৎ দৃঢ়স্বরে আশ্বাস দিয়াছিল,—বাবার কথা রদ করবার ক্ষমতা ত তার নেই, কাষেই এই মাসেই বিবাহ হবে। তবে, আপনাকে বাড়ীর ভদ্রাসন বাঁধা দিতে হবে না, দেওয়া-খোওয়ার ব্যাপার বাদ দিযেই বিনা আড়ম্বরে আপনি বিবাহের আয়োজন করুন।

অশ্রু সম্বল করিয়া বৃদ্ধ আসিয়াছিলেন কলিকাতার মেসে ছেলের হৃদয় বিগলিত করিতে। কিন্তু, ছেলের কথায় তাঁহারই চিত্ত বিগলিত হইয়া সঞ্চিত অশ্রু উদগ্র আনন্দ-প্রবাহে মিশিয়া গিয়াছিল। এ অশ্রুমাধুর্য্য ভুক্তভোগী ভিন্ন অন্তে উপলব্ধি করিতে পারে না।

বৃদ্ধকে বিদায় দিয়া উপেন সেইদিনই পিতার পত্রের উত্তর এই ভাবে দিয়াছিল,—বিবাহ সম্বন্ধে যে আদেশ করিয়াছেন, তাহা শিরোধার্য্য করিয়া এই প্রার্থনাটুকু জানাইতেছি, কোনওরূপ পণের সহিত আপনার পুত্রের এই পরিণয়ের কোনও সংস্রব না থাকে ; বিনাপণে কুলবধু গ্রহণ করিয়া এই নিষ্ঠুর-প্রথা-পীড়িত সমাজে

আপনিও একটা আদর্শ রক্ষা করেন, এইটুকুই অল্পগত পুত্রের অন্তরের কামনা।

তিন দিন পরেই উপেনের পিতা অল্পগত পুত্রের অন্তরের কামনাটুকু পূর্ণ করিতে এইভাবে ব্যবস্থা দিয়াছিলেন, বরাবরই লক্ষ্য করিয়া আসিতেছি, কে.এও বিষয়েই তুমি আমার মতানুবর্তী নহ। যে প্রথা আমাদের সমাজে অবাধে প্রচলিত, তোমার বিচারে তাহা অশাস্ত, তাহা নিষ্ঠুরতামাত্র। স্মরণ্য তোমার স্থায় স্থায়নিষ্ঠ সন্তানের কর্তব্য, আমাদের সংস্রবে না থাকা। অতএব, এই পত্রদ্বারা আমি তোমাকে ত্যাজ্যপুত্র করিতেছি। আমার অবর্তমানেও পৈতৃক সম্পত্তিতে তোমার কোনও স্বর্ভ বর্তাইবে না; এ সম্বন্ধে আইনসঙ্গত ব্যবস্থা করিতেও আমি ক্রটি করিব না, জানিবে।

চিরজীবনের সত পিতৃস্নেহ হইতে বঞ্চিত হইবার এই চরম ব্যবস্থায় পুত্র অল্প আঘাত পায় নাই; কিন্তু পত্রের শেষভাগে সম্পত্তি সম্বন্ধে পিতার বিধিনির্দেশ তাহার ব্যথাতুর মনটির ভিতরেও হাশ্বরসের সঞ্চার করিয়াছিল। সে তখন নিজের মনে অক্ষুটস্বরেই প্রশ্ন করিয়াছিল,—বাবা বর্তমান থাকতে, তাঁর স্নেহটুকু হারিয়ে, তাঁর অবর্তমানে সম্পত্তির লোভটুকু আমি ত্যাগ করতে পারব না, এই ধারণা নিয়ে তিনি আমার বিচার করেছেন?

পিতা-পুত্রের চিরবিচ্ছেদ ও প্রচুর পৈতৃক সম্পত্তি পরিত্যাগের ইহাই মর্মান্বশী ইতিহাস। কিন্তু, উপেন রায় মহাশয়কে যে প্রতিশ্রুতি দিয়াছিল, তাহা যথাসময়েই রক্ষা করিতে কিছুমাত্র অবহেলা করে নাই।

সমাজপতি মহাশয় পিঠ চাপড়াইয়া পুনরায় তাহাকে উৎসাহ দিলেন, সংবাদপত্রের সম্পাদকগণ মুক্তকণ্ঠে উদীয়মান সাহিত্যিক উপেন চৌধুরীর সংসাহসের প্রশংসা করিয়াছিলেন। বিভিন্ন সাময়িক পত্রে উপেনের ছবি পর্যন্ত ছাপা হইয়া যায়। সমাজপতি স্বয়ং উচ্ছোঙ্গী হইয়া তাহার বিবাহের ব্যবস্থা করেন। চাঁদা করিয়া টাকা তুলিয়া শুভবিবাহ ও বরানুগমনের ব্যয় নির্বাহ হয়। বিভিন্ন বয়সের বাছা বাছা বাইশজন সাহিত্যিক উপেনের বিবাহে বরযাত্রী হইয়া একটা স্মরণীয় আদর্শ রক্ষা করিয়াছিলেন।

বিবাহের পর ছোট একখানি বাড়ী ভাড়া করিয়া এই নবীন দম্পতির ক্ষুদ্র সংসারটি প্রতিষ্ঠা ও তাহাকে স্বচ্ছলভাবে চালাইবার ব্যবস্থা সম্বন্ধেও সাহিত্যিকগণ উচ্ছোঙ্গী হইয়াছিলেন।

উপেনের প্রতিভা ছিল, সাহিত্যরথীরা তাহাকে রথও দিয়া-ছিলেন, নিপুণ হাতে রথ চালাইয়া সাহিত্যের দুর্গম পথটুকু অতিক্রম করিয়া সুরম্য মন্দিরে সে সহজেই প্রবেশ করিয়াছিল। কমলাও তাহার প্রতি প্রসন্না হইয়া সংসারে অচলা হইয়াছিলেন। এই যুগের কঠোর সাধনায় এই অধ্যবসায়ী যুবা যশ, অর্থ, গৃহ, প্রতিষ্ঠা, সুনাম, সম্মান—যেগুলি মানুষের সম্বন্ধ-সৌভাগ্যের মাপকাঠি, সে সমস্তই অধিকার করিয়া বহু লক্ষপ্রতিষ্ঠ সাহিত্যিকের চিত্তেও চাঞ্চল্য তুলিয়াছিল। সুসময়ে কিছুই অভাব থাকে না; পুত্র, পরিজন, আত্মীয়, অভ্যাগত, বন্ধু বান্ধবের সমাগমে উপেনের সংসার তখন জমজমাট।

কথায় বলে, যার কর্ম তারে সাজে, অন্য লোকে লাঠি বাজে। এই প্রবচনটিও অতঃপর উপেনের সম্বন্ধে ছবছ খাটিয়া গিয়াছিল,

তাহার জমজমাট সংসারে বিষম আঘাত দিয়াছিল। সাহিত্যে নিজের দুর্ব্বার প্রতিষ্ঠা দেখিয়া বিষয়-বুদ্ধিহীন কতিপয় হিতৈষীর প্ররোচনায় উপেন চৌধুরী নিজেই গ্রন্থপ্রকাশের এক কারবার ফাঁদিয়া বসে। কাগজ কলমে মানুষের চরিত্রসৃষ্টি ও মনস্তত্ত্বের নির্দেশ দেওয়া, আর চেয়ারে বসিয়া জীবন্ত মনস্তত্ত্বের অধিকারীদের লইয়া ঘষামাজায় অনেক তফাৎ। যে কয় বৎসর কারবারের উপর অমুকুল বায়ু বহিয়াছিল, উপেনের বন্ধুরা স্বার্থের দিকে চাহিয়া ঠিক তাহার তালে তালেই পা ফেলিতেছিল, কিন্তু প্রতিকূল বাতাস বহিতেই একে একে সকলেই তফাতে সরিয়া গেল। কারবারের চাকা চালাইতে বসিয়া, উপেন নূতন সৃষ্টির সন্ধানে কলম চালাইবার আর অবসর পাইত না। যে সাধনা তাহাকে সিদ্ধি দিয়াছিল, সেই সাধনার প্রতি অশ্রদ্ধায় তাহার দুর্লভ প্রতিষ্ঠাটুকুও ক্ষুণ্ণ হইয়া পড়িল। কারবারের পাঠ তুলিয়া দিয়া উপেন যখন রিক্ত হইয়া ঘরে ফিরিয়া গেল, তখন কারবারের উদ্দাম বন্যায় তাহার ঘরের বাহা কিছু সংস্থান, সমস্তই ভাসাইয়া লইয়া গিয়াছিল।

উপেনের উঠতির সময় বঙ্গসাহিত্যও সমৃদ্ধ হইয়া উঠিয়াছিল ; তাহার পতনের সঙ্গে সঙ্গে বিশ্বব্যাপী আর্থিক অভাবের ফলে সাহিত্য ভাগীরথীতেও ভাঁটা পড়িয়াছিল। উপেন ভাবিয়াছিল, আবার নবীন উত্তমে অবিশ্রাস্তভাবে কলম চালাইয়া পাড়ি জমাইবে, কিন্তু দেখিল, সেদিন চলিয়া গিয়াছে। কয়েক বৎসর পূর্বেও যাহারা টাকা লইয়া লেখার জন্ত উমেদারী করিত, উপেন এখন নিজেই তাহাদের দ্বারস্থ হইয়া অগ্রিম লেখা দিয়া টাকার জন্ত হাঁটাহাঁটি করে। উপেন এতদিনে উপলব্ধি করিতে পারিয়াছিল,

চাকা চিরদিনই ঘুরিতেছে ; আজ যে উপরে, দুই দিন পরে তাহাকেই নামিতে হয় নীচে ! চক্রবৎ পরিবর্তনশ্বে ছুঃখানি চ স্মখানি চ ।

তিন

উপেনের সংসারে কমলা যখন মুখ ফিরাইয়া বসিয়াছিলেন, মা-ষষ্ঠী তখন প্রসন্নমুখে তাহার দিকে চাহিয়াছিলেন । গৃহে অন্নবস্ত্রের নিত্য অভাব থাকিলেও পুত্রকন্যাদের কলহাস্ত্রের অভাব ছিল না । সহধর্মিণী অভয়া বিবাহের রাত্রে শুভদৃষ্টির সময় হইতে স্বামীর উদ্দেশে এ পর্যন্ত বরাবর একটানা শ্রদ্ধা নিবেদন করিয়া আসিয়াছে । এই দেবতুল্য মানুষটির অপ্রত্যাশিত সৌজন্তে তাহার বাবার মানসম্ভ্রম রক্ষা পাইয়াছে, ভদ্রাসন দায়গ্রস্ত হয় নাই, এ কৃতজ্ঞতায় তাহার নারী-হৃদয়টি ভরিয়া গিয়াছিল ; স্বামীর সম্বন্ধে কোনও বিরুদ্ধ ধারণাই সেখানে যেমন স্থান পাইত না, স্বামীর অপ্রিয় হইবার কোনও কারণই তাহার দিক্ দিয়া তেমনই উপস্থিত হইতে পারে নাই । স্বামীর স্মৃতিতে বিনা প্রতিবাদে সে যেমন নিজের অনভিপ্রেত অনাবশ্যক ব্যয়বহুল বহু অনুষ্ঠানে হাত দিয়াছে, বর্তমানের দুর্দিনে স্বামীর অনভিপ্রেত জানিয়াও তাঁহার মান-সম্ভ্রম রক্ষা করিতে এক একখানি করিয়া গায়ের সমস্ত গহনা খুলিয়া দিয়া অপরিমিত তৃপ্তি অনুভব করিয়াছে ।

নিরাভরণা পত্নীর দিকে চাহিয়া উপেন এক এক দিন দীর্ঘ-নিশ্বাস ফেলিয়া বলে,—তুমি যদি একটু কঠিন হতে, তা হলে হয়ত এতটা দুর্গতি তোমার হত না ।

অভয়া হাসিয়া উত্তর দেয়,—গায়ে খাঁনকতক গয়না থাকলেই সব দুর্গতি বুঝি আমার ঘুচে যেত ?

—জান না, ঐগুলোই যে আজকাল মেয়েদের মর্যাদার মাপকাঠি ।

—আমি কিন্তু ভাগ্যের জোরে ওর গণ্ডী পেরিয়ে এসেছি ।

—কিসে ?

—বুঝতে পারনি, সত্যি ?

—সুখের দিনে এমন নিবিড়ভাবে ত' তোমার সঙ্গে মেশবার অবসর পাইনি, এখন দুদিনে সেটুকু পেয়ে তোমার কথায় অনেক তব্বকথা শুনতে পাই । সত্যই আমি বুঝতে পারি নি ।

—তুমি বুঝেছ, তবে ধরা দিচ্ছ না ;—আমি এই কথা বলতে চাইছি, আমার মর্যাদার মাপকাঠি গয়না নয় মশাই,—তুমি ।

—ঘরে যাব অন্ন নেই, “অন্ন ভক্ষ্যা ধনুগুণঃ” অবস্থা, এই নির্ধন স্বামী ?

—ধনই কি শুধু পুরুষের গুণের মাপকাঠি ? এই নির্ধন পুরুষের লেখা পড়ে সবাই যখন স্তম্ভিত করে, গয়না না পরার ক্ষোভটুকু তখন মনেই আসে না ; গয়না-পরা অনেক গববিণীই আমাকে কত বড় ভাগ্যবতী মনে করে, তা ত জান না ! ছেলেবেলায় ইস্কুলের বয়েও আমরা পড়েছি—নারীণাং ভূষণং পতিঃ । তবে ?

জীবনসংগ্রামে ক্ষতবিক্ষত দারিদ্র্যক্লিষ্ট সাহিত্যিক অভাবের ব্যথা ভুলিয়া নিরাভরণা মলিনবসনা পত্নীর প্রসন্ন মুখখানির দিকে শুধু বিস্ময়ে চাহিয়া থাকে, তাহার মুখে কথা ফুটে না ।

এই দুঃখের সময় উপেনের বিধবা ভগিনী মায়া একমাত্র বালিকা কন্যার হাত ধরিয়া পিতৃপরিত্যক্ত অসহায় ভাইটির সংসারে আসিয়া উঠিল ; সস্ত্রীক উপেন সাক্ষর্যনে ভগিনীকে তাহাদের গৃহে আদর করিয়া বরণ করিয়া লইল, তাহাদের পুত্রকন্যারা পিসিমার কন্যা মমতাকে পাইয়া উল্লাসে আত্মহারা ; দুঃখের সংসারে আর এক ভাগিদার আসিয়া জুটিল, এ দুর্ভাবনা কাহারও মনে দ্বিধা তুলিল না ।

বিধবা হইবার পর শাশুড়ীর নিষ্ঠুর আচরণ সহ্য করিতে না পারিয়া সকল মায়া প্রথমে পিত্রালয়েই আশ্রয় লইয়াছিল । পিতা তখন লোকান্তরিত, অগ্রান্ত ভ্রাতারা তাঁহার স্থলাভিষিক্ত হইয়া ধনে মানে বরণ্য হইয়া উঠিয়াছিল । মায়া ও মমতাকে ভ্রাতারা আশ্রয় দিলেও, ভ্রাতৃজায়াসেটা পছন্দ করিতে পারে নাই । মন্দার বাজারে দুটি মানুষকে টানিয়া যাওয়া, তাহার পর আজনা হয় মমতা বালিকা, বছর কতক পরে তাহার বিবাহের বয়স হইবে, তখন ?

উপেন নির্বোধ হইলেও, তাহার ভাইগুলি পিতার ধনসম্পত্তির অহিত তাঁহার তীক্ষ্ণবুদ্ধিটুকুরও উত্তরাধিকারী হইয়াছিল । তাহারা পরামর্শ করিয়া মায়াকে দিয়া তাহার শাশুড়ীর বিরুদ্ধে খোরপোষের একটা মাসোহারা আদায় করিতে মামলার পরিকল্পনা করিল । কিন্তু, মায়া ঝাঁকিয়া বসিল, সে দৃঢ়তার সহিত জানাইল, শাশুড়ী আমার সঙ্গে যে ব্যবহারই করুন, তিনি গুরুজন ; তাঁর নামে আমি মামলা করতে পারব না ।

ভগিনীর আচরণে ভায়েরা চটিয়া আগুন হইয়া উঠিল, ভ্রাতৃ-

জায়া রা শ্লেষ দিয়া অনেক কথাই শুনাইল। বড়ভাই ব্যঙ্গের স্বরে মন্তব্য প্রকাশ করিল, উপেনের হাওয়া দেখছি তোর গায়েও লেগেছে, নিজের বুদ্ধিই বড় ; আমরা সব বোকা, আমাদের কথার কোন দাম নেই।

মায়া আর্তস্বরে জিজ্ঞাসা করিল,—তোমাদের কি এমন সামর্থ্য নেই দাদা, আমার শাশুড়ীর পয়সা না নিয়ে আমাদের পুষতে পার ?

বড়ভাই বিরক্ত হইয়া উত্তর দিলেন,—থাকলেও পাওনাগণ্ডা কেন ছেড়ে দেবো ? নালিশ করলেই কম-পক্ষে পঁচিশটি টাকা মাসোহারা বরাদ্দ হবেই, এ আমরা ছাড়ব কেন ? নালিস কালই রুজু করব আমরা।

মায়া কঠিন হইয়া কহিল,—না খেয়ে আমরা শুকিয়ে মরব, সেও ভাল, তবু শাশুড়ীর নামে আমি তোমাদের নালিস করতে দেব না।

তখন ভায়েরা একমত হইয়া রায় প্রকাশ করিল,—তা হলে এ বাড়ীতে তোমার থাকা হবে না। উপেন কলকেতায় আছে, বই লিখে খুব নাম করেছে, তার কাছেই যাও।

সেই দিনই মায়া কণ্ঠা মমতার হাত ধরিয়া কলিকাতায় উপেনের বাসায় আসিয়া উপস্থিত হয়। উপেন সমস্ত শুনিয়া গাঢ় স্বরে ভগিনীকে শুনাইয়া দিল,—আমি যদি তোমার অবস্থার পড়তুম বোন, তা হলে আমিও ঠিক ঐ কথাই বলতুম। তোমার কথায় আমি ভারি আনন্দ পেয়েছি।

মায়া কহিল,—ছেলেবেলা থেকেই তোমার উঁচু মনটি যে আমি ভাল করেই জানি দাদা, তাই না তোমার কাছেই ছুটে এলুম।

উপেন জোরে একটি নিশ্বাস ফেলিয়া কহিল,—কিন্তু এমন দিনে

এলে বোন, মুখের মিষ্টি কথা ছাড়া তোমাদের আদর করবার আর কিছু আমার নেই।

মায়ার দুই চক্ষু তখন অশ্রুতে ভরিয়া গিয়াছে, আর্তস্বরে সে কহিল,—মুখের আদরই যে সব চেয়ে বড় আদর দাদা, তোমার আয় নেই, অবস্থা সবই বুঝছি, তবু তুমি আমাকে এমন করে ঘরে তুলে নিলে; আর তারা—চাষের চাল, বাগানের ফসল, বাবার অতুল সম্পত্তি থাকতেও, আমাদের ঠাই দিলে না। কিন্তু, আর ত' এ অভাগীর কোথাও স্থান নেই, দাদা!

উপেন আকুল হইয়া কি বলিতে যাইতেছিল, কিন্তু অভয়া ছুটিয়া আসিয়া মায়ার হাতখানি ধরিয়া কহিল,—অমন কথা বল না ঠাকুরঝি, এ সংসারে সবার আগে তোমার স্থান। আমাদের আটটি সন্তান, কিন্তু আমরা আজ থেকে জানব, তোমার মমতা তাদের সকলের ওপরে। তোমার ভাবের যেটুকু আয় আছে, বা উনি উপায় করে আনেন, তুমিই তা সকলকে বেঁটে দেবে, ঠাকুরঝি!

অশ্রুমুখী ভ্রাতা ও ভগিনী অভয়ার দৃষ্ট মুখখানির দিকে চাহিয়া রহিল, কাহারও মুখে কথা নাই, অবিরল অশ্রুধারায় বাক-শক্তি তাহাদের রুদ্ধ হইয়া গিয়াছিল।

সে রামও নাই, সে অযোধ্যাও নাই। এই দুর্দিনে প্রথম যৌবনের পরম পৃষ্ঠপোষক সমাজপতির কথা উপেনের স্মৃতিপথে প্রায় উদ্ভিত হইয়া উঠে, তখনকার সাহিত্যিক দিক্‌পালদের আশ্র-

রিকতার কত স্মৃতি ব্যথার অশ্রু সৃষ্টি করে। আজ তাঁহারা কোথায় ? সাহিত্যের তপোবনে আজ বিপ্লবের ঝঞ্জা ছুটিয়াছে, যোগ্যতার আদর নাই, যোগাড় ও চাটুকারণিতার সহায়তায় সুবিধাবাদীরা প্রতিভার গতি ফিরাইয়া দিয়াছে, শুরু বিষয়ে উপেন চৌধুরী তাহাদের দুর্ব্বার অভিযান দেখে, দীর্ঘনিশ্বাস ফেলিয়া সমাজপতিকে স্মরণ করে।

যে আপনভোলা মানুষটি নিজের সুসময় ও অসময়ে বহু দুঃস্থ সাহিত্যিকের সহায়তায় মুক্তহস্ত হইত, তাহার শোচনীয় দুর্দিনে তাহাদের কেহই কোনও দিন সন্ধান লইতে আসে নাই,—ভাগ্যবিড়ম্বিত তাহাদের সাহিত্যিক বন্ধুটির দিন কি ভাবে কাটিতেছে। কলিকাতা সহর, পাশের বাড়ীর অধিবাসী প্রতিবেশীর হাঁড়ীর খবর রাখে না ; কে জানিবে—যে সংসারে দুই বেলায় একুশ বাইশ খানি পাতা পড়িবার কথা, সেখানে তাহাদের জীবনযাত্রা কি ভাবে নির্ব্বাহ হইতেছে !

উপেনের এখন কোনও বিলাস নাই, কোনও বিষয়ে উল্লাস নাই, দৈনিক কাগজে আমোদ-প্রমোদ বা খেলা-ধুলার খবরটুকু পড়িয়াই তাহার তৃপ্তি, যোগ দিবার প্রবৃত্তি কখনও দেখা যায় না ; অহোরাত্র চক্ৰিণ ঘণ্টার মধ্যে চৌদ্দ ঘণ্টা সে লেখা লইয়া সাধনা করে। এই সাধনার মধ্যে সে বিশেষভাবে উপলব্ধি করিয়াছে অভাবের লাঞ্ছনা ও দুঃখের বেদনা। বহু চিত্রই উপেনের নিপুণ লেখনী চিত্রিত করিয়াছে, তাহার বহু গ্রন্থেই বীরত্ব, প্রণয়, সত্যনিষ্ঠা ও সতীত্বের আদর্শ প্রতিকলিত হইয়াছে, কিন্তু আবালায় অন্নকষ্টের সহিত অপরিচিত এই সাহিত্যিকের মস্তিষ্কে সত্যকার

দুঃখের অক্ষুভূতি কোনও দিন আত্মপ্রকাশ করিতে পারে নাই।
অভাব ও দুঃখের গতি এতদিনে তাহার লেখার গতিও ফিরাইয়া
দিয়াছে। এখন তাহার রচনার প্রতিছত্রে এমন একটা করুণ ভাব
ফুটিয়া উঠে, যাহা পড়িবামাত্রই মুখের উপর ক্রেশের চিহ্ন দেখা দেয়,
চক্ষুপ্রান্তে অশ্রুর প্রবাহ বহিয়া যায়।

কয়েক দিন কঠোর পরিশ্রমের পর উপেন তাহার নূতন বড়
গল্পটি সবেমাত্র শেষ করিয়াছে, গল্পের দুর্ভাগ্য নায়কের অপরিসীম
দুর্গতি স্বহস্তের লেখনীতে দাগিয়া দিয়াও তাহার চক্ষু দুইটি
তখনও অশ্রুর উদ্যম আবর্ত হইতে মুক্ত হইতে পারে নাই, এমন
সময় স্নানমুখে অভয়া তাহার লিখিবার টেবলখানির পাশটিতে
আসিয়া দাঁড়াইল। পত্নীর মুখখানির উপর আঁর্ত দুইটি চক্ষু
পড়িতেই উপেন চমকিয়া উঠিল, সহস্র অভাবের মধ্যেও ত' সে
অভয়াকে এমন ক্লিষ্ট হইতে দেখে নাই, তাহার চিরপ্রসন্ন সুন্দর
মুখখানির উপর একরূপ বিষাদের ছায়া ত' কখনও পড়ে নাই ;
তাহার বুকখানি কাঁপিয়া উঠিল, ভীত কণ্ঠে প্রশ্ন করিল,
কি হয়েছে ?

অভয়া কাতরকণ্ঠে কহিল, তোমার লেখার সময় ব্যাঘাত দিতে
কখনো আসি না, সংসারের সব ভাবনা থেকে তোমাকে আড়ালে
রাখতে চাই, কিন্তু আর পারলুম না ; অভাব না হয় সহ্য যায়,
কিন্তু রোগকে ত' আর ঠেকিয়ে রাখতে পারছি না, তাই সব ভুলে
তোমার কাছে ছুটে এসেছি—

—রোগ ! কার—কার ? কই কিছু ত' বল নি আমাকে !

—কি করে তোমাকে বলব ? অষ্টপ্রহর মাথা খাটাচ্ছ তুমি,

আমাদের জন্তে দেহপাত করতে বসেছ তা ত' দেখছি, পেট ভরে খেতে পাও না, এর ওপর অসুখের কথা কি করে তোমাকে—

অভয়ার স্বর অশ্রুর আবেগে রুদ্ধ হইয়া গেল, উপেন বিচলিত কণ্ঠে জিজ্ঞাসা করিল, কার অসুখ করেছে অভয়া ?

অভয়া অঞ্চলে দুই চক্ষু মুছিয়া কহিল, মমতার কথা বলতে এসেছিলুম। আজ চার দিন বাছা আমার একজরি হয়ে পড়ে আছে, অমনি অমনি ছেড়ে যাবে ভেবে তোমাকে আমরা কিছু জানাই নি—

—ও ! তাই তাকে দেখতে পাই নি বটে, জিজ্ঞাসা করতে, বলেছিলে, ঘুমুচ্ছে। তোমরা আমাকে এরই মধ্যে এতটা তফাতে সরিয়ে দিয়েছ, পর করে ফেলছ ক্রমে ক্রমে—

—ওগো, না না—কেন তুমি একথা বলছ ! বোঝার ওপর বোঝার ভার তোমার ওপর কত চাপাব বল ! তিন দিন পরে সেরে যাবে ভেবে সব চেপে রেখেছিলুম ; আজ অবস্থা দেখে আর পারলুম না, ছুটে এলুম তোমাকে জানাতে। তোমার লেখায় বাধা দিলুম বুঝি, কিন্তু আর যে উপায় নেই !

—লেখা আমার শেষ হয়েছে, চল মমতাকে দেখি।

মমতার অবস্থা দেখিয়া উপেন শিহরিয়া উঠিল ; ফুলের মত সুন্দর মেয়েটি বিছানার সহিত মিশিয়া গিয়াছে ; এক এক বার চমকাইয়া উঠিতেছে, কিছুক্ষণ চুপ করিয়া থাকিয়া জরের ঝাঁকে ভুল বকিতেছে। কয়দিন কোনও চিকিৎসাই হয় নাই, মিছরির পয়সাও ঘরে নাই, ডাক্তার ডাকিয়া দেখাইবার ব্যবস্থা ত' দূরের কথা।

মায়ার মুখে কথা নাই, চুপটি করিয়া সে মেয়ের পাশে বসিয়া আছে ; দাদার অবস্থা আসিয়া অবধি সে দেখিতেছে, সামান্য ষাহা সে উপায় করিয়া আনে, সুশীলা ভ্রাতৃজায়ার সহিত পরামর্শ করিয়া তাহাতেই কি ভাবে যে দিনের পর দিন তাহারা এই জীর্ণ সংসারতরণীটি চালাইয়া আসিতেছে, অন্তর্যামী ভিন্ন অন্য কেহ তাহার সন্ধান রাখিতে পারে না । কিন্তু, ইহার উপর যদি ঝড় ওঠে, রোগ-ব্যাধি তুফান তোলে, কি করিয়া এ তরী তাহারা সামলাইবে !

সদ্যোসমাপ্ত লেখাটি পকেটে ফেলিয়া অস্নাত অভুক্ত অবস্থায় উপেন উপায় অন্বেষণে বাহির হইয়া পড়িল ।

বছর কতক পূর্বেও এই উপেন চৌধুরী বন্ধুমহলে জোব করিয়া বলিয়াছে—কর্মক্ষেত্রে অসংখ্য দরজা খোলা পড়িয়া আছে ; লেখাপড়া ভালরকম জানা থাকিলে কিংবা কোনও একটা বিষয়ে দক্ষতা থাকিলে জোর করিয়া সে যে কোনও দরজার ভিতর ঢুকিয়া কর্ম আয়ত্ত করিতে পারে, বিফলমনোরথ কেন সে হইবে ! কোনও শিক্ষিত ব্যক্তি বেকার হইয়া বসিয়া আছে শুনিলে, উপেন তাহার সম্বন্ধে দস্ত করিয়া বলিত, হয় সে মাতাল, না হয় চরিত্রহীন, অথবা অলস ! কৃতবিদ্য লোক ভাগ্যচক্রে কর্মপস্থা হারাইয়া চরম দুর্দশা ভোগ করিতেছে, উপন্যাসে বা গল্পে কোনও লেখক একরূপ চিত্র অঙ্কিত করিলে উপেন প্রতিবাদ তুলিয়া বলিত, ইহা অবাস্তব এবং অস্বাভাবিক ।

কিন্তু, গত দুই বৎসরের কঠোর জীবনসংগ্রামে ক্ষতবিক্ষত ও পদে পদে আশাহত সেই উপেন চৌধুরী মর্মে মর্মে উপলব্ধি

করিয়াছে, কত বড় ভুল ধারণাই নিজের মনে বরাবরই সে পোষণ করিয়া আসিয়াছে এবং সেই সূত্রে তাহার পৃষ্ঠে অদৃষ্টের কি তীব্র কশাঘাত পড়িতেছে! এখন সে দুটি বেলা ঈশ্বরের উদ্দেশে অনুতাপের সুরে বলে, কৰ্মফল অবশ্যস্তাবী; তোমার ইচ্ছার তালে তালে পা ফেলিয়া মানুষকে চলিতে হইবেই।

চার

মধ্যাহ্নের প্রথর রৌদ্রের তেজটুকু সহ করিয়া উপেন চৌধুরী পর পর কতিপয় সাহিত্য প্রতিষ্ঠানের দ্বারস্থ হইল, কিন্তু অগ্রিম টাকা দিয়া কেহই তাহার লেখাটি লইল না। সকলেরই এক কথা, যে দিন-কাল পড়েছে, ছাপানো বইই বিক্রী হয় না, নূতন ছাপিয়ে করব কি! তবে কপিটা রেখে যদি যান, পরে বিবেচনা করে বলতে পারি।

কিন্তু, উপেনের যে কত বড় অভাব, তাহার সন্ধান কে রাখিবে! এ লেখা উপলক্ষ্য করিয়া যে অর্থ সে উপায় করিতে বাহির হইয়াছে, তাহার উপর নির্ভর করিতেছে অভাগিনী ভাগিনীর একমাত্র সাহায্যের নিধি মমতার চিকিৎসা, ঔষধ, পথ্য—তাহার জীবন-মরণ-সমস্যা।

যে সকল প্রকাশকের সহিত উপেনের পরিচয় ছিল এবং যাহারা সাক্ষাৎসম্বন্ধে এখনও পর্য্যন্ত অপরিচিত, উপেন একে একে

তাহাদের সকলেরই সহিত সাক্ষাৎ করিল, যেখানে বিশেষ ঘনিষ্ঠতা ছিল, অভাবের হেতুটুকুও আভাসে জানাইল, কিন্তু কোথাও তাহার আশা মিটিল না।

এই সময় সহসা তাহার মনে পড়িল অপরাজিতা সাহিত্য-প্রতিষ্ঠানের কথা। সুপ্রতিষ্ঠিত বিরাট সাহিত্যভবন ; বহু লক্ষপ্রতিষ্ঠ সাহিত্যিক এখানে মাথা মুড়াইয়াছেন, কিন্তু উপেন চৌধুরী কোনও দিন এই প্রতিষ্ঠানের সংস্পর্শে আসে নাই। উপেনের বখন সুসময়, অপরাজিতা সাহিত্য-প্রতিষ্ঠানের স্বত্বাধিকারী সত্যব্রত শর্মা উপেনের রচিত একখানি গ্রন্থ ক্রয় করিতে চাহিয়াছিলেন। উপেনের তখন আকাঙ্ক্ষা, সে নিজের প্রতিষ্ঠানকে অপরাজিতার উপরে তুলিয়া তাহার নামের প্রভাবটুকু পর্য্যন্ত ম্লান করিয়া দিবে। সুতরাং সত্যব্রত শর্মার প্রস্তাব সে দিন সে দস্তভরে হাসিয়া উড়াইয়া দিয়াছিল। উপেনের ভাগ্যবিধাতাও সে সময় বোধ হয় মনে মনে হাসিয়াছিলেন।

বেলা তখন দুইটা, উপেনের অবস্থা ঠিক উন্মাদের মত। কোনও দিকে আর লক্ষ্যপ না করিয়া সকল দিগা মন হইতে ঠেলিয়া দিয়া সে অপরাজিতা আফিসে এই প্রথম প্রবেশ করিল। দেখিল, সত্যই বিরাট কার্যালয়, বহুজনে বৃহৎ ভবনের বিভিন্ন অংশ পূর্ণ। নিদারুণ অবসাদে ও উপর্যুপরি আশাভঙ্গে উপেনের দেহ তখন টলিতেছে, মাথার ভিতর ঝিম ঝিম করিতেছে। মনে এ অবস্থাতেও নানা সংশয় ; নিজের অশিষ্টাচরণের কথা বার বার পীড়া দিতেছিল ; কিন্তু তথাপি সে তাহার এইদিনের অভিঘানের শেষ লক্ষ্যস্থানটুকু পরীক্ষা না করিয়া ফিরিবে না, এ বিষয়ে

একেবারে অটল। সূসময়ে সদ্যবহার করিয়া যে সকল স্থানে অসময়ে কোন সহায়তা পায় নাই, যে স্থানে অসদ্যবহার করিয়াছে, সেখানে কি প্রতিদান পায়, তাহা নির্ণয় করিতে বাধা কি !

অফিসের ভিতরে প্রবেশ করিতেই সেই কর্মচারীর সহিত উপেনের প্রথম সাক্ষাৎ হইল—পাঁচ বৎসর পূর্বে যে লোকটি এই প্রতিষ্ঠানের স্বত্বাধিকারীর পত্র লইয়া লেখার জন্ত উপেন চৌধুরীর দ্বারস্থ হইয়াছিল। উপেনকে দেখিয়াই কর্মচারীটি তাহার সম্মুখে আসিয়া সসম্মমে প্রশ্ন করিল,—এ কি, আপনি যে! কেমন আছেন চৌধুরী মহাশয়, চেহারা এ রকম কেন ?

শুষ্ক কণ্ঠে উপেন কহিল,—রোদে অনেকটা পথ এসেছি কি না, তাই একটু ক্লান্ত হয়েছি ;—আপনাদের কর্তা কোথায় ? আমি তাঁর কাছেই এসেছি।

কর্মচারী উপেনকে সম্বন্ধে কর্তার সূসজ্জিত ঘরে লইয়া বসাইল, পাখা খুলিয়া দিল, তাহার পর সবিনয়ে জানাইল,—তিনি একটু আগেই বেরিয়েছেন, ফিরতে হয় তো ঘণ্টা দুই দেবী হবে। আপনি বসবেন কি ?

উপেনের মুখে নৈরাশ্রের ছায়া পড়িল ; বুঝিল, এখানেও কোন ভরসা নাই। ম্লান-মুখে কহিল,—আমি একটু জরুরী কাষেই এসেছিলুম, অতটা সময় অপেক্ষা করতে পারব না, তা হলে আজ উঠি।

কর্মচারী কহিল,—আপনি আমাকে হয় তো চিনতে পারেন নি এখনও, কিন্তু আমি আপনাকে চিনি ; আপনি মস্ত লেখক।

বোধ হয় আপনার মনে আছে, বছর পাঁচেক আগে কর্তারই এক চিঠি নিয়ে আপনার কাছে একখানা বইয়ের জন্ম গিয়েছিলুম।

উপেনের সর্ব্বাঙ্গ তৎক্ষণাৎ কণ্টকিত হইয়া উঠিল, অতি কষ্টে আত্মদমন করিয়া সে গাঢ়স্বরে কহিল,—দেখুন, এখানে ঢোকবার আগে সেই দিনটির কথা আমি বোধ হয় একশ বার মনে করিছি—তবুও এসেছি, সমস্ত সঙ্কোচ ত্যাগ করে।

কর্মচারী কহিল,—তাতে কি হয়েছে? কর্তা সে সব কথা মনেও রাখেন না, তা হলে এত বড় হতেন না তিনি। যা হউক, আপনার কি কাজ আমাকে যদি বলেন, কর্তা এলেই আমি তাঁকে জানাতে পারি।

এতক্ষণে উপেন বেন অকূলে কূল পাইল, আগ্রহের সুরে কহিল—দেখুন, ঈশ্বর যা করেন ভালর জন্মই; কর্তা উপস্থিত থাকলে তাঁর কাছে চক্ষুজ্জ্বায় হয় তো আমি সব কথা বলতে পারতুম না। আমার যা বলবার, যে জন্ম আমি এসেছি, আপনাকেই সব জানিয়ে যাচ্ছি, আপনি তাঁকে বললেই হবে।

তখন আবেগের সুরে উপেন চৌধুরী তাহার সেদিনের নিষ্ফল চেষ্টা, নিজের আর্থিক দুর্দশা ও বাড়ীর অবস্থা সংক্ষেপে বলিয়া তাহার নুতন-লেখা বইখানির-পাণ্ডুলিপি সেই কর্মচারীর হাতে সমর্পণ করিল।

কর্মচারী কহিল,—কর্তা আসবা-মাত্রই আমি তাঁকে এখানা দেব, আপনার কথা সব জানাব।

উপেন কহিল,—আমার ঠিকানা ওতেই লেখা আছে। তাঁকে বলবেন, যদি ওর মধ্যে বস্তু কিছু থাকে, তিনি যেন রাখেন, আর এই অসময়ে আমাকে দেখেন।

যে লেখাটি অবলম্বন করিয়া সারাদিন সে দ্বারে দ্বারে ঘুরিয়াছে, সেইটিই যেন ভারি বোঝার মত তাহাকে এতক্ষণ বিষম ব্যথা দিতেছিল। সেই বোঝাটা এই স্থানেই নামাইয়া দিয়া মাতালের মত টলিতে টলিতে সে বাহির হইয়া গেল।

রাস্তায় চলিতে চলিতে নিজের মনেই উপেন নিজের সমালোচনা করিতে লাগিল। কি সার্থকতা এই বৃত্তি অবলম্বনের! সে ত' নিজে রুতবিহ, ভুঁটফোড় ওস্তাদ নহে; নিজের সাধনায় দেশের মধ্যে সে নাম করিতে পারিয়াছে, তাহার নাম আজ সকলেরই পরিচিত। কাগজকলম লইয়া অনায়াসেই সে এমন কোনও উপভোগ্য বিষয়-বস্তুর সৃষ্টি করিতে পাবে, বিপুল বিচার অধিকারী বহু মনীষীর পক্ষেই যাহা দুঃসাধ্য। অথচ, অর্থের দিক দিয়া তাহার কোনও সার্থকতা নাই! 'তাহার মত এক নামী লেখক নিজের রচিত লেখা লইয়া দ্বারে দ্বারে ঘুরিয়াও তাহার বিনিময়ে সত্ত্ব সত্ত্ব গোটা-কতক টাকা উপায় করিতে পারিল না!

এবার তাহার মনে গৃহের স্মৃতি জাগিয়া উঠিল। কেমন করিয়া রিক্ত হস্তে সে বাড়ীর দরজায় মাথা গলাইবে? যদি মমতার অম্লথ আরও বৃদ্ধির দিকে গিয়া থাকে,—কি ব্যবস্থা তাহার করিবে? সে ত' নিজেই রিক্ত, কিন্তু তথাপি সে বাড়ীর কর্তা, অতগুলি প্রাণীর অভিভাবক!

না, টাকা তাহাকে সংগ্রহ করিতেই হইবে। হঠাৎ তাহার মনে পড়িয়া গেল, দুঃস্থ সাহিত্যিকদের দুর্দিনে সে ত' কোনও দিন নিশ্চেষ্ট থাকে নাই। বহু দুঃস্থ সাহিত্যিকের কাহিনী সে শুনিয়াছে, সাগ্রহে সাধের অতীত সাহায্যও করিয়াছে, কিন্তু

আজ তুলনার সমালোচনা-সূত্রে তাহার মনে হইতেছে, দুর্দশার দিক্ দিয়া সে নিজেই সকলকে অতিক্রম করিয়া ফেলিয়াছে।

দেওয়ালে দৃষ্টি পড়িতে সিনেমার এক অভিকায় প্রাকার্ডে কোনও নূতন চিত্রনাট্যের প্রযোজকের নামটি তাহাকে সহসা সচকিত করিয়া ভুলিল। তিলোত্তমা চিত্রনাট্যের প্রসঙ্গে তাহার প্রযোজক, যে প্রভাত পাকড়াশীর নাম আজ প্রসিক্ক হইয়া উঠিয়াছে, এক সময় এই উপেনই ছিল তাহার পরম পৃষ্ঠপোষক। পাকড়াশীর তখন মাথা রাখিবার স্থান ছিল না, খাইবার কোনও সংস্থানই সে করিতে পারে নাই, সাহিত্যের তপোবনে তাহার কিছুনাত্র প্রতিষ্ঠা ছিল না, কবিগুরুর অনুকরণে কবিতা লিখিয়া সবে মাত্র কপচাইতে শুরু করিয়াছে এবং সাহিত্যিকদের দলে ভিড়িয়া অদ্ভুত তৎপরতায় নিজের স্থানটুকু শুধু করিয়া লইয়াছে। উপেনের তখন ফলাও কারবার, পাকড়াশীর তোষামোদে ভুলিয়া তাহাকে স্থান দিল, স্থিতিরও ব্যবস্থা একটা হইল। সমবয়স্ক তরুণ সাহিত্যের পকেট হাতড়াইয়া যে লোকটিকে জীবিকার সংস্থান করিতে হইত, উপেন তাহার গতি ফিরাইয়া একটা উপায় করিয়া দিল। যতদিন উপেনের অদৃষ্ট-সায়রে জোয়ার চলিতেছিল, পাকড়াশী তাহার সংস্রব ছাড়ে নাই, কিন্তু ভাটার সূচনা দেখিয়াই সে গা ঢাকা দিয়াছিল।

আজ সেই পাকড়াশী কোনও বিষয়েই কৃতবিদ্য না হইয়াও সহরের শ্রেষ্ঠ ধনীর পরিচালিত এক বিশিষ্ট চিত্র-প্রতিষ্ঠানের পরিচালক ও প্রযোজক। উপেন পাকড়াশীর এই অপ্রত্যাশিত প্রতিষ্ঠার কথা শুনিয়াছিল, কিন্তু পাকড়াশী তাহার পুরাতন

পৃষ্ঠপোষক ও আশ্রয়দাতার সহিত আর কোনও সংস্ববই রাখে নাই। আজ উপেনের মনে হইল, এই অসময়ে যদি পাকড়াশীর সহিত দেখা করি, ক্ষতি কি। পারিশ্রমিক হিসাবে পাকড়াশীকে সে বহু পয়সাই দিয়াছে, ছুংস্থ সামিত্তিক বলিয়া সাহায্যও অল্প করে নাই এবং কার্যসংস্ববে ঋণ বলিয়া সে যাহা দিয়াছে, তাহার একটি পয়সাও সে কোনও দিন উম্মুল করে নাই। ভাগ্যচক্রে পাকড়াশী আজ কত উপরে এবং উপেনের স্থান কত নিম্নে, তাহার মত ছুংস্থ আজ কে! স্মতরাং সে যদি পাকড়াশীকে তাহার অবস্থার কথা বলে, তাহাতে কি দোষ!

আশার অদ্বুত প্রভাব। অভুক্ত এই মৃতকল্প মানুষটির কানে লালসার মন্ত্র দিয়া আবার তাহাকে চৌরঙ্গীর সাহেবটোলায় টানিয়া লইয়া চলিল।

পাঁচ

অপূর্ব চিত্রনন্দির, শোভা ও সৌন্দর্য্য যেন ঝলমল করিতেছে। দ্বিতলের এক মনোরম কক্ষদ্বারে উপস্থিত হইতেই জমকালো উর্দীপরা বেয়ারা উপেনের সম্মুখে ছুটিয়া আসিল; জিজ্ঞাসা করিল, কি দরকার, কাকে চান?

প্রভাত পাকড়াশীর নাম করিতে বেয়ারা ছাপান এক টুকরা কাগজ ও পেন্সিল আনিয়া দিল, তাহাতে লেখা আছে, কি কাম ও কাহাকে প্রয়োজন এবং নিম্নে সাক্ষাৎপ্রার্থীর নাম ও পরিচয়। উপেন কাগজখানিতে তাহার নাম ও প্রয়োজন লিখিয়া বেয়ারার

হাতে দিল। বেয়ারা সেখানি লইয়া কক্ষের দরজা ঠেলিয়া ভিতরে প্রবেশ করিল, ভিতরে তখন হাসির হস্রা ছুটিয়াছে, বাহির হইতেই তাহা স্পষ্ট শুনা যাইতেছিল।

ক্ষণকাল পরেই বেয়ারা ফিরিয়া আসিয়া জানাইল,—পাকড়াণী সাহেব এখন ভারি বাস্ত, দোসরা দিন আসবেন, দেখা হবে।

উপেন ভাবিয়াছিল, পাকড়াণী তাহার শ্লিপ পাইয়াই নিজে বাহিরে ছুটিয়া আসিবে তাহাকে অভ্যর্থনা করিতে। বেয়ারার মুখে তাহার উত্তর শুনিয়া সে যেন আকাশ হইতে পড়িল, তখনও তাহার ধারণা, হয় ত পাকড়াণী ঠিক বুদ্ধিতে পারে নাই যে, সেই—উপেন চৌধুরী!

সহসা কক্ষমধ্যে ক্রিং ক্রিং রবে ঘণ্টা বাজিয়া উঠিল, সঙ্গে সঙ্গে বেয়ারা পুনরায় ভিতরে ছুটিল এবং পরক্ষণে উচ্ছিষ্ট চায়ের পেয়ালা ও খাবারের ডিশ লইয়া বাহির হইয়া আসিল। উপেনের বুদ্ধিতে বিলম্ব হইল না, কক্ষমধ্যে চা-পান ও জলযোগপর্ক চলিয়াছিল। বেয়ারা শূন্য পাত্রগুলি লইয়া কক্ষান্তরে চলিয়া গেল। উপেন এই সময় সাহস করিয়া দরজা ঠেলিয়া ভিতরে প্রবেশ করিল।

পাকড়াণীর এখন চেহারা ফিরিয়াছে, পোষাকেরও পরিবর্তন হইয়াছে। তথাপি পাকড়াণী সাহেবকে চিনিতে তাহার বিলম্ব হইল না। সাহেবী পরিচ্ছদধারী আরও তিন ব্যক্তি কক্ষমধ্যে বসিয়া ছিল। উপেনকে দেখিবামাত্রই পাকড়াণীর মুখে বিরক্তির চিহ্ন ফুটিয়া উঠিল, কিন্তু অভিনেতার মত স্নকৌশলে সে ভাব গোপন করিয়া পাকড়াণী কহিল,—এই যে উপেনবাবু! কেমন আছেন?

উপেন কহিল,—তা হ'লে আমাকে চিনতে পাবেছ, পাকড়াশী ?
চেয়ার ছাডিয়া উঠিয়া পাকড়াশী কহিল,—বলক্ষণ ! চলুন,
বাইবে যাহ, আমি এখান বেকব কি না—

অগত্যা পাকড়াশীর সঙ্গে সঙ্গে উপেনকে বাহিবে আসিতে হইল,
পাকড়াশী গন্তীব-ভাবে কহিল,—একদণ্ড যদি ফুবসৎ পাই, এখন
ছুটেতে হবে ষ্টুডিয়োতে, বসে যে আপনাব সঙ্গে ছ' পাঁচ মিনিট
কথা কহব, তাবও উপায় নেহ । হা, এখন বি কবছেন ?
কাববাবটা ত তুলেই দিলেন—

উপেন পাকড়াশীর ভঙ্গী দোখিয়া মনে মনে ভাবিতেছিল, সেই
পাকড়াশী, মষ্টপ্রহব যে তাহার আফিসে পডিয়া থাকিত, আজ
তাহাব এই পাববর্তন, কথা বালবাবও ফুবসৎ নাই । কোনও রূপ
ভূমিকা না কবিবাহ উপেন কহিল,—তোমাব উন্নাততে আমি খুব
খুসী হয়েছি, পাকড়াশী, আমাক কবাছ জিজ্ঞাসা কবলে না ?
বসেহ আছি । অবগু, বকছু কিছু লিখছি না যে তা ও নব, কিন্তু
তাতে চলছে না, ঠিক মত পযসা পাছি না—

মুঝবাব চালে মাথা নাডিয়া পাকড়াশী কহিল,—পাসা কি
লোকেব কাছে আছে যে পাবেন, উপেনবাবু । কজন লোক এখন
বই কিনে পড়ে বনুন না । ওব চেয়ে ববং একটা চাকবী-বাকবী
চেপ্তা দেখুন—

উপেন কহিল,—আচ্ছা, সে পবামশ তোমাব সঙ্গে পবে কবা
যাবে, এখন ভাবী একটা দায়ে পড়েই আম তোমাব কাছে
এসেছি । সাবাতন যুবেও আজ কোথাও কিছুহ পাই নি, অথচ
বাডীতে ভাগিনাটি শুষছে, হাতে এমন কিছু নেহ—

মুখখানি মচকাইয়া পাকড়াণী কহিল,—টাকার কথা বলছেন ? আমার হাতে থাকলে আমি আনন্দের সঙ্গে আপনার এ বিপদে সাহায্য করতুম, কিন্তু নিজেই টাকার জন্ত অস্থির হয়ে বেড়াচ্ছি । আটশ' টাকা এরা দেয়, কিন্তু একটি পরসী জমাতে পারি না কোন মাসে, মটর একখানা কিনতে হয়েছে, তার ঠেলাতেই অস্থির ! বাড়ীভাড়াই দিতে হয় মাসে দেড়শ' । বলেন কেন, শান্তি কিছুতেই নেই । আচ্ছা, এখন নমস্কার, আর একদিন আসবেন, সব শুনব—

শেষের কথা কয়টি বলিতে বলিতেই পাকড়াণী সিঁড়ির দিকে ক্ষিপ্ৰপদে ছুটিল । উপেন ক্ষণকাল নির্ঝাক্ বিস্ময়ে এই অদ্ভুত জীবটির দিকে চাহিয়া রহিল ।

ছয়

রিক্তহস্তে যে লোক মধ্যাহ্নে বাড়ী হইতে বাহির হইয়াছিল, সায়াহ্নে সেই লোক তুচ্ছিত্তা ও অবসাদের এক গুরুভার বোঝা মাথায় লইয়া বাড়ীর সান্নিধ্যে বিস্ময়াতকে দাঁড়াইল । উপেন দেখিল, তাহার বাড়ীর দরজার সম্মুখে একখানি সুদৃশ্য মটর দাঁড়াইয়া আছে । অমনই বৃকের ভিতরটা তাহার ছাত করিয়া উঠিল । তবে কি মমতার অসুখ বাড়াবাড়ি হইয়াছে, পাড়ার কেহ কি হাসপাতালে খবর দিয়াছে, সেখান হইতেই কি —

কল্পনার আর উপসংহার হইল না, উপেন কোনও রূপে শিখিল দেহটাকে টানিয়া যেন জোর করিয়াই বাড়ীর দরজার সম্মুখে—

গাড়ীখানির পার্শ্বে গিয়া দাঁড়াইল। উদ্দেশ্য, সোফারকে জিজ্ঞাসা করিবে, কাহার গাড়ী, কেন আসিয়াছে।

কিন্তু, গাড়ীর ভিতরে দৃষ্টি পড়িতেই সে সবিস্ময়ে দেখিল, অপরাজিতা আফিসের সেই কর্মচারীটি সেখানে বসিয়া রহিয়াছে। উপেনকে দেখিয়াই কর্মচারী ব্যগ্র উল্লাসে কহিয়া উঠিল, এই যে চৌধুরী মশাই, এসেছেন আপনি! এতক্ষণে নিশ্চিত হলাম, এত দেরী কেন হল, বলুন ত? আপনার বাড়ীতে সবাই ভেবে অস্থির, যান যান—আগে বাড়ীতে গিয়ে দেখা দিয়ে আসুন।

উপেন একেবারে অবাক, অপরাজিতা আফিসের কর্মচারী তাহার বাড়ীর সম্মুখে, তাহার বাড়ীর সংবাদ রাখে, ব্যাপার কি! কন্ধকণ্ঠে প্রশ্ন করিল, আমি যে কিছু বুঝতে পারছি না, আপনি এখানে? কি ব্যাপার বলুন তো! আমি যে—

কর্মচারী ততক্ষণ গাড়ী হইতে নীচে নামিয়াছেন, উপেনের ভাবভঙ্গী দেখিয়া হাসিমুখে কহিলেন,—আপনি লেখাটা রেখে চলে আসবার মিনিট কুড়ি পবেই কত্তা ফিরে আসেন। আমি তাঁকে তখনই সে লেখা দিই, আপনি এসেছিলেন কি রকম দায়ে পড়ে, তাও তাঁকে জানাই। কত্তা চেয়ারে বসেই আপনার লেখা পড়তে আরম্ভ করলেন দেখে আমি আনার কাষে যাই। ঘণ্টা-খানেক পরেই আমার ডাক পড়ল কত্তার ঘরে; সেখানে ঢুকেই দেখলাম, তিনি রুমালে চোখ মুছেছেন, সামনেই আপনার লেখাগুলো তখনও খোলা রয়েছে। বুঝলাম, আপনার লেখা তাঁকে কাঁদিয়ে দিয়েছে। আমাকে দেখেই বললেন, আমার মোটর নিয়ে তুমি এখনি বেরিয়ে পড়, আনাদের ডাক্তারবাবুকে নিয়ে যাও, চিকিৎসার বেন

কোনও ক্রটি না হয়। তাই আসতে হয়েছে। ডাক্তার বাবু বাড়ীর ভিতরেই আছেন, ওষুধের ব্যবস্থা করেছেন, ভয় নেই বললেন, সেরে যাবে, আপনি কিছু ভাববেন না, আপনার ভাগ্যীর জন্ত— ডাক্তার বোস যখন ভার নিয়েছেন তার চিকিৎসার।

উপেন মন্ত্রমুগ্ধের মত কথাগুলি শুনতেছিল, তাহার মনে হইতেছিল, দুইখানি পায়ের তলদেশ হইতে বাস্তাটা যেন নীচে সরিয়া যাইতেছে। যাহা স্বপ্নাতীত, কল্পনার অতীত, তাহা আজ বাস্তবে পরিণত! অপরাজিতার ধনকুবের স্বত্বাধিকারী তাহার ধৃষ্টতা উপেক্ষা করিয়া অসময়ে এমন অযাচিত সহায়তায় ব্রতী হইয়াছেন!

এই সময় সেই কৰ্মচারী বিস্ময়চমৎকৃত উপেনের হাতে নোটের একটি ক্ষুদ্র তাড়া গুঁজিয়া দিয়া কহিল,—কর্তা আমাব হাত দিয়ে উপস্থিত একশ' টাকা আপনাকে পাঠিয়েছেন, আর বলে দিয়েছেন, আপনি কাল বিকেলের দিকে তাঁব সঙ্গে একবার দেখা করবেন, বইখানার দরদস্তুর ও আর আব কথাবার্তা সব স্থির হবে।

উপেন চৌধুরী অবাক হইয়া তাহার সম্মুখে দণ্ডায়মান সেই বর্ষীয়ান্ দেবদূতটির দিকে চাহিয়া রহিল, অপারিসীম আনন্দে তখন তাহার কণ্ঠ রুদ্ধ হইয়া গিয়াছে।

উৎসাহের সুরে কৰ্মচারী পুনরায় জানাইয়া দিল,—দুঃখের পাঁচালী লিখে দুঃখকে আপনি এবার জয় করেছেন চৌধুরী মশাই, এবার আপনার সুখের পালা!

दुःखेर पाँचाली

चित्र-शिक्षीर

এক

আশ্বিন মাসের গোড়ায় পাওনাদারদের কিছু কিছু দিয়া সুকুমার সকলকেই একবাক্যে বলিয়া দিল,—ষষ্ঠীর দিন সন্ধ্যায় হিসেব আপনাদের শোধ করে দেব, এর ভেতরে আমাকে আর তাগাদা করবেন না ।

সুকুমারের এই প্রতিশ্রুতির মূল্য যে কতটুকু, তাহা তাহার পাওনাদারদের অবিদিত ছিল না । কিন্তু খোস-খবর বুঠা হইলেও তাহা অন্ততঃ শ্রুতিস্বত্বকর হইয়া থাকে,—দেনদার টাকা দিবার একটা দিন যদি নির্দেশ করিয়া দেয়, পাওনাদার তাহাতেই কতকটা আশ্বস্ত হইয়া যায় ।—সুতরাং, বৎসরের শুভদিনটিতে বেন কথার খেলাপ না হয়—এই সতর্ক ইঙ্গিতটুকু করিয়া একে একে পাওনাদারের দল সুকুমারকে উপস্থিত রেহাই দিয়া গেল । সুকুমারও যেন চক্রবৃহৎ ভেদ করিয়া বাহিরের ছোট ঘরখানির ভিতর ঢুকিয়া তুলি-প্যাণেট লইয়া বসিল ।

সুকুমার শিল্পী । বয়স আটত্রিশ বৎসর । দিব্যকান্তি, সুপুরুষ ; কিন্তু সম্প্রতি অভাবের সহিত কঠোর সংগ্রামের ফলে এই বয়সেই চুলে তাহার পাক ধরিয়াছে, মুখে বার্দ্ধক্যের ছায়া পড়িয়াছে । অথচ না আছে তাহার কোনও বিলাস, কিম্বা না করিয়াছে এমন কোনও নিষিদ্ধ বিষয়ে প্রয়াস—যাহাতে রুচি-

বাগীশদের চিত্তে কিছুমাত্র শিহরণ উঠিতে পারে। অভাব মোচনে অক্ষমতা ভিন্ন তাহার সম্বন্ধে অন্য কোনও ক্রটি বা অপরাধ তাহার শক্ররাও এ পর্য্যন্ত নির্ণয় করিয়া উঠিতে পারে নাই।

অর্থের দিক দিয়া যাচাই না করিয়া সুকুমারের সম্বন্ধে এইটুকু নির্দিষ্টারেই বলা চলে যে, সত্যকার স্বভাব-শিল্পী সে। পিতার আর কোনও মূলধন সে পায় নাই। পাইয়াছিল শুধু উত্তরাধিকার-স্বত্বে এই অনবদ্য ও অপরাহ্নেয় শিল্প-প্রতিভা। সুকুমারের পিতাও ছিলেন সুদক্ষ শিল্পী। তবে তিনি স্বাধীনভাবে শিল্পকে অবলম্বন করিয়া ভাগ্য পরীক্ষায় কৰ্ম্মক্ষেত্রে নামেন নাই,—আর্ট-স্কুলে চাকরী লইয়া সারাজীবন তাহাতেই কাটাইয়া গিয়াছেন। শিল্পের দিকে সুকুমারের সহজাতপটুতা তাঁহাকে মুগ্ধ করিয়া তুলিলেও, এই বিভাগে আর্থিক উন্নতি সুদূরপর্য্যন্ত জানিয়াই তিনি পুত্রকে উচ্চ শিক্ষার পথে জোর করিয়া ঠেলিয়া দিয়াছিলেন। আবার কি ভাবিয়া তিনিই একদিন তাহাকে কলেজের দ্বিতীয় বার্ষিক শ্রেণী হইতে টানিয়া আনিয়া আর্ট স্কুলের ছবির ঘরে ঢুকাইয়া দিলেন এবং ইহার কয়েকমাস পরেই একখানি জীবন্ত ছবির সংযোগে পুত্রের শিল্প-সাধনা সার্থক করিয়া তুলিলেন।

ছয়টি বৎসর পরে ছাব্বিশ বৎসরের সার্ভিসের মায়া কাটাইয়া সুকুমারের পিতা যখন উপরওয়ালার সঙ্গীনে আহ্বানে সেখানে এত্বেলা দিতে চলিয়া গেলেন, শুভানুধ্যায়ী আত্মীয়স্বজন সে সময় বিস্ফারিত নেত্রে হিসাব করিয়া দেখিলেন, ঘরের পয়সা খরচ করিয়া বেকুব বৃদ্ধ একমাত্র পুত্রটিকে পেনসিল লইয়া কাগজে কিম্বা রঙ গুলিয়া তুলির সাহায্যে ক্যাণ্ডিসে হিজিবিজি কাটিয়া ছেলেখেলা

মাত্র শিখাইয়া গিয়াছে। যে লোক ছাব্বিশ বৎসর নকরী করিয়াছে, তাহার ক্যাস বাঞ্চে ছাব্বিশটি টাকাও সঞ্চিত নাই! মেয়ের বিবাহের দেনা, দোকানদারদের পাওনা, ভবিষ্যতের ভাবনা ও সকলের উপর শ্রদ্ধের দায় যেন একসঙ্গে তালগোল পাকাইয়া বিভীষিকা দেখাইতেছে। ছেলেখেলাব বিদ্যা শিক্ষা দিয়া বিদ্যালয়ের কর্তারা সুকুমারকে একখানি লম্বা-চওড়া ডিপ্লোমার কাগজ দিয়া বলিয়াছিলেন নাকি এমন কাগজ এ পর্য্যন্ত কোন ছেলেই তাঁহাদের স্কুলে পায় নাই;—কিন্তু হিসাবী আত্মীয় স্বজন সে সম্বন্ধে উপহাসের সুরে বলিলেন, ছেলে মানুষকে এই বলেই বুঝিয়ে জল করে দিলে; এখন এ কাগজ নিয়ে ধুষে থাক! শত্রুরদেব মুখে ছাই দিয়ে এই বয়সে তিন ছেলের বাপ; গলায় বিধবা মা, আইবুড়ো বোন;—চলবে কিসে?

কিন্তু সুকুমার যখন এ সকল আলোচনায় কান না দিয়া পিতার পাবলৌকিক কাজ শেষ করিয়া শুদ্ধ হইল, শুভানুধ্যায়ী হিতৈষীরা শ্রদ্ধের ভোজ খাইয়াই নিরন্তরে চলিয়া গেলেন। সুকুমারের সংসার কি করিয়া চলিবে, সে সম্বন্ধে কাহাকেও আর আলোচনা করিতে দেখা গেল না। স্কুলের কর্তৃপক্ষগণ স্বতঃপ্রবৃত্ত হইয়া যে অর্থ সাহায্য করিয়াছিলেন, তাহাতেই সুকুমার পিতার কাণ্ড শেষ করিতে পারিয়াছিল।

শ্রদ্ধ-শান্তির পর স্কুলের কর্তৃপক্ষগণের পীড়াপীড়িতে সুকুমারকে স্কুলের কার্য গ্রহণ করিতে হইল এবং একটানা আট বৎসর স্কুলের সেবা করিয়া গত তিন বৎসর হইতে স্বাধীনভাবে ব্যবসায় প্রবৃত্ত হইয়াছে। ইতিমধ্যে সে পিতার সমস্ত দেনা পরিশোধ করিয়াছে,

মাতার মৃত্যুর পর তাঁহার শ্রাদ্ধাদি যথাসম্ভব সমারোহে সম্পন্ন করিয়াছে, ভগিনীর বিবাহ দিয়াছে এবং সংসারটি বেশ স্বচ্ছলভাবেই চালাইয়া আসিয়াছে। ছেলে-খেলার বিদ্যা শিখিয়া সুকুমারকে এমন ভাবে সংসার ধর্ম পালন করিতে দেখিয়া আত্মীয় স্বজনদের বিশ্বাসের অন্ত নাই। তখন একবাক্যে মন্তব্য প্রচারিত হইল,—বউটি পয়মন্ত, ওর আয়পয়েই ছোঁড়াটা এ যাত্রা তরে গেল!

কিন্তু চিরদিন কাহাবও সমান যায় না। সুকুমারের সুখময় সংসারের শুভ আকাশখানি কালো করিয়া দুর্দিনের মেঘ ঘনীভূত হইল। একটি বিদেশীয় চিত্র-প্রতিষ্ঠানের ডিজাইন সংক্রান্ত কাব্য-কর্ম সুকুমার চুক্তিবদ্ধ হইয়া সম্পন্ন করিত। ইহাই ছিল তাহার প্রধান উপজীবিকা। এই কাজের পর অবসর মত সে নানাবিধ চিত্র অঙ্কন করিয়া সহরের দুই একটি নামকরা দেশীয় চিত্রালয়ের সহিতও যোগসূত্র রচনা করিয়াছিল। সাধনার মত সে শেষেব কাজগুলিতে আত্মনিয়োগ করিয়া একটা অপারিসীম তৃপ্তি অনুভব করিত, অর্থের মুখ চাহিয়া সে কার্যে প্রবৃত্ত হইত না। যে যথা ইচ্ছা করিয়া দিত, সুকুমার বিনা প্রতিবাদে তাহাই লইত, কোনও প্রতিবাদ কোনদিন তাহার পক্ষ হইতে উঠে নাই।

সহসা সুকুমার প্রবল জ্বরে আক্রান্ত হইল, সে জ্বর শেষে টাইফয়েডে দাঁড়াইল। সহধর্মিণী ছবির প্রাণপণ সেবায় ও সর্বস্বপণে ভূমূল চিকিৎসায় সুকুমার সে যাত্রা প্রাণ পাইল, কিন্তু বিদেশীয় প্রতিষ্ঠানের সহিত চুক্তিবদ্ধ কাব্যগুলি যথাসময়ে সম্পন্ন করিয়া দিতে না পারায় তাহাদের সহিত সংস্রব হারাইতে হইল। শুধু তাহাই নহে, সুকুমারের কোনও সাড়াশব্দ না পাইয়া কোম্পানী

চুক্তিভঙ্গের জন্ত খেসারতের দাবীতে মামলা রুজু করিলেন। সুকুমার চিরদিন নির্বিঘ্নে, মামলা-বাজীর দিক দিয়া না গিয়া তাহার এক শিল্পী বন্ধুকে মধ্যস্থ পাঠাইয়া আপোষে হাঙ্গামা মিটাইয়া ফেলিল। কিন্তু এই ঝগড়াটুকু কাটাইতে স্ত্রীর গায়ের গহনাগুলি সমস্ত বাঁধা পড়িল। কঠিন রোগের পর যেখানে বিশ্রাম একান্ত প্রয়োজন, সেখানে চলিল জীবিকার জন্ত কঠোর পরিশ্রম। যে কাজটুকু ছিল তাহার নিশ্চিত অবলম্বন, তাহা হস্তচ্যুত ; ঘরে যাহা কিছু সঞ্চিত ছিল, সমস্তই নিঃশেষিত ; স্বচ্ছল সংসারে অভাব ও নিরাশার গাঢ় অন্ধকার ! নির্দিষ্ট আয় নাই, ইচ্ছাসম্বোধেও পরিশ্রমের সামর্থ্য নাই, কিন্তু সংসারের সমস্ত খরচপত্র যথাযথই আছে, দেনার উপর দেনা চলিয়াছে। যে লোককে জিনিস দিবার জন্ত দোকানদারদের প্রচুর আগ্রহ দেখা যাইত, এখন তাহাদের অন্ত মূর্ত্তি ; টাকা পড়িয়া থাকিলেও যাহারা দুঃপাত করিত না, এখন দুটিবেলা তাহারা সুকুমারের বাড়ীর সম্মুখের রাস্তা পর্য্যন্ত চাষিয়া ফেলে। একটি বৎসরের মধ্যেই এই পরিবর্তন !

ইতিমধ্যে একটু সুস্থ হইয়া সুকুমার বিখ্যাত বাঙ্গালী চিত্র-প্রতিষ্ঠান শ্রীদুর্গা চিত্রালয়ের মালিকের সহিত সাক্ষাৎ করিল। এক সময় এই প্রতিষ্ঠানে সুকুমারের খ্যাতি ও খ্যাতির অস্ত ছিল না। মালিক অবিনাশ আতর্থা ঝালু ব্যবসায়ী। ব্যবসায়ের সূচনায় পাবে ইঁটিয়া মাল গস্ত করিতেন, ব্যবসায় একটু জাঁকিলে ট্রামে চাপা সুরু করেন ; এখন পড়তা তাহার দুর্বার। দ্বারে সর্কক্ষণ ঘরের মোটর দাঁড়াইয়া থাকে। সুকুমারের প্রতিভা বহু পূর্বেই আতর্থীর চিত্রালয়ে প্রভাব বিকাশ করিয়াছিল। তাহার

বর্তমান দুঃখের কথাও তাঁহার কর্ণগোচর হইয়াছিল। সুকুমার অবিনাশ আতর্থীর সহিত সাক্ষাৎ করিয়া কাবের কথা পাড়িতে তিনি এমন ভঙ্গীতে কতকগুলি ছবির ডিজাইন করিতে দিলেন, যেন সেগুলির কোনও গুরুত্বই নাই, শুধু বিপন্ন সুকুমারকে এ সময় কিঞ্চিৎ সহায়তা করিবার জন্মই এই অপ্রয়োজনীয় ভার তাহার উপর চাপাইতেছেন। কিন্তু আতর্থীর আফিসের অনেকেই জানিত, একখানি মহাঘা ছবির অ্যালবাম সম্পর্কে এই ডিজাইন-গুলির আবশ্যিকতা কত গুরুতর। সুকুমার কুণ্ঠিতভাবে কিছু অগ্রিম প্রার্থনা করিলে আতর্থী কিছুক্ষণ চুপ করিয়া রহিলেন, তাহার পর কি ভাবিয়া পঁচিশটি টাকা সুকুমারের হাতে দিয়া কহিলেন, তা'হলে সব কাজ ফেলে এগুলি আগে সেবে ফেলুন। কাজ শেষ হলে এর পর টাকা পাশেন।

এই অগ্রিম প্রাপ্ত টাকাগুলিই পাওনাদারদের ভাগ করিয়া দিয়া সুকুমার তাহাদের অনুরোধ জানাইল,—পূজার বঙ্গীর দিন বাকী হিসেব সব শোধ করে দেব, এর মধ্যে আর তাগাদা করবেন না।

দুই

সুকুমার সেবে ছবির কাজে হাত দিয়াছে, এমন সময় ভিতরের দিকের দরজা ঠেলিয়া সহধর্মিণী জীবন্ত ছবি সে ঘরে প্রবেশ করিল। সুকুমার সাড়া পাইয়া দুই চক্ষু তুলিয়া চাহিল মাত্র, কিছুই বলিল না। ছবি কহিল,—বেশ লোক ত তুমি!

সুকুমার কহিল,—কেন, কি করেছি শুনি ?

ছবি কহিল,—সবাইকে জলের মত বুঝিয়ে দিলে, পূজোর ষষ্ঠীর দিন হিসেব ওদের মিটিয়ে দেবে। ব্যাঙ্কে এখনো কিছু লুকানো আছে বুঝি ?

সুকুমার ডিজাইনের কাগজ ও তুলিটি তুলিয়া কহিল,—আমার ব্যাঙ্কের টাকা এইখানে জমা আছে। একটি মাস যদি আমি নিশ্চিত হয়ে কাজ করতে পাই, কেউ তাগাদা না করে, তুমি কোনও অভাব না জানাও, তাহলে মুখে বা বলেছি, কাজেও তাই ঠিক করবো।

ছবি মুখখানি মলিন করিয়া কহিল,—আমি সব বুঝি, কিন্তু অভাব তোমাকে না জানিয়ে আর কাকে জানাব বল ! বতফর্ণ হাতে কিছু ছিল, কোনও উপায় ছিল, তোমাকে ত বলিনি কিছু। কিন্তু এখন ? যে টাকা কটি পেলে, সবই ওদের হাতে তুলে দিলে, সমস্ত টাকা না পেলে ওরা ত জিনিস দেবে না, এখন সংসার আমি চালাই কি করে ?

সুকুমার স্বর কঠিন করিয়া উত্তর দিল,—তোমার চালাবার দরকার নেই, অচল হয়েই থাক।

গাঢ় স্বরে ছবি কহিল,—বেশ !

পরক্ষণেই বিবাদ প্রতিমার মত সে ভিতরে চলিয়া গেল। এক বৎসর পূর্বে কি নিশ্চল শান্তিই সুপ্রতিষ্ঠিত ছিল: এই সংসারে, কিন্তু অভাব এক্ষণে আত্মপ্রকাশ করিয়া ধীরে ধীরে শান্তির সে সুসমা স্নান করিয়া দিতেছে।

সুকুমার হাতের কাজ লইয়া তাহাতেই ডুবিয়া পড়িল। স্বামীর

পরিষ্কার জবাব শুনিয়াও ছবি সংসারের হাল ছাড়িতে পারিল না। একটু পরেই আটখানি পাতা পড়িবে, তাহার ব্যবস্থা না করিয়া সে অভিমান করিবে কাহার উপর? এখনি যে ছেলেরা ক্ষুধার তাড়নায় তাহাকে পাগল করিয়া তুলিবে! বাস্তব মধ্যে লুকানো যে স্বর্ণখণ্ডটুকু ছিল, ছেলেদের সহায়তায় তাহা বিক্রয় করিয়া কয়দিনের মত অল্প সংস্থান করিয়া লইল।

যথাসময় বাহিরে স্কুমারের উপর স্নানের তাগিদ গেল। স্নানান্তে বক্রদৃষ্টিতে সে দেখিল, দালানে ভোজনের আসন পড়িয়াছে, ছেলেরা তাহার প্রতীক্ষা করিতেছে; ছোটটি অধৈর্য্য হইয়া আধ আধ স্বরে ডাকিতেছে—‘বাবা ভা খাবি আয়।’—শিশুর এই ব্যগ্রতার কারণ, বাবার কোলে বসিয়া এক পাত্রেই উভয়ের ভোজনপর্ব চলিল।

স্কুমার নিরন্তরেই ভোজন করিল, ভোজনান্তে বিশ্রাম না করিয়াই হাতের কাজ লইয়া বসিল।

সাতটি দিন এই ভাবে কাটিল। বাড়ীর কাহাবও সহিত স্কুমারের যেন কোন সম্বন্ধই নাই; বাহিরের ঘরের অসম্পূর্ণ কাজগুলির সহিত সে যেন সহস্র বন্ধনে বিজড়িত। ভিতর হইতে মাড়া পাইলে স্নান সারে, খোকার আহ্বানে ভোজন কবিত্তে আসনে গিয়া বসে; ভোজনের পর আবার বাহিরের ঘরে ফিরিয়া কাজে মগ্ন হইয়া যায়।

অষ্টম দিনে ভিতর হইতে স্নানের জন্ত তাগিদ পাওয়া গেল না। কয়েকখানি ডিজাইনের কাজ শেষ হওয়ায় স্কুমারের চিত্তটি আজ অনেকটা প্রসন্ন। কিন্তু পৌরুষের অভিমান তখনও সম্পূর্ণ কাটে

নাই ; স্নানের জন্ত মন উসখুস করিতেছে, কিন্তু আহ্বান না আসিলে কি করিয়া যায় ! যদি পত্নী তাহার এ দুর্বলতাটুকু লক্ষ্য করিয়া কোনও নীরব অশনি নিষ্ক্ষেপ করে !

এই চিন্তাজাল সহসা ছিন্ন হইয়া গেল ক্ষুধার্ত শিশুর মর্শ্বস্বদ রোদনে ! সাত বছরের ছেলেটি তখন আর্ন্তরোল তুলিয়া বলিল, আর যে থাকতে পারছি না মা—ক্ষিদেয় পেট জলে গেল !

কোলের শিশুটি সঙ্গে সঙ্গে আধ আধ স্বরে সুর করিয়া উচ্ছ্বাস তুলিয়াছিল,—বাবা ! ভা নেই—ভা নেই ।

সুকুমারের বৃকের ভিতর কে যেন হাতুড়ির ঘা দিল । সমস্ত সঙ্কোচ কাটাইয়া সে ডাকিল—উষা ।

একটু পরেই দ্বার ঠেলিয়া নয় বৎসরের কন্যা উষা স্নানমুখে আসিয়া দাঁড়াইল । সুকুমার লক্ষ্য করিল, মুখখানি তাহার শুকাইয়া গিয়াছে, অশ্রু যেন পল্লবপ্রান্তে উদগ্র হইয়া উঠিয়াছে, কন্যার সেই মলিন মুখখানির দিকে চাহিয়া সুকুমার প্রশ্ন করিল,— হাঁরে আজ যে বড় আমাকে নাইতে ডাকলি নি ?

উষা মৃদুকণ্ঠে উত্তর দিল,—নেয়ে উঠেই যে খেতে বসা তোমার অভ্যেস, বাবা ।

পিতার পুনরায় সবিষ্ময় প্রশ্ন,—তাতে হয়েছে কি ?

আর্দ্রকণ্ঠে উষা কহিল,—আজ যে আমাদের রান্না চড়েনি, বাবা !

—রান্না হয়নি ?

—সব বাড়ন্ত, ঘরে কিছু নেই । দাদারা না খেয়েই স্কুলে গেছে । নিমি ক্ষিধের জ্বালায় চেষ্টিয়ে বাড়ী মাথায় করছে ; মা

বসে বসে কাঁদছে। কি হবে বাবা!—বালিকার শেষের কথাগুলি অশ্রুর আবেগে উচ্ছ্বসিয়া উঠিল।

সুকুমার সবেগে উঠিয়া দাঁড়াইল। কন্যার দৃষ্টি পিতার দিকে। সেই করুণ দৃষ্টি সুকুমারের পৃষ্ঠে যেন বেত্রাঘাত করিল। সে আশ্বাসের সুরে কহিল,—শিগগীর উলুনে আগুন দিতে বল, আমি এখনি আসছি।

কন্যা আর্তকণ্ঠে জানাইল,—কয়লাও যে বাড়ন্ত, বাবা!

উন্নতের ন্যায় মুখখানি বিকৃত করিয়া সুকুমার কহিল,—বাঃ! বাঃ! খাসা! ওঃ! বেশ!

কন্যা পিতার দিকে চাহিয়াই ছিল, শিহরিয়া উঠিল। সুকুমার পরক্ষণেই কি ভাবিয়া কহিল,—বাড়ীর ভেতর যা মা, আমি বেরুচ্ছি এখনি, ফিরতে দেবী হবে না।

কন্যা পিতার দিকে চাহিয়া দরজাটি টানিয়া দিয়া চলিয়া গেল। সুকুমার ঘরের চারিদিকে চাহিয়া দেখিল, বিক্রয় করিয়া আজিকার ক্ষুণ্ণবৃত্তি করিবার মত কিছুই নাই। সহসা তাহার বৃহক্ষু দৃষ্টি পড়িল, বাহুমূলে রক্ষিত স্বর্ণময় আধারে আবৃত মহামৃত্যুঞ্জয় কবচটির উপর। অসুখের সময় ছবির চেষ্টায় শান্তি-স্বস্ত্যযনের সন্নিহিত এই অমোঘ কবচটি প্রস্তুত হইয়া তাহার বাহুমূল আশ্রয় করে। স্বর্ণাধার সহ কবচটি যে স্বর্ণশৃঙ্খলে আবদ্ধ ছিল, অভাবের অনলে পূর্বে সেটি ইন্ধন হইয়াছে, এখন লাল সূতায় বাঁধা আধারটির উপর নিরুপায় গৃহস্বামীর শ্বেনদৃষ্টি পড়িল। সঙ্কে সঙ্কে মনে জাগিল অনিষ্টের আতঙ্ক, পত্নীর বিক্ষোভ, দৈবের প্রতি অশ্রদ্ধাজনিত অপরাধ। কিন্তু তখনও ভিতর হইতে ক্ষুধাতুর সন্তানের আর্তনাদ উঠিতেছিল।

সমস্ত সঙ্কোচ সবলে কাটাইয়া অর্দ্ধমলিন জামাটি গায়ে চড়াইতে চড়াইতে সে রাস্তায় বাহির হইয়া পড়িল ।

রাণা প্রতাপের ধৈর্যের সীমা ছিল না শুনা যায় । রাণেশ্বর্য হারাইয়া সকল দুঃখ কষ্টই তিনি বরণ করিয়াছিলেন । কিন্তু আরাবলীর দুর্গম বনে যেদিন তাঁহার শিশু সন্তানদের মুখের রুটি কাড়িয়া লইয়া বহু কাঠবিড়ালী ছুটিয়া পালায় এবং রুটির শোকে শিশুরা কাঁদিয়া অস্থির হয়,—সেদিন অতবড় মহাবীবেব ধৈর্যের বাধনও ছিঁড়িয়া গিয়াছিল ; ক্ষুধাতুর শিশু সন্তানের মুখ চাহিয়া অতি বড় হীনতাকেও অবলম্বন করিতে হাত বাড়াইয়াছিলেন । অভাবের এমন সঙ্গীন অবস্থায় স্কুমারকে ইষ্টকবচের মোহ কাটাইতে দেখিয়া তাহার ইষ্টদেবতাও অশ্রুসংবরণ করিতে পারিয়াছিলেন কি ?

তিন

স্কুমারের বাড়ী চেতলায়, অদূরেই এ অঞ্চলের প্রসিদ্ধ হাট । পরিচিত এক স্বর্ণকারের দোকানে ঢুকিয়াই স্কুমার কহিল,— দেখুন, ভেতরের ভূর্জপত্রে লেখা কবচটি বাঁচিয়ে এর সোনাটুকু কেটে বার করুন তা ।

দোকানের মালিক ধনেশ্বর ধাড়া কবচটি হাতে লইয়া স্কুমারের মুখের দিকে তীক্ষ্ণ দৃষ্টিতে চাহিয়া প্রশ্ন করিল,—বেচবেন ?

সত্যের উপর একটা সুশোভন আবরণ টানিয়া স্কুমার উত্তর দিল,—আর বলেন কেন, জ্যোতিষী ঠাকুর ব্যবস্থা দিয়েছেন, বৃধের

দশা কেটে এখন রবির দশা পড়েছে ; কাজেই সোনা পালটে তামার পাতে কবচ ভরে ধারণ করা চাই। সোনাটা ওজন করে দাম ধকন, আর খাঁটি তামার পাতে ঠিক এই রকম করে এটা ভরতে যে আন্দাজ খবচ পড়বে সেটা কেটে রাখুন।

পাড়া মনে মনে হাসিয়া কাজে হাত লাগাইল। এইরূপ ব্যাপানে শাঁখের করাত চালাইতে চিরদিনই সে সিদ্ধহস্ত। সুকুমার তাড়া দিল,—শীগগীর কাজটা সেরে নিন, দেখছেন ত এখনও নাওনা খাওয়া হয়নি।

অর্ধ ঘণ্টার মধ্যে হাতেব কাজ সাবিয়া, কাটা সোনাটুকু কামিয়া, ওজন কবিয়া, হিসাব জুড়িয়া ধনেশ্বর ধাড়া গম্ভীর ভাবে রায় প্রকাশ কবিল,—দাম হচ্ছে আপনার সঁযত্রিশ টাকা সাত আনা তিন পাই ; তাহার পাতে এটাকে বানাবার বে ফবমাস দিলেন, তাব জন্ত তিন টাকা জমা রাখছি—

ব্যগ্র উল্লাসে সুকুমার কহিল,—বেশ, বেশ, তাই বাখুন, তাহলে আমি পাচ্ছি—চৌত্রিশ টাকা—

ওষ্ঠপ্রান্তে তীক্ষ্ণ হাসিব ঝিলিক তুলিয়া ধাড়া কহিল,—হাঁ, চৌত্রিশ সাত আনা তিন পাই আপনার পাবাব কথা, কিন্তু এব মধ্যে একটু গোল আছে—

সুকুমার নিরুত্তরে শুক্ক বিস্ময়ে ধাড়ার মুখেব দিকে চাহিল। ধাড়া হাসিমুখে গোলের কথা খোলসা করিয়া দিল,—পেছলী হিসেবে বন্ধকী খাতে আপনার কাছে আমাদের পাওনা আছে সতেরো টাকা তিন পাই। সে টাকাটা কেটে নিয়ে আপনাকে দিচ্ছি কুড়ি টাকা সাত আনা।

তুই চক্ষু বিস্ফারিত করিয়া সুকুমার কহিল,—সে কি ! আমি ত জানি, আপনার কাছে যে জিনিস বন্ধক দেওয়া ছিল, তা খালাস করা সুবিধা হবে না বুলে, আপনাকে জবাব দেওয়া হয়েছে ।

ধাড়া পূর্ববৎ হাশ্রমুখেই জানাইল,—তা দিয়েছিলেন । কিন্তু সে সময় হাতনাগাং সুদের হিসেব জুড়ে আসলের ওপর যে পাওনা হয়, জিনিসগুলো সেইদিনের দরে বেচে ঐ টাকাটাই ঘাঁটিতি হয়েছিল কিনা !

সুকুমার আবেগভরে কহিল,—আমি আপনার কথাই মেনে নিচ্ছি, ঐ লেনা স্বীকার করছি, কিন্তু আমার একান্ত অনুরোধ, এ টাকা থেকে এটা এখন কেটে নেবেন না ।

ধাড়ার মুখের হাসিটুকু এবার মুখেই মিলাইয়া গেল । স্বর দৃঢ় করিয়া কহিল,—এমন অনুরোধ করবেন না, কর্তা ! এটা কারবার, পাওনা টাকা হাতে পেয়ে আমরা ছেড়ে দিতে নাচাৰ । আপনি কিছু মনে করবেন না ।

অসহিষ্ণুভাবে উঠিয়া সুকুমার কহিল,—যা আপনার ধৰ্ম্ম হয় করুন, যা দেবার হয় দিন ।

তুইখানি দশ টাকার নোট, একটি সিকি, তিনটি আনি, ও সেই সঙ্গে বাদামী কাগজে লেখা একখানি ফর্দ সুকুমারের হাতে দিয়া ধাড়া নিতান্ত বিনীতভাবে কহিল,—এতে সব লেখা আছে ; একটি পাই পয়সার এদিক ওদিক হয়নি জানবেন ।

নিরুদ্ভরেই দোকান হইতে বাহির হইয়া সুকুমার হাটের ভিতর ঢুকিল ।

বেলা তখন দেড়টা । অভুক্ত তিন পুত্র টিফিনের ছুটির পর

পরিপূর্ণ ক্ষুধা লইয়া বাডীতে উপস্থিত। ছবি তখন আর কোন উপায় না দেখিয়া একখানা ভাঙ্গা তক্তাব সাহায্যে উনান জালিয়া চারিটি চাল ভাজিতে বসিয়াছে। ভাঁড়াবের নানাস্থান হইতে কুড়াইয়া এই চাউলগুলি সে সংগ্রহ করিয়াছিল। ক্ষুধার্ত্ত শিশুদের ব্যগ্র দৃষ্টি এই পবন বস্তুটির দিকে নিবদ্ধ। সে ককণ দৃশ্য কি মর্ম্পর্শী। ডাগব ছেলে তিনটি আয়োজনের অবস্থা দেখিয়া দীর্ঘনিশ্বাস ফেলিল, বুঝিল, বিধাতা আজ তাহাদের অদৃষ্টে বৃষ্টি ইহাব অতিবিক্ত ব্যবস্থা কবেন নাই।

ঠিক এই সময় বাহিবের দবজাব কড়া প্রবলবেগে কক্ষাব দিয়া উঠিল। পরিচিত শব্দে সকলেই উৎকর্ণ, উষা ছুটিয়া গিয়া দ্বাব খুলিয়া দিল, সঙ্গে সঙ্গে উচ্ছ্বসিত উল্লাসে চীৎকার করিয়া কহিল,—অ মা, বাবা এসেছেন, সঙ্গে দুটো মুটে, কত সব জিনিষ, এক চ্যাঙ্গড়া খাবাব!

মুহূর্ত্তে নিবানন্দ গৃহখানি পবমানন্দে পূর্ণ হইয়া গেল। ছবি তাড়াতাড়ি উনান হইতে কড়া নামাইয়া স্বামীব বৌদ্ধতপ্ত মুখখানিব দিকে চাহিয়া ব্যথাব সুরে কহিল,—ওমা, একেবারে যে খুন হয়ে এসেছ, বস এইখানে, উষা শীগগীর পাখাখানা নিয়ে আয়—

অভাবজনিত যে অভিমান এই অসহায় দম্পতির নিম্নল দুইটি মনের মধ্যে ব্যবধান তুলিয়াছিল, তাহা একেবারে নিশ্চিহ্ন হইয়া গেল।

চার

শ্রীচূর্ণা চিত্রালয়ের কাজগুলি ছিল যেমন কঠিন, তেমনই তাহার সমাধানও সময়সাপেক্ষ। কিন্তু এই কার্যের উপরই স্কুমারের শারদীয়া পূজার মান সম্বন্ধ সমস্তই নির্ভর করিতেছিল। একটি মাস দিবারাত্রি খাটিয়া, শারদীয়া পঞ্চমীর পূর্বাঙ্কেই ডিজাইনগুলি সম্পূর্ণ করিয়া সে স্বস্তির নিশ্বাস ফেলিল।

ছবিও ঠিক সেই সময় আসিয়া সংসারের খবর দিল,—এবেলা পর্যন্ত কোন রকমে চলে গেল,—ও বেলায় সব বাড়ন্ত, কয়লাটি পর্যন্ত।

হাতের কাজ শেষ করিয়া শিল্পীর মন তখন উৎসাহে ভরপুর, ক্ষুণ্ণির সুরে কহিল,—আমি কিবে এলে সব আনিয়ে নিও।

শ্রীচূর্ণা চিত্রালয়ের পেমেণ্ট ভাল, টাকার জন্য হাঁটাইটি করিতে হয় না, বিশেষতঃ জরুরী কাজ যখন শেষ করিয়া লইয়া চলিয়াছে এবং কাজগুলির সম্বন্ধে তাহার নিজের মনেও যখন কোনও খুঁৎ ধরা দিতেছে না, তখন উচ্চহারেই যে পারিশ্রমিক পাইবে তাহাতে সন্দেহ কি!

আহার সারিয়াই ডিজাইনগুলি লইয়া স্কুমার মধ্যাঙ্কেই বাহির হইয়া পড়িল। দুইটা মাত্র পরসে তাহার আজ শেষ সম্বল, ইহাতেই পাথের সারিতে হইবে। ট্রাম কোম্পানীর সৌজন্তে চেতলার মোড় হইতে চোরঙ্গী পর্যন্ত মধ্যাঙ্কে এই অর্ধ আনা মাত্র সম্বল করিয়া অনায়াসে যাওয়া চলে। স্কুমারও চলিল।

চৌরঙ্গী অঞ্চলেই শ্রীহর্গা চিত্রালয়। মালিক অবিনাশ আতর্ষীকে কার্যালয়ের একপ্রান্তে পরদা-ঘেরা খাম কামরায় উপস্থিত দেখিয়া সুকুমার যেন হাতে স্বর্গ পাইল। পরদা ঠেলিয়া বরাবর তাঁহার সম্মুখে গিয়া ডিজাইনগুলি দাখিল করিতেই আতর্ষী মহাশয় গম্ভীর হইয়া কহিলেন,—অত্যন্ত দেরী করে ফেলেছেন আপনি,—পূজো মাথায় করে আজ এলেন ?

সুকুমার সবিনয়ে কহিল,—কাজগুলো খুবই শক্ত, তাড়াহুড়া করে শেষ করবার নয়। কাজের তুলনায় দেরী হয়েছে মনে হয় না।

পুনরায় প্রশ্ন—সবগুলোই শেষ করেছেন ?

উত্তর হইল,—নিশ্চয়ই।

আর কোনও কথা নাই। আতর্ষী মহাশয় নিজেদ কাজে নিমগ্ন হইলেন, সুকুমার সম্মুখের চেয়ারখানির উপর বসিয়া একাগ্রদৃষ্টিতে তাঁহার মুখের দিকে তাকাইয়া রহিল।

এই ভাবে অর্ধ ঘণ্টা অতীত হইল। সহসা আতর্ষী মহাশয়েব দৃষ্টি পড়িল সুকুমারের উপর। ডিজাইনগুলি তাঁহার টেবলের উপরেই পড়িয়াছিল। সুকুমারের দিকে চাহিয়া সেগুলি হাতে তুলিয়া কহিলেন,—তাহলে এগুলো এখন থাক, আমি অবসর মত দেখব ; আপনি পূজোর পর আসবেন।

সুকুমারের বুকের ভিতর টিপ টিপ করিয়া উঠিল। এমন কথা শুনিবে, সে যে কল্পনাও করে নাই ; তাহার যে শিরে সংক্রান্তি আজ ! গাঢ় স্বরে সে কহিল,—আমি যে আজই টাকা পাব বলে এসেছি, স্মর ! সমস্ত কাজ ফেলে আমি এ কাজ শেষ করেছি এই আশাতেই যে ! আমাকে—

আতর্ষী মহাশয় স্কুমারকে কথা শেষ করিতে না দিয়াই কহিলেন,—পূজো মাথায় করে আপনি টাকার আশায় এসেছেন ? এতদিন করছিলেন কি ? কাজগুলো যা করে আনলেন, আমাকে দেখতে দিন ; আর, টাকাও ত আগেই আপনাকে কতক দিয়ে রেখেছি। যা হোক, সাত আট দিন পরে আপনি আসবেন, সেইদিন কথা হবে।

স্কুমারকে আর কোনও কথা কহিবাব অবসব না দিয়াই আতর্ষী মহাশয় বিশেষ ব্যস্তভাবে উঠিয়া পড়িলেন। স্কুমারের মনে হইল চেয়ার শুক সে যেন ভুগর্ভে নামিয়া চলিয়াছে।

শ্রীদুর্গা চিত্রালয় হইতে বাহির হইয়া স্কুমার যখন বাস্তায় নামিল, তখন তাহার চেহারা একেবারে বদলাইয়া গিয়াছে। কত বড় আশা লইয়া সে এই বাড়ীতে ঢুকিয়াছিল, আর সর্কস্কারার মত কতখানি দুশ্চিন্তা লইয়া সে ফিবিয়া চলিল ; তাহার মর্ম্মব্যথা কে অনুভব করিবে ? পকেটে একটি পয়সা নাই, মনে উৎসাহ নাই, দেহে সম্বিত নাই ; বাতাসের উপর দেহভাব ত্যক্ত করিয়া সে যেন অগম্য হইল। তাহার চক্ষুর সম্মুখে অগ্নিব অক্ষবে কে যেন অনবরতই লিখিতেছিল—কাল শারদীয়া ষষ্ঠী !

দুর্কস দেহখানিকে টানিয়া এ অবস্থাতেও পরিচিত কয়েক স্থানে স্কুমার টাকার চেষ্টায় কিরিল। কিন্তু সর্কস্কারাই শুনিল একটু কথা,—পূজার মুখ, একটি পয়সা এখন মোহর ; নিরুপায় !

আসিবার সময় বৃকে ছিল অপারিসীম আশা, ফিবিয়ার সময় কোনও সম্বলই নাই,—বরং শূন্য পকেটের ভার দুর্দহ হইয়াই তাহাকে দারুণ ব্যথা দিতেছিল। শূন্য বুলি যে কত ভারী—

বিমুখ ভিখারীই তাহার মর্ম্ম বুদ্ধিতে পারে। স্বয়ং কাশীহারা শিবও একদিন ইহার বাথা অনুভব করিয়াছিলেন! সারা পথ হাঁটিয়া রাত্রি আটটার পর সুকুমার বাড়ী ফিরিল,—বাড়ীর সকলে তখন সাগ্রহে তাহারই মুখ চাহিয়া কত আশায় প্রতীক্ষা করিতেছিল!

স্বানীর বিবর্ণ মুখখানি দেখিয়াই ছবির বুকের ভিতর ছাঁৎ করিয়া উঠিল। কোনও কথা না বলিয়া জুতা ঘোড়াটি ছাড়িয়া সুকুমার শস্যার উপর শিথিল দেহখানি ঢালিয়া দিল।

সুকুমার একটু স্তম্ভ হইলে ছবি সকল কথাই শুনিল। আজ সে স্বামীকে প্রবোধ দিয়া কহিল,—তুমি ভেবো না, মালিক একজন আছেনই; তিনিই সব ব্যবস্থা করবেন।

সে রাত্রিতে কিন্তু বাড়ীর আটটি প্রাণীর ক্ষুধা-নিবারণের কোনও ব্যবস্থাই আর হইল না। রাতটুকু অনশনেই কাটিয়া গেল।

পাঁচ

সকালে উঠিয়াই ছবি কহিল,—আমার একটা কথা শুনবে?

উদাসভাবে সুকুমার তাহার মুখের দিকে চাহিয়া কহিল,—বল।

বাগ্রকণ্ঠে ছবি কহিল,—যে সাহেবের কাজ তুমি আগে করতে, আজ তার সঙ্গে দেখা কর।

প্রস্তাবটা তৎক্ষণাৎ সুকুমারের চিত্তে একটা প্রচণ্ড দোলা দিল। আর্থিক ব্যাপারে এই বিদেশী প্রতিষ্ঠানটির উদারতার স্মৃতি তাহাকে অভিভূত করিয়া ফেলিল। সত্য বটে, কোম্পানী তাহার প্রতি ভাল ব্যবহার করে নাই, নালিশ করিয়া তাহার দুর্দশার চূড়ান্ত

করিয়াছিল। কিন্তু তাহার দিক দিয়াও ত যথেষ্ট অপরাধ ছিল। অসুখের সংবাদ তাহাদের দেওয়া হয় নাই, অসুখের পরও সে নিজে গিয়া দেখা করে নাই; মধ্যস্থ দিয়া মীমাংসা করিয়াছে। অথচ, এই কোম্পানী হইতে সময়ে অসময়ে কি প্রচুর টাকাই না সে পাইয়াছে! সুকুমারের সবসন্ন চিত্র পুনরায় যেন উৎসাহে দীপ্ত হইয়া উঠিল। কহিল,—আচ্ছা, ভেবে দেখি।

বাহ্য ভাবিবার, সে আগেই ভাবিয়া লইয়াছিল। যদিও আজ যষ্ঠী, বাঙ্গালীর সংসারে এ দিনটির প্রচুর মর্যাদা, কিন্তু এ বাড়ীতে আজ একাদশীর ব্যবস্থা।

বেলা তখন আটটা। কাহাকেও কিছু না বলিয়া জাগা, চাদর ও ছাতাটি লইয়া সুকুমার দুর্গা বলিয়া বাহির হইয়া পড়িল।

পূর্বদিনের পথশ্রম ও আশাভঙ্গের ব্যথা তখনও কাটে নাই, সারাবাত্রি পেটে কিছু পড়ে নাই, সকালে সুকুমারের এক পিয়াল চা না হইলে চলে না, চালের মত তাহাও আজ বাড়ন্ত, কিন্তু যাহারা অতি বৃহস্কুর আগ্রহ লইয়া আজিকার সন্ধ্যার প্রতীক্ষা করিতেছে, তাহাদের মূর্ত্তিগুলি বৃষ্টি সুকুমারের মনের ক্ষুধা ও দেহের ক্লান্তি সমস্তই হরণ করিয়া লইয়াছিল। তাই, ছাতাটি মাথায় দিয়া এই অদ্বুত খেয়ালী মানুষটি পায়ে হাঁটিয়া চলিল চেতলা হইতে ডালহৌসী স্কোয়ারে হাভেল কোম্পানীর চিত্রালয়ে।

শারদীয়া পূজার সঞ্চর্কনায় সারা সহরে উৎসবের অন্ত নাই। সকল কর্মশালা ও পণ্য প্রতিষ্ঠানে আনন্দের হাট বসিয়া গিয়াছে। শোভা ও সমৃদ্ধির পসরা মাথায় তুলিয়া প্রত্যেকেই শীর্ষস্থানে উঠিতে একান্ত উন্মুখ।

আপন মনে সুকুমার গন্তব্য পথে চলিয়াছে। সারা পথের দুই পার্শ্বে দোকানী-পশারীদের অসীম উৎসাহ ও একান্ত প্রীতি-প্রসন্নভাব দেখিয়া মনে মনে ভাবিল, অভাবের সঙ্গে এদের বৃদ্ধি কখনও দেখা সাফাৎ হয় নাই।

ভবানীপুরের মোড়ে একখানা বড় বাড়ীর সম্মুখে পাতা পুফয়া বোঝাই একটা লরি আসিয়া দাঁড়াইল। ইতিনধ্যেই গৃহখানি পূজার উল্লাসে উছলিয়া উঠিয়াছে,—আজ হইতেই সেখানে ‘দয়িতাং ভোজ্যতাং’ ব্যাপার!

সুকুমার সে দিকে চাহিয়া মনে মনে ভাবিতে থাকিল,—এখানে এত ঘটা, আর আমার বাড়ীতে আজ হাঁড়ী চড়বে না; ছেলমেবে উপোস ক’রে কাটাবে! কিন্তু আমাকে দেখে, কজন একথা বুঝবে বা বিশ্বাস করবে! অবিনাশ আতখীরই বা কি দোষ! তিনি লক্ষপতি, আমার গত অভাবগ্রস্তের অবস্থা সহ্যে তিনি ত পবিচিত নন; তাঁব কাছ থেকে সে দিন রিক্ত হস্তে ফিরে সারা পথ হেঁটে এসেছি, সারারাত সপরিবার অনশনে কাটিয়েছি—এ কথা কি তিনি বিশ্বাস করবেন কোনদিন!

মোড় ফিরিতেই একটা লোক আসিয়া গা ঘোঁসয়া হাত পাতিল—একটা পয়সা দিন, বাবু, আজকের দিনে, ভগবান মনস্কামনা আপনার পূর্ণ কববেন।

সুকুমার চাহিয়া দেখিল, আধ-ময়লা কাপড় পরা, গায়ে একটা জ্বালিদার ময়লা গেঞ্জি, গলাব ফের দেওয়া একখানা সূতি-উড়ানী, চেহারাখানা একেবারে অভদ্র গোছের নয়; বয়স বোধ হয় চল্লিশের কোঠা পার হয় নাই—এমন একজন প্রার্থী হাত পাতিয়া দাঁড়াইয়াছে।

হাতে পয়সা থাকিলে সুকুমার প্রার্থীকে বড় একটা ফিরাইত না, আজ নিজেই সে রিক্ত ; গুটিকয়েক পয়সার জন্ত চেতলা হইতে এতটা পথ হাঁটিয়া আসিয়াছে । মুখ ফিরাইয়া মনে মনে বলিল,— ভাইরে, তোর অবস্থা হয় ত আমার চেয়ে ভাল ; সহস্র দোর ভোব সামনে খোলা, অভাবে যার তার কাছে হাতখানা পেতে দাঁড়াতে মনে সঙ্কোচ নেই, কিন্তু আমার মত অবস্থার লোক যারা, তারা—

যার চাইতে হয়—সেও আট ঘাট বাধিয়া, যদি চাওযাব কথাটা প্রচার হইয়া পড়ে ! অবস্থা লইয়া পাছে আলোচনা স্বক হয়, তখন ? লজ্জায় এই সুকুমারের মত অভাবগ্রস্ত ভদ্রদের চিত্ত কত প্রকারেই আজ সঙ্কচিত করিয়া রাখিয়াছে,—লজ্জাগত এই দুর্বলতা কত গভীরতর সমস্যার সৃষ্টি করিয়া চলিয়াছে । কিন্তু ইহার সমাধানের সম্ভাবনা কোথায় ?

হাভেল কোম্পানীর চিত্রাণয়ের দেউড়ীতে প্রবেশ করিতেই, জমান্দাব সুকুমারকে চিনিতে পারিয়া হাতের খৈনী লুকাইয়া সসম্মুখে কুর্নিশ করিল, কুশল সংবাদ লইল । উপরে উঠিতেই তাহাকে দেখিয়া কর্মচারীরা ছুটিয়া আসিল । সুকুমার এখানে সর্বজন-পরিচিত, তাহার প্রতি কর্মচারীদের অসীম শ্রদ্ধা ।

কর্মচারীদের সহিত কথাপ্রসঙ্গে সুকুমার শুদ্ধ বিষয়ে শুনিল, তাহার বন্ধুত্বানীয যে শিল্পীকে মধ্যস্থ করিয়া সে সাহেবেব সহিত নীমাংসার ভার দিয়াছিল, সে সুকুমারের বিকল্পে নানা কথা লাগাইয়া, নিজের কাজটুকুই গুছাইয়া লয় । সাহেব তাহাকে সুকুমারের স্থলে নির্বাচিত করেন । কিন্তু ধর্মের কল বাতাসে নড়িয়া গিয়াছে ; তাহার কাজে বহু গলদ বাহির হইয়াছে, উপরন্তু

অনেকগুলি টাকা অগ্রিম লইয়া সে এখন ফেরার, তাহার নামে হালিয়া বাহির হইয়াছে। বহু কাজ জমিয়া গিয়াছে, ভাল লোক পাওয়া বাইতেছে না; সুকুমার ঠিক সময়টিতেই আসিয়াছে, সাহেব তাহাকে পাইলে লুফিয়া লইবে।

সুকুমার সাহেবের কাছে নামের সুপ পাঠাইবামাত্রই তলব হইল। কর্মচারীরা কহিল,—দেখুন স্যর, একেই বলে গরজ বড় বালাই, এত শীগগীর কোনো বাঙ্গালীকে কোনো সাহেব ডাকে না।

ছয়

মিষ্টার হিউম নামে এক ইংরেজ এই চিত্রালয়ের সিনিয়ার পার্টনার ও ম্যানেজিং ডাইরেক্টর। যেমন দীর্ঘদেহ হৃষ্টপুষ্টি নিটোল আকৃতি, তেমনই তীক্ষ্ণ প্রকৃতি এবং সেই অনুপাতে সাহেবের কর্তব্যবুদ্ধিও একান্ত প্রথর। কিন্তু বাহিবের এই তীক্ষ্ণ কৃষ্ণ প্রকৃতির ভিতর সাহেবের যে ভাবপ্রবণ হৃদয়টি প্রচ্ছন্ন হইয়া থাকিত, বিশেষ অন্তরঙ্গ বাতীত অতি অল্প লোকই তাহার সন্ধান পাইয়াছে।

সুকুমার সাহেবের কামরায় ঢুকিয়া অভিবাদন করিতেই, সাহেব হাতের কলম রাখিয়া সবেগে উঠিয়া কহিলেন,—হ্যালো! পরক্ষণে তাহাব হাত ধরিয়া সম্মুখের চেবারে তাহাকে বসাইয়া দিয়া নিজে বসিলেন। তখনও সাহেবের বন্ধদৃষ্টি সুকুমারের মুখে, বিশ্বয়ের সুরে কহিলেন,—এমন চেহারা হয়েছে তোমার, সুকুমার বাবু! তুমিই কি সেইই?

সুকুমার আশ্চর্য লজ্জায় জড়সড়। মিষ্টার হিউমের নিকট এতটা

সম্মান পাইবে, সে তাহা প্রত্যাশাও করে নাই। কুণ্ঠিতভাবে কহিল,—আমার প্রতি এখনও আপনাব এত দয়া—

সাহেব দৃঢ়স্বরে কহিলেন,—দয়া নয়, শ্রদ্ধা। তুমি একজন আর্টিষ্ট, আমি আর্টব্যবসায়ী,—তোনার ওপর শ্রদ্ধা আমার স্বাভাবিক। জান তুমি, ইংলণ্ডে আর্টিষ্টদের কত সম্মান—তাদের স্থান কত উচুতে ?

সুকুমার এ কথার কি উত্তর দিবে ! অন্তর্দিন হইলে সে হযত চূপ করিয়াই থাকিত, কিন্তু আজ বড় দুঃখেই তাহার মুখ দিয়া সাহেবের কথাটির নির্ঘাত উত্তর বাহির হইয়া গেল ! সে কহিল,—ইংলণ্ডের কথা জানিনা স্মরণ, কিন্তু এ দেশে এমন আর্টিষ্টও আছে, জাতীয় পর্ব-দিনটিতেও যাদের রান্নাঘর বন্ধ থাকে, সপরিবার অনশনে কাটায় !

বিশ্বয়ের সুরে সাহেব কহিলেন,—কি বলছ তুমি, সুকুমার ?

আর্ন্তস্বরে সুকুমার কহিল,—যা সত্য, সেই কথাই বলছি, স্মরণ ! সেই আর্টিষ্ট আপনার সামনেই বসে আছে।

পূর্ণ দুটি মিনিট সুকুমারের শুষ্ক মুখের উপর তীক্ষ্ণ দুইটি চক্ষু রাখিয়া সাহেব যেন শিহরিয়া উঠিলেন। তাহার পর কণ্ঠস্বর মৃদু করিয়া কহিলেন,—দেখছি এ একটা রহস্য ; কিন্তু কোনো প্রতিভাশালী আর্টিষ্ট দুঃখ ভোগ করে, এ আমার অসম্ভব। এ রহস্য তুমি প্রকাশ করবে, সুকুমার ;—অবশ্য যদি না আপত্তি তোমার থাকে।

সুকুমার কহিল, কোনও আপত্তিই নেই, স্মরণ, কিন্তু সে অনেক কথা।

সাহেব এবার স্বর উচ্চে তুলিয়া কহিলেন,—নেভার মাইণ্ড, তুমি বলে যাও। আমারও অনেক কথা আছে তোমাকে বলবার। কিন্তু তার আগে তোমার কথা আমি শুনতে চাই।

সুকুমার তাহার দুর্ভাগ্য জীবনের সকল কথাই সাহেবকে শুনাইয়া দিল। শেষ পর্য্যন্ত সাহেব ধৈর্য্য রাখিতে পারিলেন না, দুইটি চক্ষুর উদগ্র অশ্রু ক্রমালে মুছিয়া গাঢ়স্বরে কহিলেন,—সুকুমার, তুমি শুধু ছবি আঁকতেই শিখেছ, হিসেব করতে শেখোনি, তাই জীবনের অঙ্ক কসতে এত বড় ভুল করে ফেলেছ, যার জন্য একটা পরিবার আজ আত্মহত্যা করতে বসেছে! ও! এমনি বেয়াকুব তুমি, এত বড় বেহুঁসিয়ার!—বেয়ারা!

উদ্দীপরা মাদ্রাজী বেয়ারা সাহেবের কামরায় ঢুকিয়া আভূমি নত হইয়া সেলাম বাজাইল।

বাবুকা ওয়াস্তে চা লেয়াও জলদি আউর কুছ মিঠা।—এখনও তোমার খাওয়া হয়নি, সুকুমার, কি খাবে—বেয়ারাকে বলে দাও—

সুকুমার মিনতির স্বরে কহিল,—সাহেব আমাকে ক্ষমা করুন; শুনলেন ত, বাড়ীতে সবাই আমার মুখ চেয়ে বসে আছে, এক পিয়াল চা পর্য্যন্ত আজ তাদের অদৃষ্টে যোটেনি,—তাদের ফেলে আমি এখানে কিছুই খেতে পারব না।

বেহারাকে বিদায় দিয়া সুকুমারের দিকে চাহিয়া সাহেব কহিলেন,—ধন্যবাদ বাবু! তোমার এই আপত্তি আমাকে আরো খুসী করেছে। কিন্তু এই সঙ্গে গভীর ছঃখে আমাকে বলতে হচ্ছে—এখনই তুমি বাড়ী ফিরে যাও।

শুদ্ধ মুখখানি স্নান করিয়া সুকুমার কহিল,—আপনার মূল্যবান সময়ের অনেকটা বৃথা নষ্ট করে গেলুম, স্মর ! তাহলে গুডবাই—

সাহেব ক্ষিপ্ৰবেগে উঠিয়া বহির্গমনোন্মুখ সুকুমারের হাতে একটা প্রবল ঝাঁকুনি দিয়া কহিলেন,—সিনি বয় ! আবার তুমি হিসেবে ভুল করছ ! খালি হাতে বাড়ী গিয়ে শেষে কি আমাকে শুদ্ধ করোনারের কোর্টে টানবে ?

সুকুমারের সর্বাঙ্গ তখন আড়ষ্ট, মুখে কথা নাই, বাম্পার্জ দুইটি চক্ষুর দৃষ্টিও যেন নিস্পত্ত ।

সাহেব উচ্ছ্বাসের সুরে কহিলেন,—দেখ বাবু, ইংরেজ ব্যবসায়ীর জাত, মান্যব চেনে । যাকে উপলক্ষ্য করে তারা উপায়ের আশা রাখে, তাকে নষ্ট হতে দেয় না । যার কাছে তারা উপকার পায়, সমাজে তাব অপকার কবে না । তবে তোমার প্রতি যে রূঢ় ব্যবহার হয়েছে, তার মূলে কতকটা ব্যবসায়গত প্রেষ্টিজ রক্ষা, কতকটা তোমার সমব্যবসায়ী বন্ধুর বিশ্বাসঘাতকতা । গোড়াতেই তোমাকে বলেছি, আমরা ব্যবসায়ীর জাতি, চুক্তি ভঙ্গ আমরা বরদাস্ত কবতে পারি না, যেহেতু এই কনট্রাক্টই আমাদের ব্যবসায়ের প্রাণ ।

সুকুমার নিরুত্তরে সাহেবের মর্মান্বশী কথাগুলি শুনিতেছিল, তাহাব মুখ দিয়া একটি কথাও বাহির হইল না ।

সাহেবের সকল কথা তখনও বলা হয় নাই । বক্তব্য কথার মোড় ফিরাইয়া পূর্ববৎ উচ্ছ্বাসের সহিত পুনরায় কহিলেন,—হাঁ, তোমার ক্রটির শাস্তি আমরা কঠোর ভাবেই দিয়েছি, কিন্তু তোমার কাছ থেকে যে কাজগুলি আমরা পেয়েছি, তাতে শুধু যে

আমরা লাভবান হয়েছি তা নয়, আমাদের ফারমের প্রেষ্টিজও তাতে বেড়েছে। আজ তুমি বিপন্ন হয়েছ, এ সময় আমাদের কর্তব্য তোমাকে সর্বতোভাবে রক্ষা করা। উপস্থিত আমি তোমাকে কিছু টাকা দিচ্ছি, তাতে আজকের ঝঞ্জাটগুলো সব মিটিয়ে ফেলো। আমি তোমাকে চেক দেব না, কেন না ব্যাঙ্কে গিয়ে চেক ভাঙিয়ে টাকা পেতে বিলম্ব হবে; শীঘ্র তোমার বাড়ী পৌঁছানো প্রয়োজন।

সুকুমারের দুই চক্ষু ছাপাইয়া তখন অশ্রুর বন্যা ছুটিয়াছে। ভাবগদগদস্বরে সে কহিল,—শ্রুত, আমার মত একটা নগণ্য লোকের সম্বন্ধেও আপনি এত ভাবেন, এমন আপনার দয়া!

সাহেব সুকুমারের কথার উত্তর না দিয়া একখানি শ্লিপে কয়েক ছত্র লিখিয়া তাহার হাতে দিলেন; কহিলেন,—ক্যাস থেকে এই টাকাটা নিয়ে বাড়ী চলে যাও। আমি বেয়ারাকে বলে দিচ্ছি, আমার সোফার তোমাকে বাড়ী পৌঁছে দিয়ে আসবে।

শ্লিপের লেখাটির উপর দৃষ্টি পড়িতেই সুকুমার শিহরিয়া উঠিল; সাহেব তাহাকে পাঁচ শত টাকা দিবার আদেশ দিয়াছেন!

সাহেবকে ধন্যবাদ দিয়া—ভগ্নস্বরে কৃতজ্ঞতা জানাইয়া সুকুমার যখন বিদায় লইতে উদ্যত, তখন সাহেব পুনরায় কহিলেন,—এক মিনিট বাবু, আর একটা কথা তোমাকে বাধ্য হয়েই বলছি শোনো। দেখো, ঈশ্বর সৃষ্টি করেন মানুষকে। কিন্তু মানুষের মধ্যে যারা কেতাবের ক্যারেকটার বা আর্টের পিকচার সৃষ্টি করেন, তাঁরা ঈশ্বরের অনুগৃহীত। এঁদের সৃষ্টির বিষম অন্তরায় হচ্ছে আর্থিক অভাব। এই জন্যই ইংলণ্ডে আর্টিষ্টদের আর্থিক মর্যাদা প্রচুর। তুমি যদি আমাদের ওপর সম্পূর্ণ নির্ভর করতে পারো,

আমরাও তোমার সম্পূর্ণ ভার নিতে পারি—যাতে আর্থিক অভাব তোমার শিল্প সাধনায় অন্তরায় হতে না পারে।

সুকুমার দৃঢ়স্বরে উত্তর দিল,—আমি সম্পূর্ণ প্রস্তুত আছি, আজ থেকে আমি আপনার চিত্রালয়েই আত্মনিয়োগ করলুম।

সাহেব সানন্দে সুকুমারের করমর্দন করিয়া কহিলেন—খ্যাক যু ; কাল এই সময় তুমি আসবে, নতুন কনট্রাক্ট করব তোমার সঙ্গে।

আফিসের ফটকে সাহেবের সুরহং মোটর সুকুমারের প্রতীক্ষা করিতেছিল। সুকুমারকে দেখিয়াই সোফার দরজা খুলিয়া দিল। সুকুমার মোটরে উঠিবার উপক্রম করিয়াছে, এমন সময় অবিনাশ আতর্ষীর মোটর আসিয়া পার্শ্বে দাঁড়াইল। আতর্ষী মহাশয় চিত্র-সংক্রান্ত কোনও প্রয়োজনে হ্যাভেল কোম্পানীর চিত্রালয়েই আসিতেছিলেন। সুকুমারকে সাহেবের মোটরে উঠিতে দেখিয়া একান্ত বিস্ময়ে তিনি প্রশ্ন করিলেন,—ব্যাপার কি সুকুমারবাবু, আপনি যে এখানে ?

সুকুমার প্রকাসহকারে আতর্ষী মহাশয়কে নমস্কার করিয়া কহিল,—হিউম সাহেবের কাছেই এসেছিলাম।

অপ্রসন্নভাবেই অবিনাশ আতর্ষী কহিলেন,—সাহেবের সঙ্গে আপনার সম্বন্ধ যে চূকে গিয়েছিল শুনেছিলাম ?

সুস্পষ্টস্বরে সুকুমার উত্তর দিল,—দায়ে পড়ে আবার কেঁচে গণ্ডুষ করলুম !

আতর্ষী মহাশয়ের সুন্দর মুখখানির উপর সেই মুহূর্ত্তে কে যেন এক ঝলক কালি ঢালিয়া দিল ! বাহিরে ব্যবসায়ীসুলভ নীতির দিকে চাহিয়া যে ব্যবহারই তিনি করুন, কিন্তু এই প্রতিভাশালী

শিল্পীর সৃষ্টিশক্তি সম্বন্ধে তাঁহার ধারণাও ছিল খুবই উচ্চ। অভাব-গ্রস্ত শিল্পী তাঁহার হাতের মুঠার মধ্যে আসিয়া ধরা দিয়াছে, ইহাই তিনি ভাবিয়াছিলেন, কিন্তু এখন বুঝিলেন, কাল অভ্যাসবশে যে ভুল তিনি করিয়াছিলেন, তাহাই এই অতিবাহিত মানুষটিকে এত তফাতে আজ সরাইয়া দিয়াছে !

সাত

বাড়ীর সম্মুখে মোটর আসিয়া দাঁড়াইতে ছবির বুকখানা ছলিয়া উঠিল। কোলের ছেলেটিকে ঘুম পাড়াইয়া অনেকক্ষণ ধরিয়াই সে বাহিরের ঘরের গবাক্ষটির সম্মুখে দাঁড়াইয়াছিল। ছেলে মেয়েদের ক্ষুধার তাড়না আজ আর তাহাকে আঘাত দেয় নাই; নিকটেই এক ধনী আত্মীয়ের নূতন গৃহপ্রবেশ উপলক্ষে তাহারা মধ্যাহ্ন ভোজনের নিমন্ত্রণ খাইতে গিয়াছে। ছবি ও তাহার স্বামীকে লইয়া ঘাইবার জন্ত সেখান হইতে তাগিদ আসিয়াছিল, কিন্তু ছবি বলিয়া দিয়াছে, স্বামী কখন ফিরিবেন ঠিক নাই, সে নিজে ষষ্ঠীর ব্রত করিয়া থাকে, নিমন্ত্রণ খাইবার উপায় নাই।

সুকুমারের অনশনক্লিষ্ট মুখখানির উপর আজ একি অপূর্ব জ্যোতিঃ! বহুদিন স্বামীর মুখে এমন পরিতৃপ্তির ভাব ত সে দেখিবার অবকাশ পায় নাই! নির্ঝাক্ বিষয়ে সে স্বামীর মুখের দিকে বদ্ধদৃষ্টিতে চাহিয়া রহিল।

সুকুমার হাসিয়া প্রশ্ন করিল,—কি দেখছ বল ত? তাহার

পর আশ্বে আশ্বে পকেট হইতে নোটগুলি বাহির করিয়া ছবির হাতে দিয়া কহিল,—তোমারই মন্ত্রণার ফল ।

ছবির শীর্ণ মূর্তি মুহূর্ত্ত মধ্যে অপরিসীম উল্লাসে উজ্জল হইয়া উঠিল, দুই চক্ষু বিস্ফারিত করিয়া আগ্রহের সুরে জিজ্ঞাসা করিল,—সাহেবের আফিসেই তাহলে গিয়েছিলে ?

সুকুমার কহিল,—তোমার যুক্তিটা শুনেই মন দুগে উঠেছিল । দুর্গা বলে সেখানেই গিয়েছিলুম । মা দুর্গা মুখ রেখেছেন । পূজোর ষষ্ঠীর ভাবনায় সারারাত কাল ঘুমুতে পারিনি, তখন কল্পনাও করিনি এই দিনেই হবে আমার নূতন করে ভাগ্যোদয় !

পাওনাদারদের দোকানে দোকানে গিয়া হিসাব মিটাইয়া সুকুমার ছেলেদের সহিত যখন বাড়ী ফিরিল, তখন সন্ধ্যা উত্তীর্ণ হইয়াছে ; শারদীয়া উৎসবের সূচনায় সহরোপকণ্ঠের এই অনাড়ম্বর অঞ্চলেও উল্লাস প্রবাহ বহিয়াছে ; দোকানে দোকানে মনোরম সজ্জা পারিপাট্যের ছটা, গৃহে গৃহে তাহার আলোচনা ; সারা বৎসরটির প্রসন্নতা আকর্ষণে পুণ্যশালা পল্লীললনাদের নিষ্ঠার অন্ত নাই । বাহার যেমন ক্ষমতা পরিজনদের নূতন বস্ত্র সম্ভারে সজ্জিত হইবার অবকাশ দিয়াছে । সুকুমার প্রত্যাশেও কল্পনা করে নাই, তাহার স্ত্রী পুত্র কন্যারা অন্তান্ত বৎসরের ন্যায় এই আকাঙ্ক্ষিত শারদীয়া ষষ্ঠীর নিশায় নববস্ত্র পরিয়া তাহার গৃহের ও নিজের দুটি নেত্রের শোভাবর্ধন করিবে !

সুকুমারের বাহিরের ছোট ঘরখানিও আজ সুসজ্জিত, আলোকোজ্জল । নিজের স্থানটিতে সবেমাত্র সে বসিয়াছে, এমন সময় দরোজার সম্মুখে একখানি মোটর আসিয়া দাঁড়াইল ।

ছেলেরা বাহিরেই ছিল। মোটরের আরোহী প্রশ্ন করিলেন,—
এইটিই কি স্কুমার বাবুর বাড়ী ?

পরিচিত স্বর শুনিয়া স্কুমার শশব্যস্তে বাহিরে আসিয়া ব্যগ্র-
কণ্ঠে কহিল,—আতর্ষী মহাশয়! আপনি? কি সৌভাগ্য
আমার!

এই যে, স্কুমার বাবু! নমস্কার! আমি আপনার কাছেই
এসেছি, কথা আছে।

স্কুমার গভীব শ্রদ্ধা সহকায়ে অবিনাশ আতর্ষীকে বাহিরের
ঘরে আনিয়া বসাইল। আজ তাহার গৃহে পূর্বেই মালক্ষীর
পদছায়া পড়িয়াছে, লক্ষ্মীর ববপুত্রদেব আবির্ভাব বিশ্বয়ের বিনয়
নহে। প্রত্যুষেও এই গৃহে একটি তপ্পনকণা ছিল না, দুটি চানাও
কেহ দাঁতে কাটিতে পায় নাই; এখন সম্মানীয় অভ্যাগতের
সম্বর্দ্ধনায় চা, খাবার, পাণ কিছুই অপ্রতুল দেখা গেল না।

অবিনাশ আতর্ষী অবশেষে গভীব আন্তরিকতার সহিত
জানাইলেন,—আপনার ডিজাইনগুলো সব দেখেছি, স্কুমার বাবু!
চমৎকার হয়েছে; সত্যই আপনি জিনিয়াস! কোনো ছবিটির
কোনো অংশ বর্দ্ধনাবার কিছু নেই।—আপনাকে এগুলোর জন্য কি
দিতে হবে বলুন ত?

কিছুমাত্র চিন্তা না করিয়া বেশ সহজ সুরেই স্কুমার উত্তর
দিল,—কিছুই আব দিতে হবে না আপনাকে।

সে কি! আপনি ঠাট্টা করছেন?

আমি আপনাকে শ্রদ্ধা করি, আতর্ষী মহাশয়! ঠাট্টা করবার
ছুংসাহস আমার নেই। সত্যই আপনাকে কিছু দিতে হবে না।

কেন বলুন ত ! আপনি পরিশ্রম করেছেন—

তা করেছি। হয় ত পয়সার দিকে চেয়ে এমন পরিশ্রম আর কখনো করিনি, কিন্তু সে ত সার্থক হয়নি, অবিনাশ বাবু !

এ কথা'র মানে ?

মানে আপনি বুঝতে পারবেন না ; কেননা, এতকাল শিল্পীদের নিয়ে নাড়াচাড়া করেও আপনি তাদের ভেতরের খবরটুকু রাখেন নি, চেষ্টাও করেন নি রাখবার। আজ আপনি চোরঙ্গী থেকে চেতলায় আমার বাড়ী ব'য়ে এসেছেন অসীম উদারতা দেখাতে, কাল আমি ভিক্ষুকের মত আপনার বাড়ীতে গিয়ে অভাব জানিয়ে-ছিলুম, আপনি গ্রাহ্যও করেন নি। একটি টাকাও যদি কাল আপনি আমাকে দিতেন, আমি সারাপথ হেঁটে আসতুমনা, আর—সপরিবার সারারাত আমাদের অনশনে কাটত না।

অতিশয় বিস্ময়ের ভঙ্গীতে অবিনাশবাবু কহিলেন,—বলেন কি ! তা এতই যদি আপনার অভাব ছিল, সে কথা ত কালই আমাকে—

বিনয়ের ভঙ্গীতে স্কুমার কহিল,—আগেই ত আপনাকে বলেছি স্মর, আমাদের ভেতরটার দিকে আপনি কোনদিন চেয়ে দেখেন নি, তাহলে মুখে কিছুই বলবার আবশ্যক হত না।

এ প্রসঙ্গ পরিত্যাগ করিয়াই সহসা অবিনাশ আতর্ষী পকেট হইতে চেকবহি বাহির করিয়া কহিলেন,—দেখুন স্কুমারবাবু, আপনার কাজগুলোর বাবদে অগ্রিম পঁচিশ টাকা দেওয়া আছে, আর এখন একশো পঁচিশ টাকার একখানা চেক আমি দিচ্ছি আপনাকে, হিসেবটা সেটল্ করে নিন।

দৃঢ়স্বরে সুকুমার জানাইল,—সেটল করবার আর কিছু নেই, অবিনাশবাবু! কাল এটা পেলে আমার জীবনের চাকা আপনার চিত্রায়কে পরিবেষ্টন ক'রেই ঘুরতো; কিন্তু ঈশ্বরের সেটা বোধ হয় অভিপ্রেত নয়! আপনিত জানেন, মিষ্টার হিউমের সঙ্গে আমি ওবেলাই সব সেটল করে এসেছি। সেখানেই অতঃপর আমার সারা জীবনের সেটলমেন্ট পাকা, এর আর নড়চড় নেই। কেন জানেন, বিদেশী হ'লেও ওরা আমাদের ভেতরটা আগেই দেখেছে, ভাতের ভাবনা মাথায় নিয়ে ওদের কাজে মাথা খেলাতে হয় না, অবিনাশ বাবু!

শুককণ্ঠে অবিনাশ আতর্ষী কহিলেন,—আপনার ভাল হলে আমরাও সুখী হব; এখন আপনার পাওনাটা নিয়ে আমাকে ত রেহাই দিন।

করযোড়ে মিনতির সুরে সুকুমার কহিল—ও টাকা আমার নেওয়াই হয়েছে, অবিনাশ বাবু! আপনি ওটা আমার নামে খরচ লিখে আপনার টেবলের ড্রয়ারে রেখে দেবেন, আর আমার মতই সত্যকার অভাবগ্রস্ত কোনো শিল্পী প্রয়োজনের অনুরোধে প্রার্থী হলে তার ভেতরটা দেখে ঐ থেকে তার মুখে হাসি ফোটাবেন! একজনও এভাবে পরিতৃপ্ত হলে আমার জীবন ধন্য হবে। আপনার কাছে এই মাত্র আমার প্রার্থনা। মনে রাখবেন স্মরণ—আজ শারদীয়া ষষ্ঠী, এ দিনের প্রার্থনা বিফল হয় না।

দুঃখের পাঁচালী
বেকার কেন্দ্রাণীর

এক

ব্যবসায় মন্দা পড়ায় সওদাগরী প্রতিষ্ঠান ক্লাইভ কোম্পানী ত আফিস তুলিয়া দিলেন, কিন্তু দশটা হইতে পাঁচটা পর্য্যন্ত কলম চালাইয়া এই প্রতিষ্ঠানটিকে ষাঁহারা চলার পথে ঠেলিয়া দিতে- ছিলেন, এমন অপ্রত্যাশিত অবতনে তাঁহারা যেন এক সঙ্গেই আকাশ হইতে খসিয়া পড়িলেন !

প্রায় পঞ্চাশ বৎসরের পুরাতন আফিস ; বাবুদের অনেকেই এখানে পুরুষানুক্রমে কলমবাজী-স্বত্রে সুপ্রতিষ্ঠিত ছিলেন । দীর্ঘকালের সুদৃঢ় যোগসূত্র আজ এক কথায় ছিন্ন হইয়া গেল । অল্প কয়েক বৎসর হইল, এই আফিসের ডাইরেক্টর বাবুদের সুবিধার জন্য প্রতিভেণ্ড ফণ্ডের ব্যবস্থা করিয়াছিলেন । বর্তমানে তাহা অনেকটা কার্যকরী হইল । ফণ্ডের পাওনা টাকা ও তাহার সহিত এক মাসের মাহিনা অতিরিক্ত দিয়া বড় সাহেব মলিনমুখে গাঢ়স্বরে বাবুদের উদ্দেশ্যে জানাইলেন,—গুডবাই !

ক্লাইভ কোম্পানীর এই আকস্মিক তিরোধানে আফিস-অঞ্চলে চাঞ্চল্য উঠিল, সহরের পাড়ায় পাড়ায় এ সম্বন্ধে কয়েকদিন রীতিমত আলোচনাও চলিল । গঙ্গাধর গাঙ্গুলী ছিলেন এখানকার বড় চাকুরে ; মাসিক প্রায় দেড় শত টাকার চাকুরী খোয়াইয়া সর্বসমেত আড়াই হাজার টাকা লইয়া বাসায় যখন ফিরিলেন, তাহার আগেই পাড়া সরগরম হইয়া গিয়াছে । পাড়ার হিতৈষী-দল তাঁহার দুঃখে সমবেদনা জানাইয়া কহিলেন,—কি ক্ষতিটাই

তোমার হল ভায়া ! অত বড় পায়া, এতগুলো টাকা মাসকাবারে বাড়ীতে আনতে, এক দণ্ডেই সব একবারে খতম ! তবু মন্দের ভাল বলতে হবে যে, অতগুলো টাকা হাতিরে ফিরে এলে,—মাথা খেলিয়ে এগুলো খাটাতে পারলে আখেরের একটা হিল্লো হবারই কথা ।

হিন্দুদের গভীর সমবেদনায় সুর ও সেই সঙ্গে হিতোপদেশের ঈষৎ আভাস, প্রথমদিন এই পর্য্যন্তই পাওয়া গেল । তাহার পর টাকাগুলি খাটাইবার নানারূপ পরামর্শ নানাস্বত্রেই উপস্থিত হইয়া মর্ম্মাহত গঙ্গাধর গাঙ্গুলীকে অতিষ্ঠ করিয়া তুলিল ।

প্রলয় মিত্তির হাতীবাগানের এক নামজাদা রেস্‌বীর । বেকার প্রতিবেশীর শেষের সম্বলটি ঘোড়ার পিছনে লাগাইয়া ঘোড়ার গতিতে বিমুখ সোভাগ্যকে ফিরাইবার প্রচণ্ড পরামর্শ দিলেন । কহিলেন,—আড়াই হাজার যার পুঁজি, তার আবার ভাবনা কি ? একটা সীজনেই ঐ পুঁজী বিশ হাজারে যদি না তুলতে পারি, তাহলে হাতীবাগান থেকে হাটখোলা পর্য্যন্ত সারা পথ নাক দিয়ে খত কেটে যাব ।

প্রসাদ গুঁই এ অঞ্চলের এক জাঁদরের ন্যাট্য-ব্যবসায়ী । গঙ্গাধরের সোভাগ্যই হউক আর দুর্ভাগ্যই হউক, ইনিও তাঁহার প্রতিবেশী । বার তিনেক গণেশ উন্টাইয়া এখনও তিনি টাল সামলাইতে পারেন নাই, হাল খুঁজিতেছিলেন । বন্ধের একখানি পাসের সহিত তাঁহার তরফ হইতে প্রস্তাব আসিল,—টাকাটা আমার থিয়েটারে খাটুক গাঙ্গুলী, ঐটে জমা রেখে ফীমেল সীটটার ভার নাও,—পাঁচ হাজার টাকা নিয়ে অ্যালেন ব্রাদার্স সাধাসাধি

করছে, তুমি হচ্ছে পাড়াপ্রতিবেশী, তাই তোমাকেই এ চান্স দিচ্ছি। এক বছরে লাল হয়ে যাবে।

বরদা বক্সী তরুণ সাহিত্যিক, গঙ্গাধরের বাসার গায়েই তাঁহার 'বাহাদুরী' পত্রিকার আফিস। বক্সী একাধারেই বাহাদুরীর সম্পাদক, স্বত্বাধিকারী, হিসাবরক্ষক, কেরাণী ও প্রফ-রীডার ; নিজে এতগুলি ভার একা বহন করিয়াও গ্রাহক হইবার ভারটি চাপাইয়াছিলেন দেশের দশজনের উপর, সুতরাং বাহাদুরীর আর্থিক দুর্দশার অন্ত নাই। কার্তিকের সংখ্যাখানি মাঘ মাসের মাঝামাঝি বাহির করিয়া প্রেসের বিলের চাপে বরদা বক্সীর যখন সঙ্গীন অবস্থা, তখন তিনি উৎকর্ণ হইয়া শুনিলেন, চাকরী চারাইয়া তাঁহার প্রতিবেশী শেষের সম্মল হাজার আড়াই টাকা লইয়া ভাগ্যপরীক্ষায় বন্ধপরিষ্কার এবং একাধিক পরীক্ষক তাহাকে উপযুক্ত পথ বাতলাইতে উমেদারী আরম্ভ করিয়াছে। বরদাও সে সুযোগ ছাড়িতে পারিলেন না, গাঙ্গুলীকে বাহাদুরীর নূতন পুরাতন সংখ্যাগুলি উপহার দিয়া কহিলেন,— টাকাটা আপনি বাহাদুরীর সেবায় ইন্ভেস্ট করুন, কভারের ওপরেই আমরা আপনার নাম বড় বড় হরফে পরিচালক বলে ছাপাবো, এক মাসেই আপনি বিখ্যাত হয়ে পড়বেন ; পরের চাকরী ত করলেন এতকাল, এবার করুন সত্যকার কাজ—বাণীর পূজা, দেশের সেবা, দেশের কল্যাণ। তারপর, বাহাদুরী একবার যদি রেগুলার হয়ে যায়—ঠিক মাসে মাসে বেরোয়, তখন এর পয়সা খায় কে ?

গঙ্গাধরের তখন সসেমিরে অবস্থা ; প্রত্যেক হিতৈষীর কথাই স্থির হইয়া শুনেন এবং মৃদুকণ্ঠে বলেন,— আচ্ছা ভেবে দেখি। যা হোক একটা করতে হবে বৈকি।

কিন্তু কি যে তিনি করিবেন, কোন্ পথ ধরিয়া অগ্রসর হইবেন, তাহা বিরলে ঘণ্টার পর ঘণ্টা ভাবিয়াও স্থির করিতে পারিলেন না। তিন হিতৈষীর ত্রিবিধ নির্দেশ তাঁহার মর্ষ-স্পর্শ করিলেও, মর্ষের মধ্য হইতে কোনও সাড়া আসিল না।

এই সময়ে সহধর্মিণী অন্নপূর্ণা দেবী চিন্তামগ্ন স্বামীর সম্মুখে আসিয়া কহিলেন,—অনেকেই ত অনেক কিছু করতে বলছে, আমার একটা কথা শুনবে ?

গন্ধাধর চমকিয়া উঠিলেন। পত্নীর মুখখানির উপর বদ্ধদৃষ্টিতে চাহিয়া কহিলেন,—সত্যি, তোমাকে ত কোন কথাই জিজ্ঞাসা করি নি,—একাই হাবুডুবু খাচ্ছি ভাবনার তুফানে পড়ে’, অথচ তার অংশ নিতে যোগ্য লোকই রয়েছেন পাশে।

অন্নপূর্ণা কহিলেন,—চাকরী হারিয়ে তুমি নিজেকেই হারিয়ে ফেলেছ যে! ক’দিনেই এই অবস্থা, এর পরে কি হবে, তা ভাবতেও ভয় হয়; তাই আর চুপ করে’ থাকতে পারলুম না।

গন্ধাধর অর্থপূর্ণ নয়নে চাহিয়া প্রশ্ন করিলেন,—তুমি এখন কি করতে চাও ?

অন্নপূর্ণা কহিলেন,—তোমাকে নিয়ে এখান থেকে পালাতে চাই।

—এ কথার মানে ?

—মানুষের মন যখন ভেঙে যায়, তখন সেই ভাঙা জায়গাটি দিয়ে কত রকমের ভূত কত ছলেই সেখানে আনাগোনা করে। কেউ ধরিয়ে না দিলে মনের মালিক তাদের সত্যিকার রূপ জানতে পারে না। মাস গেলে দেড়শো টাকা তুমি ঘরে আনতে, এ-বাজারে

এ রকম চাকরী আর জুটবে না তা তুমি বেশ বুঝছো ; কাজেই শেষের যে সম্বলটুকু হাতে আছে, তাই নিয়ে তুমি ভাগ্য ফেরাবে মনে করেছ । কিন্তু এ তোমার মস্ত ভুল,—এ পথে যদি তুমি পা বাড়াও, তা'হলে শেষে সর্ব্বশ্ব খুইয়ে রাস্তায় গিয়ে দাঁড়াতে হবে ।

—তা'হলে তুমি কি করতে বল ? একটা উপায় ত কিছু করতে হবে । দু'বেলায় বিশখানা পাতা পড়ে, তার যোগাড় হবে কি করে ? পুঁজি ভেঙে খেলেই বা চলবে কত দিন ?

—কিন্তু পুঁজির ঐ টাকা কটা নিয়ে ছিনিমিনি খেললেই কি স্ত্রীদিন ফিরে আসবে ?

—বেশ ত গো, তুমিই না হয় একটা উপায় বাতলে দাও ।

অন্নপূর্ণা এবার যত্ন হাসিয়া কাহলেন,—আমার কি এমন বিচারুদ্ধি যে, এত বড় ব্যাপারে উপায় বলে' দিতে পারি ? তবে একটা কথা এই, তুমি ত জানই, দুপুরবেলা কাগজ পড়া আমার একটা বাতিক । আজ আমরা যে অবস্থায় পড়েছি, সহরের বোধ হয় অর্দ্ধেক লোকের অবস্থাই এই ; এ সময়ে আমাদের কি করা উচিত, এ সম্বন্ধে একখানা কাগজে ক'মাস ধবে যে সব কথা ব্যক্ত দিয়ে লিখ্ছে, আমি সেগুলো পড়েছি ; এতবার পড়েছি যে মুখস্থ হয়ে গেছে ; তুমি যদি ঘণ্টাখানেক সময় দাও—তোমাকে সেগুলো পড়ে' শুনাই !

গন্ধাধর মুখখানি সহসা বিকৃত করিয়া কহিলেন,—তবেই হয়েছে ? কাগজের প্রবন্ধ প'ড়ে, তা' থেকে কেউ কোন উপায় বেছে নিয়েছে, এ পর্য্যন্ত ত কখনও শুনিনি !

অন্নপূর্ণা বিজ্রপের সুরে কথাটার উত্তর দিল,—তার কারণ,

কাগজ হাতে পেলে বেছে বেছে তারা গল্পই পড়ে, গল্পের বাইরেও যে গল্পের চেয়ে মনোরম কিছু আছে, সে সন্ধান ত তারা রাখে না। এখন আমার প্রার্থনাটুকু শোনা হোক,—ঘণ্টার পর ঘণ্টা নিষ্ফল ভাবনায় ত কাটিয়েছ, না হয় একটি ঘণ্টা এই ব্যাগারটুকুই দিলে!

গঙ্গাধর মূহ হাসিয়া সম্মতি দিলেন,—তোমার প্রার্থনাই মঞ্জুর, আর্জি তা'হলে পেশ কর।

অন্নপূর্ণা কাপড়ের ভিতর হইতে পত্রিকাখানি বাহির করিয়া চিহ্নিত প্রবন্ধটি পড়িতে বসিল।

* * * * *

প্রবন্ধ পড়া শেষ হইলে গঙ্গাধর সহসা প্রশ্ন করিলেন,—প্রবন্ধলেখকের মত তোমারও কি এই মত—সহরের সংস্পর্গ ছেড়ে আমাদের পাড়াগাঁয়ে ফিরে যাওয়া উচিত?

অন্নপূর্ণা বেশ সহজ ভাবেই উত্তর দিলেন,—এই মত যদি আমার না হবে, তা'হলে এমন যত্ন করে' কাগজখানা কাছে রাখতুম, না এত সাধ্য-সাধনা করে' এ প্রবন্ধ তোমাকে শোনাতুম?

—ভাল ক'রে সুবিধে অসুবিধের কথা সব ভেবে দেখেছ?

—মেয়েরা সেগুলো আগেই না ভেবে কিছুতেই পা বাড়াতে চায় না।

—এখানকার যে সব সুখ-সুবিধে অভ্যস্ত হয়ে গেছে, একটানা প্রায় বিশ বছর যেগুলো আমাদের আচার ব্যবহারে জড়িয়ে রয়েছে, তাদের মোহ কাটাতে পারবে? ধর, এখানে কল ঘুরলেই পাও তোফা জল; বোতাম টিপলেই জলে ওঠে বিজলীর আলো, একটা টাকা নিয়ে বেরুলে দোতলা বাসে চেপে

সপরিবারে ঘণ্টাখানেকের মধ্যে কালীঘাট ঘুরে আসা যায় ; পথ-ঘাট, ট্রাম-বাস, বাজার, খাবার, বায়স্কোপ, থিয়েটার—এসব উপভোগ করবার এমন সুযোগ,—কস্মিন্‌কালেও তোমার পাড়া-গাঁয়ে পাবে ?

অন্নপূর্ণা স্থির হইয়া স্বামীর কথাগুলি শুনিলেন, তাহার পর আন্তে আন্তে মর্ম্মস্পর্শী স্বরে কহিলেন,—বাবা চোখ বুজবার পরেই ত ভীটে ছেড়ে সহরে এসে আমরা সংসার পেতেছি । কিন্তু আখেরের কি করতে পেরেছি বলত ? ভাল খেয়েচি পরেছি ; আজ থিয়েটার, কাল বায়স্কোপ, পরশু চিড়িয়াখানা—এই সব সখ মিটিয়ে ভেবে এসেছি বরাবর—আমরা কি সুখী ! যে টাকাগুলো বাড়ী ভাড়ার বাবদে দিয়েছি, দেশে থাকলে তাতে একখানা ইমারত তৈরী হত, যে সব টাকা বাজে খরচ করেছি—সে সব নিয়ে দেশে কত জমি-জেরাত করা যেত । আজ এমন করে ভাতের ভাবনা ভাবতে হত না । না বুঝে তখন যে পাপ করেছি, তারই প্রায়শ্চিত্ত করবার দিন এবার এসেছে । সহরের মোহ ছেড়ে পাড়াগাঁয়ের সমস্ত অসুবিধাকেই ভগবানের নির্দেশ বলে মেনে নিতে হবে ।

গঙ্গাধর স্তব্ধ বিষ্ময়ে স্ত্রীর উৎসাহ-উজ্জ্বল মুখখানির দিকে চাহিয়া তাঁহার যুক্তিপূর্ণ কথাগুলি শুনিতেছিলেন, এবার কহিলেন,—তুমি আমি না হয় মেনে নিলুম, কিন্তু তোমার ছেলে মেয়েরা ?

অন্নপূর্ণার চক্ষু দীপ্ত হইয়া উঠিল, দৃঢ়স্বরে উত্তর দিলেন,—তাদের মাথাও ত আমরা গোড়া থেকেই বিগড়ে দিয়েছি ; পথ চিনে ধাপে ধাপে উঠতে দিই নি, মাথায় তুলে নাচিয়েছি বরাবর । আবার

তাদের গোড়ার দিকে ফিরিয়ে নিয়ে যেতে হবে, হামাগুড়ি দেওয়া থেকে নতুন ক'রে তাদের শেখাতে হবে সব। তুমি না পার, আমিই বুঝিয়ে দেব ছেলেমেয়ে সকলকে—ভুল করে' আমরা বিপথে এসেছি, এবার ফিরতে হবে, তোমরাও ফিরে চলো ।

বিশ্বয়ের উপর বিশ্বয়ের সঞ্চার! অভিভূতের মত গঙ্গাধর গাঢ়স্বরে কহিলেন,—এর ওপর আর কথা চলে না ; এখন আমার কি মনে হচ্ছে জান?—ভগবান তোমাকেই দিয়েছেন পথের সন্ধান ; এখন আমাদের কর্তব্য হচ্ছে—অন্ধের মত তোমার অনুসরণ করা । সহরের আলো থেকে পল্লীর অন্ধকারেই যদি তুমি আমাদের নিয়ে যেতে চাও, তাতেও আমাদের দ্বিধা নেই ।

অন্নপূর্ণা পরিপূর্ণ দৃষ্টিতে স্বামীর মুখের দিকে চাহিয়া স্নিগ্ধ কণ্ঠে কহিলেন,—যে আলোয় হাজারের মনের অন্ধকার যুচে যায়, সে কি শুধু সহরেই? প্রদীপের ওপরে যেমন আলো, নীচে তেমনই অন্ধকার । এখনও কি বুঝতে পারনি, সহরের এই উজ্জ্বল আলোর পেছনে কি রকম অন্ধকার গাঢ় হয়ে রয়েছে !

দুই

তিন বৎসর পরের কথা ।

কলিকাতার বাহিরে, প্রায় বাইশ মাইল দূরে মউখালী মৌজা । আশে পাশে এগারোখানি গওগ্রামের সংযোগে এই প্রসিদ্ধ মৌজাটি গঠিত এবং শিয়ালদহের স্বনামধন্য ধনী চৌধুরী বাবুদের বিশাল জমিদারীর অন্তর্ভুক্ত । জমিদারের সহিত প্রজাদের সাক্ষাৎ সম্বন্ধ

কোনও দিনই নাই, জমিদারের প্রতিনিধি মউখালী কাছারীর নায়েব রামেশ্বর রায় মহাশয় জমির খাজনা ও জমিদারের সম্মান দুইটিই বরাবর অথও প্রতাপের সহিত আদায় করিয়া আসিতেছেন। প্রজার সহিত এই জমিদার-সরকারের যোগসূত্রের মূলে দেখা যায়, কিস্তী অনুসারে খাজনার টাকা মায় জলকর, পথকর, পেথেলী, হিসেবানা প্রভৃতি প্রজাপক্ষের যেমন অবশ্য দেয়, পক্ষান্তরে ক্রিয়াকর্ম উপলক্ষে নির্দ্ধারিত মাথট ও মারচা খাজনার মতই অপরিহার্য। জমিদার-বাড়ীর পূজাপার্বন বা কাজকর্মে প্রজাদিগকে সহায়তা-সূত্রে 'মাথট' দিতে হয় এবং প্রজাদের পারিবারিক কাজকর্মেও নজরানা-স্বরূপ মারচা দাখিল করিয়া ধন্য হইতে হয়। জমিদার-সরকারের সেরেস্তায় এবং জমিদারীর প্রজাদের জীবনযাত্রায় সুপরিচিত এই মাথট ও মারচার বাজে আদায় নৈবেদ্যের চূড়ায় জোড়া মণ্ডার মত মহালের হস্তবুদের মর্গ্যাদা বাড়াইয়া দিলেও, যাহারা নির্ধিচারাে ইহা সরবরাহ করিত, তাহাদের কোনও রূপ দায়-দফায় সহায়তায় প্রযোজন অথবা জমির উন্নতিসূত্রে আবেদন জমিদারের আগ্রহকে কোনও দিন আকর্ষণ করিতে পারে নাই। যে জমির উপসব্ব হইতে সহরবাসী জমিদারের দেশব্যাপী প্রতিষ্ঠা ও অসামান্য রাজগী, সেই জমিকেই উপেক্ষা করিয়া নান কিনিতে দেশে বিদেশে তাঁহার দানের কি ঘট! তাঁহার বিশাল জমিদারীর সুদীর্ঘ সদর রাস্তাটি পাকা হইবার অবকাশ পায় নাই, মউখালীর অধিবাসীরা চাঁদার খাতা খুলিয়াও ডিষ্ট্রিক্ট বোর্ডের ক্ষুধা মিটাইতে পারে নাই, বাটতি টাকার জন্য সদরের সেরেস্তায় দরখাস্ত পাঠাইয়া প্রজাগণ যখন সাগ্রহে উত্তর প্রতীক্ষা করিতেছিল, তখন তাহারা একদিন

খবরের কাগজে পড়িল—তাহাদের দান-বীর ভূস্বামী বিক্রাচলের পাহাড়ের উপর এক সুগম রাস্তা বানাইবার জন্ত সেখানকার ডিষ্ট্রিক্ট বোর্ডের হাতে সাত হাজার টাকা দান করিয়া নাম কিনিয়াছেন!—এদিকে হাজার টাকার অভাবে তাঁহার নিজের জমিদারীর রাস্তা কাঁচাই রহিয়া গেল!

জমিদার ভাবিয়াছিলেন, তাঁহার শোষণ-শকটের চাকাগুলি বাধা না পাইয়া চিরদিনই সমান গতিতে চলিবে এবং জমিদারীর প্রজাগণ নিরুত্তরে তাহার রক্তে তৈল যোগাইবে! বিশ্বব্যাপী পরিবর্তনের ধারা—সর্বত্রই জনসাধারণের জাগরণের জীবন্ত সাড়া, তাঁহার চিন্তে শিহরণ তুলে নাই, ইহাই আশ্চর্য্য।

সহসা একদিন চাকা বন্ধ হইয়া গেল। জমিদারের পোলের অন্নপ্রাশন; সদর হইতে নায়েবের নামে হজুরের স্বাক্ষরিত পরোয়ানা আসিল। তদনুসারে মহালের প্রজাদের নামে নায়েবের হুকুম জারী হইল—সাতদিনের মধ্যে মাথটের টাকা এবং সেই সঙ্গে কলাপাতা ও ক্ষেতের তরিতরকারী কাছারী বাড়ীতে দাখিল করা চাই।

অন্যান্য বার এই জাতীয় অমুঠানে প্রজারা পরমোৎসাহে কোমর বাধিয়া হুকুম তামিল করিতে ছুটিত; কিন্তু এবার কাহারও এ সম্বন্ধে কোনও সাড়া প্ৰাওয়া গেল না। নায়েব মহাশয় উদ্বিগ্ন হইয়া উঠিলেন, অন্নপ্রাশনের দিন আসন্ন, অথচ এ পর্য্যন্ত কিছুই আদায় নাই।

আরও বিশ্বয়ের বিষয়, পুত্রকন্যাদের বিবাহাদি সূত্রে জমিদারের প্রাপ্য মারচার টাকার আদানীও ইদানীং সহসা বন্ধ হইয়া

গিয়াছে ! অথচ, নায়েব নানাশুভ্রেই জানিতে পারিয়াছেন, মহালের মধ্যে অনেকগুলি বিবাহ সম্প্রতি ভালোভাবেই সম্পন্ন হইয়াছে । কিন্তু কোনও স্থান হইতেই বিবাহের পূর্বে পান-সুপারীসহ কেহই জমিদার প্রতিনিধির অনুমতি লইতে আসে নাই এবং বিবাহের পরে যথারীতি মারচার টাকাও দাখিল করে নাই । ইহা ত শুভ লক্ষণ নহে । নায়েবের ললাটে চিন্তার রেখা পড়িল, ক্রমশঃ কুঞ্চিত হইয়া উঠিল । মারচা ও মাথটের তাগিদ দিতে গ্রামে গ্রামে পাইক ছুটিল ।

কিন্তু তাহারা যে সংবাদ সংগ্রহ করিয়া ফিরিয়া আসিল, তাহা যেমন নির্ধাত, তেমনই চমকপ্রদ । প্রজারা একবাক্যে জবাব দিয়াছে—টাকা আদায় করা ছাড়া জমিদারীর প্রজাদের সঙ্গে জমিদারের যখন আর কোনও সম্বন্ধ নাই, তখন প্রজারাও খাজনার টাকা ছাড়া আর কোন বাবদে একটি পাই-পয়সাও বাজে আদায় দিবে না ।

সেই দিনই নায়েবের এক সুদীর্ঘ আজ্ঞী লইয়া সদরে কাছারীর পিয়াদা রওয়ানা হইয়া গেল, পরদিনই সদর নায়েব কতিপয় আমলা ও বরকন্দাজসহ মউখালীর কাছারীতে আসিয়া উপস্থিত হইলেন । —এই মহালের অধিকাংশ প্রজাই কৃষিজীবী ও নিরক্ষর, ভূস্বামীর প্রতি চিরদিনই তাহারা শ্রদ্ধাশীল, এ পর্য্যন্ত নতমস্তকে নির্বিচাবে তাহারা জমিদারের হুকুম আইনের মত মানিয়া আসিয়াছে ; প্রবলপ্রতাপালী কুবেরতুল্য ধনী সহরবাসী জমিদারের বিরুদ্ধাচারী হইবার স্পর্ধাও ইহারা কোনও দিন করে নাই ; তবে, সহসা তাহারা এভাবে ঐক্যবদ্ধ হইয়া জমিদারের আদেশ অগ্রাহ করিল

কেন? ইহার মূলতত্ত্ব-নির্ণয়ের জন্তই সদর হইতে উক্তন কর্মচারীদের আগমন।

কয়েকদিন অবস্থিতি করিয়া ও মহালে মহালে ঘুরিয়া নানা-প্রকার সংবাদ লইয়া কর্মচারিগণ সদরে ফিরিয়া গেলেন ও হুজুরের নিকট যে রিপোর্ট দাখিল করিলেন, তাহার মর্ম এইরূপ—

গঙ্গাধর গাঙ্গুলী নামে এক ব্যক্তি কলিকাতায় থাকিয়া সাহেবের আফিসে মোটা মাহিনার চাকুরী করিত। আফিস উঠিয়া গেলে, সেই লোক মউখালী গ্রামে আসিয়া বসবাস আরম্ভ করে। এই গ্রামেই তাহার পৈতৃক ব্রহ্মোত্তর ভদ্রাসন ও কিছু জমিজমা ছিল। গ্রামে আসিয়া সেইগুলি সংস্কার করাইয়া এবং হুজুরের সরকার হইতে তিন বন্দে প্রায় পঞ্চাশ বিঘা অনাবাদী পতিত জমি ও একবন্দে একুশ বিঘা আন্দাজ এক বাজে জঙ্গল অগ্রিম কিছু সেলামী দিয়া অতি অল্পহারে মোরসী মোকররী সত্তে জমা করিয়া লয়। উক্ত পতিত জমি ও জঙ্গল বহুকাল ধরিয়া পতিত অবস্থায় থাকিয়া গ্রামের আতঙ্ক ও আবর্জনা স্বরূপ হইয়াছিল। পতিত জমিতে বর্ষার জল জমিত এবং বর্ষার পর সেই জল পচিয়া চতুর্দিকে দুর্গন্ধ বিস্তার করিত। পল্লীবাসীরা যত কিছু আবর্জনা তাহাতেই ফেলিত ও মলমূত্র ত্যাগ করিয়া ইহার কদর্যতা বাড়াইয়া তুলিত। পতিত জঙ্গলটি যদিও আয়তনে খুবই বৃহৎ ছিল, কিন্তু তাহার সর্বাংশ ব্যাপিয়া কণ্টকময় হেতালগুন্ম ভিন্ন অন্য কোনও গাছপালার চিহ্নও দেখা যাইত না। এই দুর্গম কাঁটাবন কাহারও কোনও উপকারে আসে নাই, বরং নানাজাতীয় বিষধর সাপের আশ্রয়স্থল হইয়া আতঙ্কের সৃষ্টি করিয়াছিল। এই

সকল জমি হইতে হুজুরের সেরেস্ভায় একটি পাই-পয়সাও কোনও দিন আমদানী হয় নাই। উক্ত গঙ্গাধর গাঙ্গুলী কিছু সেলামী ও বিধাপ্রতি খাজনার আট আনা বার্ষিক নিরিখ দিয়া যখন ঐ কয় বন্দ জমি বন্দোবস্ত করিয়া লয়, তখন মউখালীর প্রজারা তাহাকে পাগল সাব্যস্ত করিয়াছিল, যাহারা হিতৈষী ছিল, তাহারা বাধা দিয়াছিল এবং হুজুরের সেরেস্ভার কর্মচারীরা মনে মনে লাভ খতাইয়া হাসিয়াছিলেন। কিন্তু উক্ত গঙ্গাধর গাঙ্গুলী আধুনিক উন্নত প্রণালীতে উক্ত পতিত জমির সংস্কার ও বিশাল জল পরিষ্কার করাইয়া আজ সেখানে সোণা ফলাইয়া সকলকে অবাক করিয়া দিয়াছে।

এ অঞ্চলের প্রজারা চিরদিন গতানুগতিক প্রথায় চাম-আবাদ করিয়া আসিয়াছে। বৎসরের পর বৎসর জমির উৎপন্ন ফালের হার হ্রাস পাইতেছে কেন, সে সম্বন্ধে এ পর্য্যন্ত কেহ কোনও উপায় নির্দ্ধারণ করিতে পারে নাই বা চেষ্টাও পায় নাই। আকাশের দিকে তাকাইয়া ও অদৃষ্টের দোহাই দিয়া তাহারা এতদিন চাম আবাদ করিয়া আসিয়াছে। আকাশে জল না হইলে তাহারা দাঁড়াইয়া দাঁড়াইয়া সস্তান-তুল্য শস্যগাছগুলির অকাল মৃত্যু যেমন দেখে, তেমনই আত-বর্ষণে ক্ষেত্র পরিপ্লাবিত হইলে সেই ভাবে দীর্ঘনিশ্বাস ফেলে। কিন্তু উক্ত গঙ্গাধর গাঙ্গুলী বর্তমানে নিজে আদর্শ হইয়া চাষীদের ভুল ভাঙিয়া দিয়াছে। পতিত জমিকে এ অঞ্চলের শ্রেষ্ঠ আবাদী জমিতে পরিণত করায় এবং কণ্টকাকীর্ণ হেতাল বন পোড়াইয়া তাহাতে নানাবিধ তবিতরকারী উৎপন্ন করিয়া লাভবান হওয়ায়, মহালে মহালে তাহার নাম প্রচার হইয়া

গিয়াছে ও দলে দলে চাষীরা আসিয়া তাহাকে গুরু বলিয়া মানিয়া লইয়াছে।

শুনা যাইতেছে, উক্ত গঙ্গাধর গাঙ্গুলী কৃষি-কার্যে যে সকল পদ্ধতি অবলম্বন করিয়াছে, তাহাতে জমির উৎপাদিকা শক্তি বাড়িয়াছে ও ফসলের প্রাচুর্য্যে প্রজাদের অবস্থা ফিরিয়াছে। বর্তমানে উক্ত গঙ্গাধর গাঙ্গুলী হুজুরের তালুকের এলাকাধীন এগারোখানি গ্রামের প্রজা সকলের নেতৃস্থানীয় হইয়া সর্ব-সাধারণকে সম্ববদ্ধ করিয়াছে। উপস্থিত তাহারা অনাবৃষ্টি ও অতি বৃষ্টির প্রভাব হইতে চামের জমি রক্ষা করিবার জন্য এক বহু-ব্যয়সাধ্য কাজে হাত দিয়াছে। এক সময়ে যে বিখ্যাত খালটি নদী হইতে বাহির হইয়া হুজুরের তালুকাধীন গ্রাম গুলির পার্শ্ব দিয়া বহিয়া নদীর অপর শাখায় মিশিয়াছিল, সে খাল এখন মজিয়া গিয়াছে। সেই খালের কর এখনও প্রজারা বহন করে, কিন্তু তাহার জলেব চিকুও তাহারা দেখিতে পায় না। সেই খালের অংশ-বিশেষ অনেকের জমির সামীল হইয়া গিয়াছে, স্থানে স্থানে তাহার উপর ক্ষেত-খামার পর্য্যন্ত উঠিয়াছে। কিন্তু গঙ্গাধর গাঙ্গুলী প্রজাদের বুঝাইয়া দিয়াছে, এ দুদিনে মানুষের মত মাথা তুলিয়া বাঁচিয়া থাকিতে হইলে ও অজন্মার ভয় কাটাঠিয়া জমিকে বরাবর শস্য-শ্রামলা অবস্থায় দেখিবার সাধ থাকিলে এই মজা খাল কাটানো চাই-ই।—প্রজারা বেদ-বাক্যের মত ইহা মানিয়া লইয়াছে। হুজুরের সদর সেরেস্টায় এ সম্বন্ধে দরখাস্ত করিয়া কোনও ফল তাহারা পায় নাই। সেইজন্য তাহারা নিজেরাই এ কার্যে ব্রতী হইয়াছে। তাহারা স্থির করিয়াছে—খাজনা ও সেস্

ভিন্ন ভিন্ন কোনও বাবদে একটি পরসাত তাহারা হুজুরের সেবেস্তায় জমা দিবে না। তদন্তে ইহাও জানা গিয়াছে যে, আইনের দিক দিয়া পারিপার্শ্বিক আট-ঘাট বাধিয়াই এই সঙ্কল্প তাহারা দৃঢ় করিয়াছে। গঙ্গাধর গাঙ্গুলী স্বয়ং কলেজের সহিত সাক্ষাৎ করিয়া তাঁহারও সহানুভূতি আকর্ষণ করিতে পারিয়াছে। সুতবাং এ অবস্থায় হুজুরের পক্ষ হইতে 'অত্যন্ত সতর্কতার সহিত প্রতীকারের পস্থা অবলম্বন করা বিধেয়।

অন্নপ্রাশনের উৎসব-মুখরিত চৌধুরীবাগ্‌দেব বিশাল প্রাসাদের উপর অস্থিতর একটা ছায়া পড়িল। উৎসবেব পব হুজুরেব খাস কামবায় পরামর্শ-সভা বসিল, কর্তব্য সম্বন্ধে অনেক আলোচনা হইল। আমলাদের ইচ্ছা, মামলাব বেড়াঙ্গাল ফেলিয়া মহালেব মাওনব প্রজাপুলাকে আগে নাস্তানাবুদ করা এবং খাস দখলেব 'অজুহাতে গঙ্গাধর গাঙ্গুলীর জমি জমাব উপব হানা দেওয়া। কিন্তু জমিদার সেবেস্তাব বেতনভোগী উকীল জানাইলেন, এ কাযে অর্থব্যয় কবিয়া প্রজাপক্ষকে হাববাণ করা ভিন্ন কোনও লাভ নাই। ফৌজদারীর দিক দিয়া সুবিধা ছিল, কিন্তু প্রজার সে পথ বাধিয়া ফেলিয়াছে। বিশেষতঃ, পল্লী-সংস্কারেব দিকে জেলার কলেজের ভাবী ঝোক, বিভাগের কমিশনার সাহেবও এব জন্ত পাগল। এক চুল এদিক ওদিক হইলেই তখন সর্দনাশ। তা ছাড়া, জমি, জমা, জমিদার নিয়ে কাউন্সিলেও সে সব রেজলিউশ্বন চলিয়াছে, এ অবস্থায় প্রজাদেব সঙ্গে মিটমাট করাই ভাল। সমস্ত প্রজার সঙ্গে লড়াই কোনও জমিদারের পক্ষে কখনই খ্যাতির কথা নয়।

জমিদার দীর্ঘ-নিশ্বাস ফেলিয়া বলিলেন,—আশ্চর্য্য, একটা লোক আমার জমিদারীতে ঢুকলো সূঁচ হয়ে, আজ সে ফাল হয়ে উঠেছে মাথা তুলে ! একটা মানুষ এত বড় কাণ্ড একটা বাধিয়ে দিলে !

জমিদার চৌধুরী মহাশয়ের তরুণ পুত্রও কোতৃঙ্গলের বশবর্তী হইয়া এই কামরায় আসিয়াছিলেন, তিনি সহসা বলিয়া উঠিলেন— একটা মানুষেই সব জাঘগাঘ যা কিছু অদ্ভুত কাণ্ড বাধায় ! একটা দেশক্ষুই একদিন সাবা বাঙ্গালা দেশকে ফেপিয়ে তুলেছিল, একটা হিটলার আজ গোটা জার্মানীর হয়ে সাবা বিশ্বটাকে কাপিয়ে তুলেছে !

পুত্রের আরক্ত মুখের দিকে বক্রদৃষ্টিতে চাহিয়া চৌধুরী মহাশয় মৃদুকণ্ঠে রায় প্রকাশ করিলেন—আচ্ছা, সব ত শোনা গেল, ব্যবস্থা বা করবার পথে দেখা যাবে ।

সভা-ভঙ্গ হইল । আমলাবা অবাক্, এত বড় সঙ্গীন ব্যাপারে তাহাদের প্রবল প্রতাপান্বিত হুজুরকে এ ভাবে বাব প্রকাশ করিতে তাহারা এই প্রথম দেখিল ।

তিন

মউখালীর শেষপ্রান্তে কাচা রাস্তাটির গায়েই একখানি পরিপাটি ভদ্রাসন । সরকারী বাঙলোব সম্মুখে সুবিস্তৃত খোলা হাতার মত বিশাল খামার বা অঙ্গনভূমি । তাহার একদিকে সারি সারি অনেকগুলি বিচালীর গান্ধা মরায়ের মত শোভা পাইতেছে । অন্যদিকে ক্ষেতের উৎপন্ন নানাবিধ কলাই শুপীকৃত

হইয়া রৌদ্রশুক হইতেছে। মধ্যস্থলে পরিকৃত স্তম্ভমতল স্থল। এই স্থানে পাটা ফেলিয়া হেমন্তে ক্ষেতের ধান ঝাড়া হইয়া থাকে, কলাইগুলি শুক হইলে এই স্থলে ফেলিয়া বলদ দ্বারা পৃষ্ট কবিয়া ভূষী হইতে শস্য সংগৃহীত হয়।

খামাবের পবেহ সুদীর্ঘ গোশালা, মাটির দেওয়ালের উপর গোয়ালপাতায় ছাওয়া চানা। একদিকে গাণ্ডী ও অন্নদিকে বলদের স্থান। গাই ও বলদগুলির পাবেচর্য্যার নানা নিদর্শন বিদ্যমান।

খামাব ও গোশাল অতিক্রম করিলেই পল্লী-স্বপতির বৈশিষ্ট্য বাঙ্গালীর চিরপরিচিৎ আদর্শ চণ্ডীমণ্ডপটি ছবির মত চক্ষুকে চমৎকৃত করে। এক সঙ্গে দুই শত নবনারী এই বিশাল মণ্ডপের বিভিন্ন অংশে আশ্রয় গ্রহণ করিতে পারেন—এমনভাবে ইহা প্রস্তুত। অথচ ইহাৰ সহিত ইটের কোনও সংশ্রবই নাই, মাটির দেওয়াল, শালের খুঁটি, বাঁশের চানা ও তাহাৰ উপর পর্ণের স্থল আচ্ছাদনী। বৈশ্ব্যের প্রভাবমুক্ত হইয়াও ইহাৰ সৃষ্ট সৌন্দর্য্য অপবিসীম।

চণ্ডীমণ্ডপের সম্মুখেই খোলা ময়দানে পবম স্তম্ভের পুষ্পোদ্যান কত বকমের ফুল ফুটিয়াছে, ফটনোন্মথ কত ফুল গাছেৰ শোভা বাড়াইয়া তুলিয়াছে। চণ্ডীমণ্ডপের পবেই বসতবাটী। প্রশস্ত উঠান, উঠানের বিভিন্নদিকে কতিপয় মবাই, একদিকে বন্ধনশালা, অন্নদিকে ঢেঁকির চানা; পুৰাতন আমোলের কয়েকখানি ইটের ঘর ও দবদালান, দালানের সম্মুখে সোপানসম্বিত টানা বক বা দাওয়া। এইটি সম্প্রতি নূতন প্রস্তুত হইয়াছে ও রক্তবর্ণের সিমেন্টের দ্বারা স্নানার্জিত। ঘরগুলির দ্বাৰ ও জানালা পূৰ্বে

ছোট ছিল, সেগুলি পরিবর্তন পূর্নক বড় করাইয়া লওয়া হইয়াছে, দক্ষিণ খোলা থাকার আলো ও বাতাসের প্রচুর সমাবেশ।

বসন্ত-বাড়ীর পশ্চাতেই সুবৃহৎ পুষ্করিণী ; কাক চক্ষুর মত পরিষ্কার জল। পুষ্করিণীর তিন দিকেই ফল ও তরি-তরকাবীর বাগান ; নানা জাতীয় মাছের অবিরাম ক্রীড়ায় পুষ্করিণীর গভীর জল সর্বদাই চঞ্চল।

গৃহপালিত গাভীর তৃষ্ণ, পুষ্করিণীর মৎস্য, বাগানের টাটকা তরি-তরকাবী, ক্ষেতে উৎপন্ন দাত্তে প্রস্তুত পরিষ্কার ঢেঁকি ছাটা চাল, চাষের ডাল, যবের রত প্রভৃতি দুর্লভ দ্রব্যসম্মুখে এই ভদ্রাসনের যে ভাগ্যবান্ অধিবাসীরা যাবীন স্বচ্ছন্দ জীবনযাত্রা চলিয়াছে, তিনিই আমাদের পূর্নপরিচিত মহরবাসী ও ভূতপূর্ন চাকুরীজীবী গঙ্গাধর গাঙ্গুলী।

তিন বৎসরেই তাঁহার অকৃতি ও প্রকৃতির অদ্ভুত পরিবর্তন হইয়াছে। স্বাস্থ্যোজ্জ্বল সুন্দর দেহ, আনন্দ ও পবিত্রস্থির অপূর্ন বিকাশে মন নির্মল ও নির্দিকার। মহবের পারিপার্শ্বক আবেষ্টনে যে অকাল বার্কিক্য তাঁহার পশ্চাৎ পশ্চাৎ ঘুরিতেছিল, তাহার চক্ৰও আর দেখা যায় না। ছোট ছেলেবা গ্রামের স্কুলে পড়া শুনা করে। স্কুলের উপর গঙ্গাধর গাঙ্গুলীর দৃঢ় লক্ষ্য, শিক্ষক-গণ ছাত্রদের সম্বন্ধে সর্বদা সন্তোষ, পাঠ্যের সহিত কৃষি ও শিল্প এখানে শিক্ষার অন্তর্গত হইয়াছে। বড় বড় তিনটি ছেলে, শ্রীরামপুরের বয়ন বিদ্যালয়ে যোগদান করিয়াছে। গঙ্গাধর ও অন্নপূর্ণার ইচ্ছা, তাহারা কৃতবিদ্য হইয়া মউথালী গ্রামে তাঁতশাল খুলিবে, কুটীর-শিল্পের প্রতিষ্ঠা করিয়া এ অঞ্চলের অভাব যথাসাধ্য মোচন করিতে সচেষ্ট হইবে।

পরিষ্কার পরিচ্ছন্ন ঘরখানির ভিতর পিতলের সুদৃশ্য পিলসুজটির উপর প্রদীপের আলো জ্বলিতেছিল, গৃহে প্রস্তুত বিশুদ্ধ ধূপের ধোঁয়ায় ঘরখানি সুগন্ধে ভরপুর। পার্শ্বের ঘরে ছেলেরা পড়া লইয়া ব্যস্ত ; বাহিরের চণ্ডীমণ্ডপে উপদেশ-প্রত্যাশী প্রতিবেশীর দল সমবেত হইয়া মঞ্জলিণ বসাইয়া দিচ্ছে, কত প্রয়োজনীর বিবয়ের আলোচনায় তাহারা ব্যস্ত ! কিন্তু তাহার মধ্যেও সকলেই যেন পরম শ্রদ্ধেয় গাঙ্গুলী মহাশয়ের খড়মেব পরিচিত শব্দটি শুনিবাব জন্য উৎকর্ণ !

সুপরিচ্ছন্ন বড় ঘরখানির ভিতর প্রদীপটির সান্নিধ্যে বসিয়া স্বামি-স্ত্রীর গবেষণার অন্ত নাই। উভয়ের মিলিত মস্তিষ্ক হইতে যে সব নব নব তথ্য প্রসূত হয়, চণ্ডীমণ্ডপে সমবেত শিষ্যমণ্ডলী তাহা শুনিয়া সেই অনুসারে তাহাদের কার্য্যপদ্ধতি নির্দ্ধা হ করিয়া থাকে।

সে দিনের সিদ্ধান্তগুলি লিখিয়া লইয়া গাঙ্গুলী মহাশয় পত্নীর প্রতিভাপ্রদীপ্ত মুখখানির দিকে চাহিয়া বলিলেন—কলকেতার সেই দিনটির কথা আজ আমার হৃষ্ঠাৎ মনে পড়ে' গেল !

অন্নপূর্ণা নিরুত্তরে অর্থপূর্ণ দৃষ্টিতে স্বামীর মুখের দিকে চাহিলেন ; তাঁহার দৃষ্টিতে প্রশ্ন ব্যক্ত হইতেছিল।

গাঙ্গুলী মহাশয় সহাস্ত্রে কহিলেন—মনে নেই, সহরের আলো ছেড়ে, পাড়াগায়ের অন্ধকারে আস্তে আমি দ্বিধা করেছিলুম।

স্বামীর মুখের উপর স্নিগ্ধ দৃষ্টিতে চাহিয়া অন্নপূর্ণা দেবী মুহূর্ত্তবে উত্তর দিলেন—মনে আছে বৈকি, আমি তখন জোর করে'ই জানিয়েছিলুম, সহরের আলোর পেছনেই জমাট হয়ে রয়েছে গাঢ় অন্ধকার !

গাঙ্গুলী মহাশয় গাঢ়স্বরে কহিলেন,—তুমি সেদিন ঠিক কথাই বলেছিলে, সত্য অনুভূতির কথাই আমাকে জানিয়েছিলে ; এখন বুঝতে পেরেছি আমি—আলো কোথায়, সেখানে থাকলে কিছুতেই পথ খুঁজে পেতুম না কোনও দিন ।

স্বামীর কথায় মাধবী সহধর্মিণীর মুখখানি উজ্জ্বল হইয়া উঠিল, সঙ্গে সঙ্গে প্রদীপের শিখার দিকে ঠাতের একটি অঙ্গুলী তুলিয়া কহিলেন,—তা'হলে এই আলোই মনে ধবল শেষকালে ?

হাসি-মুখে গাঙ্গুলী মহাশয় উত্তর দিলেন—নিশ্চয়ই ; এই নিষ্ক আলোর ছটায় আমি প্রতি রাত্রেই তন্মগ হয়ে দেখি, যেন জননী বঙ্গলক্ষ্মী তাঁর শশ্যশ্যামলা সুন্দর অঞ্চলখানি ছড়িয়ে বাঙ্গালার এই পল্লী-অঞ্চল উজ্জ্বল করে দাঁড়িয়ে আছেন !

স্বামীর কথায় অন্নপূর্ণা দেবীর সুন্দর মুখখানিও উজ্জ্বল হইয়া উঠিল, দীর্ঘায়ত দুইটি চক্ষু তুলিয়া পবিত্র দৃষ্টিতে তিনি স্বামীর মুখের দিকে চাহিয়া রহিলেন ।

दुःखेर पाँचाली
ताव-बिलासौर

এক

কর্মজীবনে ভাগালক্ষ্মী যতটা প্রসন্ন হইয়াছিলেন, পারিবারিক জীবনযাত্রায় গৃহলক্ষ্মী লিলি ঠিক তাহার বিপরীত হইয়াই খৃষ্টবাহনের ক্ষুদ্র সংসারটিকে অশান্তিময় করিয়া তুলিয়াছিল।

খৃষ্টবাহনের পিতা বেভারেণ্ড রে বা রায এবং লিলির পিতা কাপ্তেন সেম্ বাঁ সোম চূনার ফোর্টের রেজিমেন্টের সংশ্রবে চূনারের অধিবাসী হইয়া পড়িয়াছিলেন। উভয়েই বাঙ্গালী খৃষ্টান, সমবয়সী, সৌন্দর্য ও ছিল পরস্পর অকৃত্রিম। পাশাপাশি দুইখানি বাংলোয় দুই বন্ধু বাসা পাতিয়াছিলেন। সে সময় যে সকল সরকারী কর্মচারী রেজিমেন্টের সংশ্রবে ওয়ারেন হেষ্টিংসের আমোলে নিশ্চিত প্রাসাদতুল্য বাংলোগুলিতে অধিষ্ঠিত হইয়া জীবনযাত্রা নির্বাহ করিতেছিলেন, তাঁহাদের সুখসমৃদ্ধির সীমা ছিল না। তার পর ভারত সরকার চূনার ফোর্টকে যুক্তপ্রদেশের বালক-অপরাধীদের চরিত্র-শোধনালয়ে পরিণত করিয়া, সামরিক শক্তিসস্তার ও রেজিমেন্ট উঠাইয়া লইয়া যান। অধিকাংশ অফিসারকে বাধা হইয়া পেন্সন্ লইতে হয়। চূনারের স্বাস্থ্য, জলবায়ু এবং স্বল্পব্যয়ে আহার্যের প্রচুর উপাদান সংগ্রহের সুযোগ, এই শ্রেণীর অফিসারদের এতই প্রলুব্ধ করিয়া তুলিয়াছিল যে, তাঁহারা পেন্সন্ প্রাপ্ত

হইয়া এই স্থানেই কায়েমীভাবে ঘর-সংসার পাতিয়া চুনারের 'বাসিন্দা' হইয়া পড়েন।

দুর্গের মধ্যে সেনাবারিকে সেনাদল থাকিলেও, বাহিরে, দুর্গের পাদদেশ হইতে লোয়ার লাইন পর্যন্ত সমস্ত স্থানেই শতাধিক বাংলায় রেজিমেন্টের অফিসারগণ বসবাস করিতেন। রেজিমেন্ট তুলিয়া লইবার পরেই সরকার বাংলাগুলি নীলামে বিক্রয় করিয়া দিলেন। স্থানীয় অর্থশালী মহাজনরাই অধিকাংশ বাংলা ক্রয় করেন। তবে পেন্সনারদের মধ্যে ঠাঁহাদের হাতে অর্থ ছিল, তাঁহাদের মধ্যে কেহ কেহ এ সুযোগ পরিত্যাগ করেন নাই।

রেভারেণ্ড রায় অত্যন্ত মিতব্যয়ী ও সঞ্চয়ী ছিলেন। তিনি জোড়া হাতা-সম্বিত একখান দুই মহলেব বড় বাংলা ক্রয় করিলেন। কাপ্তেন সোম. মোটা মাহিনা পাইলেও, কিছুই সঞ্চয় করিতে পারেন নাই, তিনি বন্ধু রায়ের ক্রীত বাংলোব একা এক সুবিধায় ভাড়া করিয়া কন্যা লিলিকে লইয়া উঠিলেন।

রেভারেণ্ড রায় ছিলেন যেমন মিতব্যয়ী ও সঞ্চয়ী, তাঁহার স্ত্রী অনুপমাও ছিলেন তেমনই আদর্শ গৃহিণী। একমাত্র পুত্র খুষ্টবাহনও সেই আদর্শে গঠিত হইয়াছিল। উপায়ক্ষম গৃহস্থানী মিতব্যয়ী এবং সহধর্মিণী সুগৃহিণী হইলে সে সংসারে যেমন বিশৃঙ্খলা আসে না, অভাবও কখনও আত্মপ্রকাশ করিবার অবকাশ পায় না। ফলে রেভারেণ্ড রায় কর্ম হইতে অবসর পাইয়াও সুবাবস্থায় ও অধাবসায়ের ফলে শত্রুই আঘ বড়াইয়া ফেলিলেন। কতিপয় পাথরের 'কোয়ার্টী' ইজারা লইয়া অল্প দিনের মধ্যেই তাহাতে শান্তবান্ হইয়া উঠিলেন। পূর্বে হইতেই তিনি পুত্র খুষ্টবাহনকে

কোয়ারীর কার্যে বিশেষজ্ঞগণের তত্ত্বাবধানে শিক্ষাধীন রাখিয়া-
ছিলেন। যথাসময় শিক্ষাপটু পুত্রকেও এই প্রচুর লাভজনক
প্রতিষ্ঠানে নিয়োজিত করিলেন। আয় প্রচুর হইলেও, তাঁহার
ক্ষুদ্র সংসারে ব্যয়ের পরিমাণ এত পরিমিত ছিল যে, তাহা
বাহাড়ঘরজনক না হইলেও, জীবনযাত্রার পক্ষে যেগুলি অপরিহার্য
ও স্বাস্থ্যপ্রদ, তাহার কোন অসচ্ছাবই ছিল না।

পক্ষান্তরে, কাপ্তেন সোম মাসিক পাঁচ শত টাকা পেন্সন
পাইয়াও প্রায় প্রতি মাসের শেষভাগে অভাবগ্রস্ত হইতেন। সময়
সময় তাঁহাকে বন্ধু রায়ের নিকটও হাত পাতিতে হইত। কাপ্তেন
সোম ছিলেন বিপ্লবীক,—সংসারে তাঁহার সুগৃহিণী বা সুপরি-
চালিকা কেহ না থাকায়, খরচের কোন বাধাধরা নিয়মও তাঁহার
ছিল না। পেন্সনের টাকা হাতে আসিবামাত্র পিতাপুত্রী উভয়েই
এমন বিশৃঙ্খলভাবে খরচের ঘটা আরম্ভ করিতেন যে, লোয়ার
নাহনের সর্বসাধারণ এ জন্ত কাপ্তেন সোমকে ‘নবাব সাহেব’ বলিয়া
অভিহত করিতেন। পিতা ও পুত্রীকে লইয়া সংসার হইলেও,
শোস্ত ছিল একটি পাল! তাহাদের মধ্যে খানসামা, খিৎমদাব,
বাবুর্চি, আয়া, হাস, মুর্গা, ময়ূর, পাখা, কুকুর, বিড়াল, হাঁস, গা,
খরগোস প্রভৃতি কিছুই অপ্রতুল ছিল না!

ভবিষ্যৎের বিধানে, অনুপনার অনিচ্ছাসত্ত্বেও, খুষ্টবাহনের
সহিত লিলির বিবাহ যথারীতি সম্পন্ন হইয়া গেল। যখন
এই বিবাহের প্রস্তাব উঠে, অনুপমা ওখনই আগাত্তি করিয়া
বলিয়াছিলেন—“লিলিকে বিয়ে করলে খুষ্ট কি সুখী হবে?
আমার ত তা মনে মনে হয় না। খুষ্ট আমাদের যেমন শান্ত

সং ছেলে, লিলি যে ঠিক তাৰ বিপৰীত। শুধু ৰূপ থাকলে কি হবে ?”

বেভাৰেণ্ড বায় পত্নী অনুপমাৰ কথাৰ হাসিয়া বলিয়াছিলে, “বৰাবৰ বাপেৰ আদৰে মানুহ হযেছে। মায়েৰ আদৰ বা শাসন কখন পায়নি ত। আমাৰ খুব বিশ্বাস আছে, তোমাৰ কাছে এলে, লিলিৰ বাপেৰ মত খামখেয়ালী স্বভাব বা যে দোষগুলি ওৰ আছে, সে সমস্তই চ’লে বাবে, তুমি ওকে নিজের মনের মতন ক’বে চালিয়ে নিতে পাববে বলাই—আমি এ বিবাহে মত দিয়েছি।”

কিন্তু অদৃষ্টেৰ চক্ৰে, অনুপমাৰ হাতে পাড়িয়া লিলিৰ উচ্ছৃঙ্খল প্রকৃতি পৰিবৰ্ত্তিত হহবাব আৰ অৰকাশ পাইল না। শুভ বিবাহেৰ ঠিক একুশ দিন গবেই লোয়াৰ লাহনে অকস্মাৎ বিস্ফটিকা একুপ কবালমূৰ্ত্তিতে আত্মপ্রকাশ কবিল যে, তাহাৰ প্ৰাকোপে পাঁচটি দিনেৰ মধ্যেই অনুপমা, বেভাৰেণ্ড বায় ও কাপ্তেন সোম ইংলা কব অসমাপ্ত মাধে হস্তফা দিয়া পবলোকেৰ পথে মহাপ্ৰস্থান কবিলেন।

দুই

খৃষ্টবাৰেৰ মাতা অনুপমা যে ভয় কৰিয়াছিলে, তাহাঃ ফলিয়া গেল। খৃষ্টবাহন লিলিকে গাহয়া সুখী হইতে পাবিল না। বেভাৰেণ্ড বায়েৰ মৃত্যুৰ পৰ পাঁচটি বৎসৰ কাটিয়া গিয়াছে। এই পাঁচ বৎসবে খৃষ্টবাহন পৰিশ্ৰম ও অধ্যবসায়েৰ দলে ব্যৱসায়েৰ প্ৰভূত উন্নতিসাধন কবিলেও, স্ত্ৰীৰ সাহচৰ্য্য কি কম্যজীবন বা গাইস্থা-জীবন—কোনটিতেই পায় নাই।

লিলির উচ্ছৃঙ্খল প্রকৃতি কিছুতেই সংযত হয় নাই। সে চায়—তাহার স্বামী চুনারেঘাট মত অনাড়ম্বর স্থান পবিত্যাগ করিয়া লক্ষ্মী বা কালকাতায় গিয়া সংসার পাতে; অর্থ কি শুধু সঞ্চয়ের জন্যই? কিন্তু খৃষ্টবাহন পত্নীর সুখস্বাচ্ছন্দ্যের দিকে যত্ন সহকারে লক্ষ্য রাখিলেও, তাহার খামখেয়ালী বা চিত্তের উচ্ছৃঙ্খলতার পোষকতা কখনই করে নাই। সুতরাং লিলির উচ্চাকাঙ্ক্ষা ইচ্ছাশক্তির অভাবে স্বভাবের প্রশামিত হইয়া যাইত।

খৃষ্টবাহনের আর্থিক আশ্রয় যথেষ্ট থাকিলেও, লিলির পিতার মত সে তাহার ক্ষুদ্র সংসারটিকে অনাবশ্যক আড়ম্বরে আবাক্রান্ত করিবার অবকাশ প্রদান করে নাই। লিলির পিতার আমোলেরই এক আশ্রয় সে আশ্রয় দিয়াছিল এবং সেও মাহিনাটির পাক-শালার ভাব গ্রহণ করিয়াছিল। খৃষ্টবাহনের ইচ্ছা ছিল, তাহার গুণবতী জনমীর মত লিলিও স্বতন্ত্র নানাব্যয় খরচ সামগ্রী প্রস্তুত করিয়া তাহার পারিবারিক আদর্শ সুক্ষম রাখে। কিন্তু এ সম্বন্ধে লিলিকে নিতাম উদাসীন দোষদা সে আর দ্বিগুণবাহন অনুবাহন করে নাই। সংসারে লিলির তিনটিমাত্র কাব্য ছিল,— দিবানিদ্ৰা, নানান পড়া আর কাবণে অকাবণে স্বামীর সাহায্য কনহ। তবে খৃষ্টবাহন লিলির প্রকৃতির পবিত্র্য পাঠ পাঠা, সুতরাং তদানীং আর সে লিলির কথা একান্ত অন্তর্চিত্ত ও অমাজ্জমায় হইত। কোন প্রতিবাদও কাবত না এবং তাহার এই উদ্দেশ্যে লিলির মনে যেমন প্রচণ্ড ক্রোধের সৃষ্টি করিত, তাহার স্পন্দন তখনও উত্তরোত্তর বাড়িয়া দিত।

বাংলার যে অংশ লিলির পিতা স্বতন্ত্র ভাড়া লওয়া থাকিতেন,

তাঁহার মৃত্যুর পর সেই অংশটি অনেক দিন খালি পড়িয়াই ছিল। সম্প্রতি তাহা সুসংস্কৃত করিয়া খুষ্টবাহন ভাড়া দিবার সঙ্কল্প করিল। সংবাদপত্রে এই বাংলা ভাড়া দিবার বিজ্ঞাপনও বাহির হইল।

মাসখানেকের মধ্যেই ভাড়াটিয়া জুটিয়া গেল। আনন্দমোহন দে নামে এক বাঙ্গালী খুষ্টান বাবুপরিবর্তনের জন্ত এই বাংলা ভাড়া লইয়াছিল। এক দিন প্রত্যুষে এই নূতন ভাড়াটিয়া সস্ত্রীক বাংলায় আসিয়া উপস্থিত হইল। খুষ্টবাহন নিজে উপস্থিত থাকিয়া তাহাদের ব্যবস্থাদি করিয়া দিয়া স্ত্রীকে কহিল, “আমি ত কারখানায় চলোছি, তুমি গুঁদের একটু দেখা-শুনা ক’র, নূতন এসেছেন, যেন অসুবিধায় না পড়েন। আর তুমিও একটি বেশ সান্নিহী পেলে, মিসেস দে তোমারই সমবয়সী।”

ফলতঃ মিসেস দেকে দেখিবার কৌতুহল লিলির খুবই প্রবলই হইল। কলিকাতার মেয়ে না জানি কত আধুনিকাই হইবে, আব তাহারই আদর্শে সে তাহার স্বামীকে সভ্যতার দিক দিয়া আধুনিক জীবনযাত্রার গতি কোন্ পথে চলিয়াছে—তাহা দেখাইয়া দিবারও হয় ত সুযোগ পাইবে।—কলিকাতা হইতে পাঁচ শত মাইল তফাতে চুনারের মত পার্বত্যপ্রদেশ এখনও যে কতটা পশ্চাতে পড়িয়া আছে, পাথরের ব্যবসায় প্রমত্ত সৌন্দর্য্য দৃষ্টিহীন স্বামী তাহার সন্ধান না পাইলেও, নভেল ও ম্যাগাজিনের সহায়তায় সে ত তাহার পরিচয় পাইতেছে! প্রত্যক্ষ আদর্শ দেখাইয়া যদি এখন এই অপদার্থ স্বামীর ভ্রম দূর করা যায়, মন্দ কি?

পাশের বাংলোব দরদালানে পা দিয়াই লিলি দেখিতে পাইল, তাহারই সমবয়সী এক স্বাস্থ্যবতী সুন্দরী তরুণী বস্ত্রাঞ্চল কোমরে

জড়াইয়া পরম উৎসাহের সহিত বাংলোর ভোজনঘর নিজা কাপড় দিয়া ধোওয়া-মোছা করিতেছে ও হাফ প্যান্ট-পরা কৃষ্ণকায় এক বালক ছোট একটি বালতি করিয়া জল ঢালিয়া দিতেছে।

লিলির সহিত চোখোচোখি হইবামাত্র মেয়েটি কাষ করিতে করিতেই জিজ্ঞাসা করিল, “আপনি ?”

লিলি কহিল, “আমি পাশের বাংলা থেকে আসছি —”

মেয়েটি সহজভাবেই কহিল, “ওঃ, বুঝেছি, আপনিই তা হ’লে মিসেস রায় ; ধন্যবাদ। আপনাকে দেখে বড় আনন্দ পাচ্ছি, আমরা আপনারই আশ্রয়ে এসেছি। কিন্তু দেখেছেন ত আমার অবস্থা, আপনাকে হাত তুলে নমস্কার করার সৌভাগ্যও পেলুম না, —খোদন, যা ত বাবা—একখানা খুরসী ও ঘর থেকে—”

বাধা দিয়া লিলি বলিল, “না, না, খুরসী আনতে হবে না তোমাকে ; আমার বসবারও এখন অবসর নেই। তিনি ব’লে গেলেন কি না, তাই আপনাদের গোঁজ-খবরটি একবার নিতে এসেছি। আপনিই তা হ’লে—”

লিলির জিজ্ঞাসা করিতেও বাধিতেছিল যে, এই কদর্য কার্যে প্রবৃত্তা মেয়েটি যথার্থই এ বাড়ীর গৃহিণী কি না ? বুদ্ধিমতী মেয়েটি তাহার সেই সঙ্কোচপূর্ণ সংশয়টুকু অনুমান করিয়াই হাসি মুখে কহিল, “হাঁ, আমিই মিসেস দে।”

অতি কষ্টে আত্মদমন করিয়া লিলি কহিল, “আপনাদের চিঠি পেয়েই ঘরগুলো সবই ধুয়ে রাখা হয়েছিল, তবু আপনি এসেই আবার এ সব করছেন কেন ?”

মেয়েটি হাসিয়া উত্তর দিল, “আপনারা দয়া ক’রে সে সব ক’রে

বেখেছেন, তা জানি, কিন্তু তবুও যবদোব না ধুলে গা যেন ঘিন্-
ঘিন্ কবে, বিশেষ, পশ্চিমের যে ধূলো, আপনাবা ত দুটি বেলায়
তার পরিচয় পান। তাই আব এক দফা প্রসাধনপর্কী স্নক
কবেচি। -কিন্তু আপনি দাঁড়িয়ে থাকবেন, সেটা কি ভাল
দেখায়?”

এহ সময় পাশের ঘরের দরজা খুলিয়া মেয়েটির স্বামী অকুস্থলে
আসিয়া উপস্থিত হইল। ভিতর হইতেহ জানালাব ফাঁক দিয়া
সে সমস্তই দেখিতেছিল। শিষ্টাচার বক্ষাব জন্ত এখন আত্মপ্রকাশ
করিয়া বলিল, “আমিও সমস্তই আপনাকে আমার নমস্কার
জানাচ্ছি, মিসেস বাব! আমরা আপনাদেবহঁ আশ্রয় এসে
পড়েছি। আপনাব স্বামী প্রাথমিক যা কিছু সাহায্য কববার সবই
কবেছেন, আপনিও দয়া ক’বে দেখা শুনা কবতে এসেছেন
দেখাছি। কিন্তু এ ভাবে দাঁড়িয়ে থাকলে আমাদের মনে লজ্জা
দেওয়া হবে, অন্ততঃ কিছুক্ষণের জন্তও ও ঘরে এসে বসুন, আমরা
আশ্রিত, পব মনে কববেন না যেন।”

লিলি মুগ্ধনেত্রে এই বাক্যটু যুবাটির দিকে চাহিয়া বহিল।
গৃহিণীকে দেখিয়া, তাহার মনে যে বিদ্রোহ উপস্থিত হইয়াছিল,
তাহার স্বামীর কেতাবস্তু হাবভাব, ফিটফাট চেহারা ও কথা
কহিবাব আভনব কোণলে সে বিসদৃশ ভাব কাটিয়া গেল, দেহেব
সমস্ত বক্ত নিমেয়েব মধ্যে তাহার মুখেব উপব উঠিয়া সেই সুন্দব
মুখখানিকে বাঙাইয়া দিল। গাঢ়স্ববে লিলি প্রশ্ন কবিল, “আপনিহঁ
তা হলে গিষ্টাব দে?”

গিষ্টাব দে উত্তব দিল, “আগেই আপনাকে জানিযেছি, আমরা

আপনার আশ্রিত।—এঁ'ব গৃহকর্ম শেষ না হওয়া পর্য্যন্ত দয়া ক'বে
এই ঘবে এসে বসুন—আশ্রিতেব এ'র আজী।”

সে আজী অস্বীকার কবে, এমন সাধ্য লিগিব ছিল না সে
স্মিতবদনে আনন্দমোহনের সঙ্গে পার্শ্বের ববে প্রবেশ কবল।
আনন্দমোহনের স্বীকৃত চক্ষু সে 'কে মুহুর্তেব জগত আকৃষ্ট হইয়াই
অবনামিত হইল।

তিন

বগটাখানের আ-গাপেব পব সোদন এই নবাগত দম্পতি সঙ্কে
বহু অভিজ্ঞতা লইয়াই গিগি নিজেব বাংলোর কাবয়া আসিল।
আনন্দমোহনের সচিত্র আলাপ কাবয়া, তাহাব মন আনন্দে এমন
ভবপূর্ব হইয়াছিল,—জীবনে সে বাহা কখনও উপভোগ কাববাব
সুযোগ পায় নাই। পক্ষান্তরে, আনন্দমোহনের মুখে তাহাব পত্নী
শোভাব সঙ্গীত পাবশ্রম, সাংসারিক সমস্ত কার্য্য—এমন কি
বন্ধনাদি পমাস্ত সে নিজেই সম্পন্ন কবে এবং এই সকল নইয়াই সে
বাস্ত—আনন্দমোহনের সচিত্র বিশ্রান্তালাপ বা আমোদ প্রমোদে
যোগদানের অবসব বা স্পৃহা তাহাব মোটেই নাই,—এই সমস্ত
শ্রানিয়া সে শাবিয়াছিল,—এমন আনন্দময় স্থানাব কি দুর্ভাগ্য।

সেই দিনই এই নূতন ভাড়াটিয়াদের কথাপ্রসঙ্গে লিগি ধুট্ট
বাহনকে বলিয়াছিল,—“মিঃ দে চমৎকার লোক,—এমন সুন্দর
প্রকৃতির মানুষ সচবাচব দেখা যায় না,—সর্ব্বক্ষণই আনন্দ আন
হাসি নিষেই থাকেন। আন দুনিযাব এত খববও বাখেন!”

খুঁটবাহন উত্তরে বলিয়াছিল,—“গুর স্ত্রীর প্রকৃতি কিন্তু আরও সুন্দর ! ঘড়ির কাঁটা ধরে কাষ করেন,—নিজের হাতে সমস্ত তৈরী করে কাঁটায় কাঁটায় খাবার ব্যবস্থা,—হোটেলকেও হারিয়ে দিয়েছেন । আর শিল্প-কাষও যে কত রকমের জানেন—বৈঠকখানা-ঘরে গিয়ে বসলেই তার পরিচয় পাওয়া যায় !”

শুনিয়া লিলি স্তব্ধ হইয়া গুমরাইতে লাগিল ! আর কোন কথা কহিল না ।

অল্পদিনের মধ্যেই আনন্দমোহনের সহিত লিলির ঘনিষ্ঠতা খুবই গাঢ় হইয়া পড়িল । অথচ আনন্দমোহনের স্ত্রী শোভার সহিত তাহার মোটেই বনিবনাও হইল না । শোভার মনটিকে দূষিত করিবার অভিপ্রায়ে সে যখন তাহার গৃহকর্মে অক্লান্ত পরিশ্রমের দোষ ধরিয়া নিন্দা করিত, শোভা তখন গম্ভীর হইয়া উত্তর দিত,—“মেমদের ধর্ম আমাদেরই ধর্ম বলে আচার-ব্যবহারেও যে আমাদের মেম-সাহেব হতে হবে, তার কোন মানে নেই । আমরা বাঙালীর মেয়ে, বাঙালীই থাকব । আমাদের সুখ-দুঃখ আমোদ-উৎসব কর্ম-কর্তব্য গৃহের মধ্যে, গৃহের বাইরে নয় । সুগৃহিণী হব, এই আমাদের শ্রেষ্ঠ কামনা হওয়া উচিত । স্তুরাং গৃহের কাষ-কর্ম করা নিন্দার নয়, আনন্দের, আর তা গৌরবের বিষয় !”

লিলি এই সব কথা শুনিলে আরও জলিয়া উঠে, কিন্তু প্রতিবাদ করিবার মত যুক্তি সে নির্ণয় করিতে পারে না ; জোর কবিয়া যাহা বলে, শোভার হাসিমাখা অকাঁটা উক্তিভে তাহা পাগলের প্রলাপের মত ভাসিয়া যায় । কাষেই সে আর শোভার সংস্রবে না আসিয়া তাহার স্বামী আনন্দমোহনের সাহচর্য্যই অধিক পছন্দ করে এবং

তাহাতেই সে তৃপ্তি পায়। আর আনন্দমোহন,—সেও ভাবে, বায়ুপরিবর্তনে আসিয়া তাহার যে এমন অবসর-সঙ্গিনী মিলিয়া যাইবে, তাহা সে কল্পনাও করে নাই;—ঈশ্বরের অপার মহিমা, তাই যে যাহা কামনা করে, তাহাই তাহার অদৃষ্টে মিলিয়া যায়।

আনন্দমোহন ধনীর পুত্র হইলেও, সঙ্গদোষে পড়িয়া সমস্তই হারাইয়াছিল। পৈতৃক সম্পত্তির মধ্যে বাড়ীখানি মাত্র যখন অবশিষ্ট আছে দেখা গেল, তখন তাহার স্ত্রী শোভা স্বামীর খাম-থেয়ালীকে আর প্রশ্রয় না দিয়া নিজেই জোর করিয়া স্বহস্তে সংসারের সকল ভার গ্রহণ করিল। ঋণের দায়ে মুহম্মান স্বামী তখন বাধ্য হইয়া পত্নীর ব্যবস্থামত চলিতে সম্মত হয়। শোভা বাড়ীখানির অধিকাংশ ভাড়া দিয়া, ভাড়ার টাকায় ঋণ পরিশোধের একটা বাঁধাবাঁধি ব্যবস্থা করিয়া স্বামীকে নিশ্চিন্ত করিল। শোভা ধনীর কন্যা, তাহার পিতা একজন স্বনামখ্যাত ব্যবসায়ী। শোভাকে তিনি প্রতি মাসে যে হাত-খরচ দিতেন, শোভার সুবন্দোবস্তে তাহাতেই তাহাদের সংসার স্বচ্ছলভাবে চলিয়া যাইত। কিন্তু শোভা যেমন সংসারকে সুনিয়ন্ত্রিত করিয়া লইল, আনন্দমোহনের আনন্দভোগের সুপ্তম্পৃহা আবার জাগরিত হইয়া উঠিল,—সঙ্গিগণ আবার তাহাকে প্রলুব্ধ করিয়া তুলিল। বুদ্ধিমতী শোভা অবস্থা বুঝিয়া, সহসা চুনারে বায়ুপরিবর্তনের প্রস্তাব করিল। উচ্ছৃঙ্খলস্বভাব স্বামীকে দীর্ঘকালের জন্য কলিকাতা হইতে সরাইয়া লইবার জন্তই সে এই সঙ্কল্প করিয়াছিল। আনন্দমোহন সহজেই সম্মত হইল। বাড়ীর একটি ঘরে নিজেদের জিনিসপত্র রাখিয়া

সমস্ত বাড়ী শোভা ভাড়া দিল। চুনারে তাঁহাদের সঙ্গে কেবল খোদন নামে একটি বালক-ভৃত্য আসিবাছিল।

চুনাতে আসিয়াই শোভা লিলির ভাবভঙ্গী দেখিয়া মনে মনে শিহরিয়া উঠিল। তাহার চঞ্চলপ্রকৃতি স্বামীকে যে সকল প্রলোভন হইতে সে এত দূরে লইয়া আসিল, সেহ এখানেও ? ক্রমে নানা প্রসঙ্গে শোভা বুঝিয়াছিল যে, লিলি তাহার স্বামীকে প্রায় মোটেই অনুভব করিয়া নহে এবং আনন্দমোহনেই কথার চাতুরী এই বুদ্ধিগণা তরুণীকে এমন আকৃষ্ট করিয়াছে যে, সে তাহাকে এক অনন্তসাধারণ অতিমানবরূপে বরণ করিয়া লইয়াছে।

শোভা যেমন বুদ্ধিমতী, তাহার মনের বৈরাগ্যও ছিল সেইরূপ অসাধারণ। সহসা কেনাকাটার ভয়ে কোনরূপ অপ্রীতিকর উপায় অবলম্বন না করিয়া সে তাহার স্বামীকে উপর খব লক্ষ্য রাখিয়া চলিল। যাবতীয় সাংসারিক কার্যের মধ্যেও স্বামিসাহচর্য্য তাহার ঈদানীং এমন সুলভ হইয়া উঠিল যে, আনন্দমোহন তাহাতে পদে পদেই বিব্রত হইতেছিল। হয় ত লিলিদের বাংলায় গিয়া, লিলির স্বামীর অনুপস্থিতিতেই হস্ত-পরিহাসে দুজনেই প্রমত্ত, এমন সন্ধ্যা শোভা তাহাদের ঠিক পশ্চাতে আসিয়া—হাসিখুসিবি নতান্ত বাড়া বাড়ের সন্ধ্যাটির সহজস্ববে বলে,—‘খাবার দেওয়া হয়েছে, খাবার চল।’ উভয়েই যুগপৎ চমকিত হইয়া উঠে,—শোভার চক্ষুর দিকে চাহিবারও সামর্থ্যটুকু তাহাদের থাকে না। বিনা প্রতিবাদে স্তম্ভিত হইলেও মত আনন্দমোহন নিজের বাংলায় চলিয়া আসে। বাংলার বাগানে বসিয়া দুজনেই আনন্দে অভিভূত,—কথা আর ফুরায় না ; লিলি আবেগভরে বলে,—‘তোমার কথা আমার এত

মিষ্টি লাগে—” ঠিক সেই সময় হয় ত শোভা আসিয়া বসিয়া উঠে,—“মিষ্টি কথায় ত পেট ভাবেনা ভাই, তাব জন্তু খাবাব দবকাব হয় যে।” তাহাব পব স্বামীব দিকে চাওয়া বলে,— “তোমাব চা আন জনখাবাব এখানেই আনব কি?” উভয়েই স্তম্ভিত হইয়া থাকে—এ কি। আনন্দমোহন বিনা বাক্যব্যয়ে শোভাব সান্ত্বিত চলিয়া যায়। লিলি লজ্জায় যেন মাটির সহিত মিশিয়া পড়ে।—এইভাবে প্রত্যহই তাহাদেব লুকচাঁব অপ্রত্যক্ষভাবে প্রকাশ করিয়া দিয়া শোভা উভয়েই নিবৃত্ত কাব্যে তুলিতে লাগিল।

কিন্তু ইহাতেও লিলি বা আনন্দমোহন কাগাবও চৈতন্য হইল না। শুষ্টবাণ সকালে চা ও জন্মযোগ সাবিতা পাহাচ বাহু, দ্বিপ্রহবে সেখান হইতে বিবিয়া আহাবাদি কাবিত,—আবাব অপবাহু মাঝিসে শিয়া বাত্রি নবতা দশটান সময় বাডা ফিবত। লিলি ও আনন্দমোহনেব মাথামাথ বনিষ্টতাব কথা তাহাব স্তম্ভিত স্পর্শ করিত না। একটি মাস এইভাবে কাটিয়া গেল।

চার

প্রত্যহই লিলিদেব বাংলোব গিয়া লিলিব ঘব হইতে তাহাব স্বামীকে আহাবেব সময় ডাকিয়া আনা শোভাব দৈনান্দন কাব্যেব অন্তর্গত হই ॥ পড়িয়াছিল। সেদিনও আহাবাদ প্রস্তুত করিয়া ও বাংলোব স্বামীকে ডাকিতে গিয়া—বাংলোব বৃদ্ধা আষাব নিকট শুনিল—তাহাব স্বামী ও লিলি সকালেব ট্রেনে মির্জাপুর গিয়াছে।

আষাঢ়ি তখন জ্বরে ধুঁকিতেছিল,—বালিসের তলা হইতে একখানি পত্র সে শোভার হাতে দিল। শোভা দোখল, তাহার স্বামী লিখিয়াছেন,—‘বিশেষ দরকারে মির্জাপুর চলেছি, সন্ধ্যায় ফিরব ; এ বেলা আর আমার খাবার ব্যবস্থা ক’র না।’

শোভা আষাকে জিজ্ঞাসা করিল, “কখন এ চিঠি তোমাকে দিয়াছিলেন তিনি ?”

আষা হাঁফাইতে হাঁফাইতে কহিল, “সকালেই দিবেছিলেন না, কিন্তু জ্বরের যাতনায় উঠতে পারি নি। লিলিকে যেতে বাবণ করেছিলুম, কিন্তু সে শুনলে না,—রাগ্নাবাগ্না কিছুই হয় নি,—ছেলে এসে যে কি খাবেন—” জ্বরের যন্ত্রণায় বৃদ্ধা আর বসিতে পারিল না, ছটফট করিতে লাগিল।

শোভা কহিল, “আমাবু খাবার-দাবার সব তৈবী হয়ে গেছে, মিষ্টার রায় এলে আমার নাম ক’রে বলো যে, তিনি আজ আমাদের বাংলায় খাওয়া-দাওয়া করলে বড়ই খুসী হব। তিনি এলেই পাঠিয়ে দেবে, আর তোমার জন্ম সাগু তৈবী ক’রে পাঠিয়ে দিচ্ছি।”

বাংলায় আসিয়া সর্বাগ্রে শোভা বৃদ্ধার জন্ম সাগু তৈয়ারী করিয়া খোদনকে দিয়া পাঠাইয়া দিল। তাহার পত্র নিজের কাজে লিপ্ত হইয়া পড়িল। স্বামিসংক্রান্ত অমন অপ্রীতিকর সংবাদটি তাহার মনের মধ্যে কোনরূপ বিদ্রোহ উপস্থিত করিতেছিল কি না, তাহার কার্ষ্যে, ব্যবহারে বা তাহার প্রতিভাসমুজ্জল নিশ্চল মুখখানির দিকে চাহিলে তাহা বুঝিতে পারা যায় না।

খুষ্টবাহন বাংলায় ফিরিলে শোভা খোদনকে পাঠাইয়া তাহাকে আসিবার অনুরোধ জানাইল। সঙ্কুচিতভাবে খুষ্টবাহন ভোজনগৃহে

প্রবেশ করিল। শোভার সহিত তাহার এই প্রথম সস্তাষণ। লজ্জানম্রভাবে শোভা পরম শ্রদ্ধার সহিত খুষ্টবাহনকে পরিবেষণ করিতে লাগিল। শোভার বিনয়নম্র ব্যবহার ও তাহার স্বহস্তে প্রস্তুত বিবিধ উপাদেয় অন্নব্যঞ্জনের আশ্বাদ দীর্ঘকাল পরে খুষ্টবাহনের চিত্তে এমন একটা তৃপ্তির সঞ্চার করিয়া দিল যে, সে সকল সন্কোচ কাটাইয়া উচ্ছ্বসিত কণ্ঠে “দেখুন, ঈশ্বরের এমনই মহিমা, বাড়ীতে আমার অদৃষ্টে আহার তিনি আজ যাপান নি,—কিন্তু এখানে যে এমন ভূরি ভোজের ব্যবস্থা ক’রে রেখেছেন তিনি—তা কে জানত বলুন। আপনার হাতের রান্না খেয়ে, আজ আমার মা’ব কথা মনে পড়ছে। তিনিও ঠিক এমনি রীতিতে জানতেন, আর তাঁর আমোলে—আমাদের ঘরগুলোও এমনি গোছাল ছিল। মনে হচ্ছে, আমার মা বুঝি আজ ফিরে এলেন!”

সঙ্গে সঙ্গে খুষ্টবাহনের দুই চক্ষু সজল হইয়া উঠিল,—শোভার চোখ দুটিও খুষ্টবাহনের কথায় আর্দ্র হইয়া গেল।

আহারাদির পর খুষ্টবাহন একটু সন্কোচের সহিত জিজ্ঞাসা করিল, “আচ্ছা, বলতে পারেন আপনি—এঁরা দুজনে হঠাৎ মির্জাপুর গেলেন কেন?”

সহজ স্বরে শোভা কহিল, “আমি আপনার আশাব কাছেই তাঁদের যাবার কথা শুনিছি। আপনিও কিছু জানতেন না?”

খুষ্টবাহন গাঢ়স্বরে উত্তর দিল, “কিছু না। আমাকেও আরাই খবরটা দেয়।”

শোভা কিয়ৎকাল নীরব থাকিবার পর সহসা জিজ্ঞাসার

ভঙ্গীতে কহিল, “আমি যদি আপনাব স্ত্রীব সম্বন্ধে কোন কথা আপনাকে বলি, সেটা আপনি প্রসন্নভাবেই গ্রহণ করবেন?”

শৃঙ্গবাহন সবিস্ময়ে কহিল, “আপনাব এ কথাব অর্থ ত আমি ঠিক বুঝতে পারছি না, আমাকে মাফ করবেন।”

শোভা কহিল, “আমাব অনধিকারচর্চা আপনি মার্জনা করবেন। দেখুন, মেয়েদের উপর ভগবানের এমন একটু ক্ষমতা দেওয়া আছে, যাব প্রভাবে তাণ স্থবচিতে একটু চোঁটা কানেই পুরুষের প্রকৃত নির্ণয় করতে পারে। আপনি এ কথা স্বীকার করেন কি?”

শৃঙ্গবাহন আশ্চর্যে মত কহিল, “হা, আমি এ কথা স্বীকার কর, আর বিশ্বাসও করি। কেন না, আপনাব নাকেও এ কথা বলতে শুনেছি।”

শোভা কহিল, “কতক্ষণই বা আপনাব সঙ্গ আমাব পরিচয় হয়েছে, কিন্তু এই মধ্যে আমি আপনাব প্রকৃত্যে পারচয় পেয়েছি; তাই এতটা অসঙ্কোচে আপনাব সঙ্গ কথা করতে সাহস পাচ্ছি।”

শৃঙ্গবাহন শোভাব নিশ্চল মুখখানিব উপর সপ্রতিভভাবে গাহিয়া বসিল, “আপনাব কথাগুলি শুনে আমি মুগ্ধ হনোও, ঠিক অনুসরণ করতে পারছি না যে—”

শোভা শৃঙ্গবাহনের কথাব উত্তর না দিয়া নিজেব মনেই বলিতে লাগিল, “কথায় কথায় আপনি আপনাব স্বর্গাব মা’ব কথা তুলে আমাব প্রশংসা কবে এতে আমাব গৌরব বাড়িয়ে দিয়েছেন। এখন আমি যদি আপনাব পুণ্যময়ী মা’ব মেয়েব মত—আদর্শিণী

ভগিনীৰ অধিকাৰটুকু আপনাৰ কাছে দানী কৰি, সেটো কি আমাৰ পক্ষে ধৃষ্টতা হ'বে ব'লে আপনাৰ মনে হয় ?”

খৃষ্টবাহন গাঢ়স্বৰে কহিল, “না,—আমাৰ ভগিনী নাই, যদি থাকত, তা হ'লে আজ আমি নিজেকে সুখী মনে কৰতুম।—আমাৰ মাকে আপান দেখেন নি, কিন্তু তাৰ আকৃতিৰ সাদৃশ্য আপনাতে আছে। আপনাকে ভাগিনী ব'লে সম্মান দেবাৰ অধিকাৰ হেঁচো আমি নিজেকেই ভাগাবান্ মনে কৰছি।”

সুন্দৰ মখে নিম্মল হাসিৰ লহৰ তুনিয়া শোভা এবাৰ আঙ্গাবেৰ স্বৰে কহিল, “তা হ'লে আৰ ভাই-বোনেৰ মধো ও নব কথাৰ সঙ্ঘোচ বেখে দৰকাৰ কি, দাদা। এসো, এবাৰ গাছ বোনে বৰসংসাৰৰ কথা কহ -”

খৃষ্টবাহন স্তম্ভিত। এ কি সত্য ? তাহাৰ দুন্দুৰ জীৱনৰ পৰা পাতৰ কৰিবলৈ, তাহাৰ মৰম সৎসাবে শাস্তৰ কুস্তুকুজ বচনা কালো, আদিগী ভাগিনীৰ স্নেহ লহয়া, সত্যত কি এ অমৃত ভাৰিণী মহামনা নাবী তাহাৰ বাংশোষ পদাৰ্পণ বাঁবমাছেন ? মুকুতাবে সে বালক,—“তোমাৰ কথাতেই বনাছি, যোন্ এক দণ্ডে বখন ভান্টেৰ পৰিচা পেলেছ, তখন এৰ অনেক অগিগত ভাব বৰ সম্ভাৰেৰ সমস্তত তোমাৰ জানা শোনা হযে গেছে নিশ্চয়ত। নয কি ?”

শোভা পূৰ্ণবৎ হাসিবা কহিল, “নহলে কি সাৰ ব'বে আগে বৰ সম্ভাৰেৰ কথা হুঁচি, দাদা ? এহ জগুহ আগে আমিৰ বোন্টৰ নষক্ৰে তোমাকে প্ৰথ কবেহিনুম। হুঁচি ঠিক বুঝতে পাব নি, আৰ তখন আধকাৰ না পেয়েই কোনও কিছু অনাৰকাৰ চচ্চা

অন্ডায় মনে কবেই—বোনের অধিকারটুকু চেয়ে নিয়েছি। কিন্তু এখন আবার একটা মস্ত ভাবনা এসে জুটেছে যে, দাদা ?”

সম্মিতভাবে খুষ্টবাহন কহিল, “আবার কি ভাবনা হ’ল, শুনি ?”

ডাগব চক্ষু দুটি বিস্ফারিত করিয়া শোভা কহিল, “লিলি যদি এ অধিকার স্বীকার না করে ?—যদি ঝগড়া বাধিয়ে বসে ?”

হাসিয়া খুষ্টবাহন কহিল, “ভাই-বোনে যদি মিল থাকে, বউএর সাধ্য কি কিছু করে !”

শোভা এবার দুষ্টমীর হাসি হাসিয়া কহিল, “কিন্তু দাদা, বউএর দোষ দেখে যদি আমি শাসন করি ? তখন ত আমার ওপর রাগ করবে না ?”

খুষ্টবাহন কহিল, “আমার বোন্ এমন কোন অন্ডায় কখনই করতে পারে না, যাতে আমি রাগ করতে পারি।”

—আচ্ছা দাদা, বউএর যদি কোন অন্ডায় দেখি, আর সে অন্ডায় থেকে তাকে কোশলে ফেরাবাব জন্ত তোমাকে কিছু বলি, তুমি তা শুনবে বল ?

—তোমার কথা আমি বাইবেলের প্যারার মত চিরদিন মানব, এ ভরসা আমার আছে।

শোভা এবার কিছু কুণ্ঠার সহিত কহিল, “আর বোন্টি যদি তার নিজের সংসাবে কোনও অনাচার দেখে তোমার কাছে সাহায্য চায়, তখন তাকেও দেখবে ত, দাদা ?”

খুষ্টবাহন হাসিয়া কহিল, “এ কি খুব বড় কথা হ’ল, বোন্ ?”

শোভা কহিল, “এতক্ষণ গোরচঞ্জিকা হ’ল, দাদা ! এবার কাজের কথা কইব। সে অনেক কথা দাদা, অনেকখানি সময়

বাবে শুনতে। তুমি একটু বিশ্রাম কর গে, আমি দুটি খেয়েই যাচ্ছি, গিয়ে সব বলব।”

খুষ্টবাহন সবিস্ময়ে কহিল, “তোমার এখনও খাওয়া হয় নি?”

শোভা হাসিয়া কহিল, “বা রে! খাব কখন বল! এখন না হয় দাদা হলে, তখনও ত নিমন্ত্রিত ছিলে। তাব আগেই আমি খেয়ে ব’সে আছি—এ ধারণাটুকু তোমার কি ক’রে হল বল ত?”

খুষ্টবাহন সপ্রতিভভাবে কহিল, “অন্ডায় বলিছি, দিদি!—যাক, অনেক বেলা হয়েছে; খেয়ে নাও।—ওবেলা ধীরে স্নেহে সব কথা শুনব তোমার।”

শোভা ভোজন-ঘরে বাইতে বাইতে বলিল,—“কিন্তু আমি ব’লে বাখছি দাদা, আমার কথা শুনে একটুও রাগ করতে পারবে না,—আমি যা যুক্তি দোব, সেইমত করা চাই।”

“আচ্ছা গো—তাই হবে। বোনের কথা তোমাব দাদা কখনও ঠেনবে না—স্থির জেনো।”

পাঁচ

অপরাহ্নে দীর্ঘ দুইটি ঘণ্টা পরিয়া ভাই ও ভগিনীর মধ্যে লান্না কথা ও পরামর্শ হইল।

বাড়ি প্রায় বারোটটার সময় লিলি ও আনন্দমোহন বাংলোয় ফিরিয়া আসিল। লিলি ঘরে ঢুকিয়া দেখিল, খুষ্টবাহন ঘুনাইয়া পাড়িয়াছে। ধুমন্ত স্বামীর উদ্দেশ্যে পরলোদ্ধার কবিত্তে কবিত্তে সেও শয্যা গ্রহণ করিল।

আনন্দমোহন কম্পিতপদে কক্ষত চুকিয়া দেখিল, শোভা তাহাব
খাবাব বাডিয়া বসিয়া আছে। আনন্দমোহন শোভাব গম্ভীৰ
মুখেৰ উপৰ চাহিয়া প্ৰশ্ন কৰিল,—“আমাব চিঠি পেৰেছিলে ?”

সহজস্বৰেই শোভা কহিল,—“হা, বিশেষ দৰকাৰেৰ শেষ বুঝি
এতক্ষণে হ’ল ?”

আনন্দমোহন পোষাক ছাড়িতে ছাড়িতে কহিল, “আব বল
কেন ! মিৰ্জ্জাপুৰে ইংলেন্ড এসোসিয়েসনেৰ কনফাৰেন্স বসছে
না,—তাতে স্পীচ দেবাব জন্তু বেভাবেও মিটাব ধৰে নিবে গেন,—
মিসেস বায়ও নাছোড়বান্দা,—তুমি এখন মাৰ্কেটে গিয়েছ, এ দিকে
সাতটায় ট্ৰেণ, কাৰেই চিঠি গিৰেই ছুটে হৰেছিল—”

শোভা স্থিৰদৃষ্টিতে স্বামীৰ মুখেৰ দিকে চাহিয়া কহিল, “এখন
খেতে হৰে ত ?”

আনন্দমোহন শব্দ্যৰ দেহখানি প্ৰসাৰিত কৰিয়া উত্তৰ দিল,
“ও পাট সেখানেই সেবে আসা গেছে। খুব খাইয়েছে তাৰা।
খাওযাবে না ? যে তোড়ে স্পীচ দিগেছি, শুনে সবাই হকচকিয়ে
গেছে —”

অধিক ৰাত্ৰিতে আনন্দমোহনেৰ চীৎকাৰ শুনিয়া শোভা ধড়মড়
কৰিয়া উঠিয়া পড়িল। তাড়াতাড়ি আলো উজ্জল কৰিয়া দিয়া
স্বামীৰ মুখেৰ দিকে চাহিতেই সে ব্যাকুল, আনন্দমোহন ঘূৰেৰ ঘোৰে
কথা কহিতেছে। সে আড়ষ্ট হইয়া স্বামীৰ ভাবোচ্ছ্বাস শুনিতে
নাগিল, আনন্দমোহন বলিতেছিল, “চালাও পান্সা,—কেমন
মজা ! দৰিয়াৰ মাঝে দুটি প্ৰাণী আমবা—ভূমি আব আমি। আঃ
—কাছে এসো লিলি, আবো কাছে ; লজ্জা কিসেব ? ভয় কি ?

কে দেখবে?—ওবা দাঁড়ী-মাকি—জানোয়াবেব সামিল, ওদের দেখে লজ্জা? কেউ জানবে না, শোভাকে বলব যে, কনফারেন্সে স্পীচ দিতে এসেছি।—হাঃ হাঃ হাঃ!”

উচ্চহাস্য কবিতা আনন্দমোহন মাবার ঘুমাইয়া পড়িল। শোভা পূর্ববৎ আড়ষ্ট হইয়া অপলকনেত্রে তাহার স্বামীর মুখখানির উপর চাহিয়া রহিল।

পরদিন একটু বেলাতেই আনন্দমোহনের ঘুম ভাঙিল। শোভা তাড়াতাড়ি চা আনিয়া স্বামীর সম্মুখে ধরিল, কিন্তু কোন কথাই কহিল না। স্বীকে আজ অতিবিক্ত গম্ভীর দেখিয়া আনন্দমোহনের মনে সন্দেহের বেথাপাত হইল। শোভাকে একটু নাড়া দিবার আঁতপ্রায়ে সে নিজেই কহিল, “আজও আবার কনফারেন্স আছে, তবে আজ খাওয়া-দাওয়া সেবেই যাব মনে কবছি—”

শোভা স্বামীর মুখের দিকে চাহিয়া আতাবিকভাবেই জিজ্ঞাসা করিল, “আজকের কনফারেন্সটা বস্ছে কোথায়?”

আনন্দমোহন চায়েব বাটিতে একটি চুমুক দিয়া উত্তর দিল, “সেইখানেই, কাল যেখানে বসেছিল—”

শোভা অসাপারণ ধৈর্যেব সহিত অতি সহজ স্বরেই কহিল, “কানেকর সেই পান্সীখানার ওপরেই?”

আনন্দমোহনের সর্বাঙ্গে কে যেন একসঙ্গে কতকগুলি গুল কুটাইয়া দিল। মনে মনে শিহরিয়া সে নির্লাক্ভাবে শোভার মুখের দিকে চাহিয়া রহিল।

শোভা কিছুমাত্র বিচলিত নাহইয়া পূর্ববৎ ধৈর্যেব সহিত কহিল, “আর লিলি ত আজও তোমার স্পীচ শোনবার শ্রোত্রী হয়েই যাবে?”

এবার আনন্দমোহন আত্মসংবরণ করিয়া মহা বিস্ময়ের ভাব প্রকাশপূর্বক অভিনয়ভঙ্গীতে কহিল, “তুমি পাগল হযেছ না কি ? এ সব কি বলছ ?”

শোভা তাহার কথার উত্তর না দিয়াই পূর্ববৎ স্ববে কহিল, “আমার শেষ প্রশ্নটাও ক’রে নিই,—কাল যে স্পাচ তুমি দিযেছিলে, তার কিছু বকসিস্ লিাল দিযেছিল কি ?”

বিস্ময়ের সহিত ক্রোধের বিকাশ কাঁবয়া আনন্দমোহন এবার অসহিষ্ণুভাবে কহিয়া উঠিল, “তোমার মুখে এ সব কি নোংরা কথা, শোভা ? তুমি কি স্বপ্ন দেখছ ?”

শোভা এবার ঈষৎ দৃঢ়স্ববে উত্তর দিল, “স্বপ্ন আমি দেখিনি, দেখেছ তুমি। আর এ স্বপ্ন সত্য কি মিথ্যা, ঈশ্বরের নাম ক’রে তোমাব অন্তবকে জিজ্ঞাসা করলেই তার উত্তর পাবে।” বলিতে বলিতে তাহার স্বর গাঢ় হইয়া আসিল, পরক্ষণেই ছায়াব মত সে স্থান হইতে সে সরিয়া গেল।

আনন্দমোহন অপরাধীর মত শোভাব গমন-গতির দিকে চাহিয়া স্তব্ধ হইয়া বসিয়া বহিল। শোভা কি অন্তর্গামিনী ? কিম্বা, ঘুমের ঘোরে সে সমস্ত প্রকাশ করিয়া ফেলিয়াছে ?

কিছুক্ষণ পবেই শোভা আনন্দমোহনের কাছে আসিয়া দাঁড়াইল। শোভাকে দেখিয়াই সে তাড়াতাড় একখানি খবরের কাগজ টানিয়া লইল।

শোভা জানিত, তাহার স্বামীর দুর্বলতা কখন কি ভাবে আত্ম প্রকাশ কবে। সে বুঝিল, তাহার সহিত চোখোচোখি হইয়া কথা কহিবার সামর্থ্য এখন আনন্দমোহনের নাই। চরিত্রগত দুর্বলতা

সত্ত্বেও, তাহার ভাবপ্রবণ প্রকৃতির পারিপার্শ্বিক সুকুমার প্রবৃত্তি-গুলি শোভা এত প্রীতির দৃষ্টিতে দেখিত যে, তাহাদের প্রাবল্যে, স্বামীর অপরাধ অমার্জনীয় হইলেও সে ভুলিয়া যাইত,—আনন্দমোহনকে অভিবৃত্ত দেখিলে বা তাহার উজ্জ্বল চক্ষু দুটটি সজল হইয়া উঠিলে সে কিছুতেই আত্মসম্বরণ করিতে পারিত না।—নিজের এই দুর্বলতাটুকু স্বামীর সমক্ষে অপ্রকাশ রাখিবার জন্য শোভাকে সময়ে সময়ে অন্তরের সহিত কঠোর সংগ্রাম করিতে হইত।

পাছে তাহাকে দেখিয়া লজ্জায় মুহূমান অপ্রস্তুত স্বামীর সুকুমার মনোবৃত্তিগুলি সহসা আত্মপ্রকাশ করিয়া শোভাকেও অভিবৃত্ত করিয়া ফেলে, এই আশঙ্কায় সে কিছুমাত্র ভূমিকা না করিয়াই কহিল,—“বিন্ধ্যাচলে দিন কতক থাকবার বড় ইচ্ছা হয়েছে, যাবে?”

আনন্দমোহন কাগজের উপর হইতে চক্ষু ভুলিয়া বিশ্বয়ের সুরে কহিল, “বিন্ধ্যাচল! সেখানে আবার মানুষে যায়—আমার ত মোটেই সহ হবে না,—চুনার ছেড়ে আমি কোথাও যেতে পারব না, তা ব’লে নাথি কিম্ব—”

শোভা কহিল,—“তা হ’লে দিন কতকের জন্য আমাকে ছুটি দাও না,—আমি ঘুরে আসি। খোদন এখানে থাকবে, সে সব তোমার ক’বে কস্মে দেবে—”

আনন্দমোহন কহিল,—“কার সঙ্গে যাবে?”

শোভা কহিল,—“মিষ্টার রায় তাঁর কারবারের কি একটা দরকারে যাচ্ছেন কি না,—অষ্টভূজা পাহাড়ের ওপর ডাকবাংলো আছে,—সেটা নাকি ভাড়া করেছেন,—আর লিলিও সঙ্গে যাচ্ছে—”

আনন্দমোহন ব্যগ্রভাবে কহিয়া উঠিল,—“তাই না কি?”
পনক্ষণেই অভিনেতার মত কৌশলে নিজেব ব্যগ্রভাব গোপন কবিয়া
বলিল,—“মিষ্টার বায় সে দিন বিক্র্যাচলেব সূখ্যাতি কবছিলেন
বটে। আব শুনছি, অষ্টভুজার পাঁচাডেব ওপব যে বাংলো আছে,
সেটা’ও নাকি চমৎকাব? তা বেশ, চল, দিন কতক যুবে
আসা বাক।”

স্বামীব মুখেব দিকে চাহিয়া, একটি গভীর নিশ্বাস ফেলিয়া
শোভা উঠিয়া গেল। আনন্দমোহন স্তব্ধভাবে সেই দিকে চাহিয়া
বহিল। সূকৌশলে আশ্রয়সম্বরণ কবিত্তে সমর্থ হইলেও, সে যে স্বীকৃত
চক্ষুকে প্রভাবিত কবিত্তে পাবে নাই, তাহা শোভাব দৃষ্টি ও গতি
হইতেই অনুমান কবিয়া লহতে তাহাব বিলম্ব হইল না।

সেই দিনই অপবাহ্নে হিব হইয়া গেল, উভয় পবিবার পবদিন
প্রতুষেই বিক্র্যাচল বওনা হইবে।

ছয়

লোকালয়েব বাহিবে অভ্রভেদী পৰ্বতেব উপর সূন্দব বাংলো,
নিম্নে সমতল হইতে দেখিলেই মনে হয়, যেন কতকগুলি শ্বেত
পাবাবত পাখা মেলিয়া পৰ্বতশৃঙ্গে বসিয়া আছে।

শুষ্ঠবাহন ও আনন্দমোহন সপবিবাব যথাসময় এহ বাংলোয়
আসিয়া উঠিল। বাংলোখানিব অবস্থান-সৌন্দর্য্য ও পবিষ্কার-
পবিচ্ছন্নতা দেখিয়া সকলেবই আনন্দ হইল। ঘবগুলি দেখিতে
দেখিতে শোভা লিলিকে কহিল, “এই ছুখানি ঘব তোমার, এই

ঘরে রান্না হবে, আর ভাঁড়ার থাকবে, এই ঘরখানিতে খাওয়াদাওয়া করবে, এর পাশেই তোমাদের বৈঠকখানা, দিব্যি সাজান রয়েছে।”

লিলি মনে মনে শোভার নিকীচনের প্রশংসা করিয়া কহিল,
“আর তুমি নিচ্ছ কোন্ কোন্ ঘর?”

শোভা কহিল, “সে আমি আগেই দেখে রেখেছি; নিজের ব্যবস্থা আগে না ক’রে তোমার জন্মই যে লেগে পড়েছি, এতটা বোকা আমাকে ভেব না।”—বলিতে বলিতে বাংলোর অপর্যাংশে একখানি অপেক্ষাকৃত ছোট ঘর দেখাইয়া বলিল, “দেখছ ত, এই ঘরখানি আমি নিজের জন্ম বেছে নিয়েছি; এই ঘরেই রান্নাও হবে, খাওয়াও চলবে।”

সাবিন্ময়ে শোভার মুখের দিকে চাহিয়া লিলি কহিল, “এই ছোট ঘরখানিতে তোমার কি ক’বে চলবে? কোথায় বাসবে, খাওয়া-দাওয়া করবে কোথায়, বসবেই বা কোন্‌খামে?”

শোভা কহিল, “কেন, এইখানে রান্নাবান্না করব; এই দুটো আলমারিতে ভাঁড়াব রাখব; আর খাবাব বায়গা হবে এই ধারে। দুটি প্রাণীর সংসার, এত বড় ঘরে কুলবে না?”

লিলি শোভার মুখের দিকে চাহিয়া জিজ্ঞাসা করিল, “উঠবে বসবে কোথায়?”

মুখ টিপিয়া হাসিয়া শোভা বলিল, “কেন, এইখানেই মেয়েদের রান্নাঘরের চেয়ে ভাল বৈঠকখানা আবার কোথা? ঐ যে দেখ না, বসবার জন্ম একখানা ছোট টুলও এনে রেখেছি।”

মনে মনে জ্বলিয়া আরক্তমুখে লিলি পুনরায় জিজ্ঞাসা করিল,
“শয়নটা কোথায় হবে শুনি! এই ঘরেই না কি?”

শোভা হাসিয়া কহিল, “ভাব থাকলে তাতেও আটকায় না । শোননি একটা প্রবাদ আছে -- ভাব থাকলে এক কন্ডলে সাত জন দরবেশ সুখে ঘুমোয়, আর ভাব না থাকলে পাশাপাশি দুই রাজ্যে দুজন রাজা ঘুমোতে পারে না ।”

বিচিত্র মুখভঙ্গী করিয়া লিলি কহিল, “আমরা ত দরবেশ নই যে, তাদের উপন্যাসটা দিলে—”

শোভা বলিল, “পাহাড়ে এসে যে কটা দিন কাটান যাব, না হয় তাদেরই মতন চলুম । তা বোন্, শোবার ঘরের জন্ত আটকাবে না ; বাইরের অত বড় সাজান হল-বব বয়েছে ; তা ছাড়া— রাত্রিটুকু না হয় তোমার ঘরেই দুই বোনে একসঙ্গে কাটিয়ে দেব ।”

লিলি অবাক হইয়া শোভার মুখের দিকে চাহিল । শোভা তাহার বিষ্ময় বিমুগ্ধ ভাবভঙ্গী দেখিয়া হাসিয়া কহিল, “মনে মনে আমি একটা বড় মজার মতলব এঁটেছি, হল-ববে চল, সেখানে সকলের সামনেই সেটা বলব । তোমারই তাতে বেশী লাভ, আর আমোদও পাবে প্রচুর ।”

বড় হলবরখানিতে বসিয়া আনন্দমোহন ও খুষ্টবাহন বিক্ৰ্যাচল সম্বন্ধে কথাবার্তা কহিতেছিল । শোভা লিলির হাত ধরিয়া সেই ঘরে আসিয়া কহিল, “আচ্ছা, এ কথা কি সত্য নয় যে, সংসাবে যত কিছু বৈচিত্র্য, তার সৃষ্টি এই পাহাড় থেকেই ?”

সকলের চক্ষু শোভার মুখের ওপর পড়িল । খুষ্টবাহন কহিল, —“আমার ত তাই মনে হয় । আপনি কি বলেন মিষ্টার দে ?” বলিয়া আনন্দমোহনের মুখের দিকে সে তাকাইল ।

আনন্দমোহন কহিল,—“হাঁ, কথাটা মিথ্যা নয় ; তবে যত কিছু

বৈচিত্র্য, তাব সবই যে পাহাডেব প্রাপ্য, তা নয়,—তাদেব কতক নভোমগুনে, কতক সমুদ্রেব জলে, কতক বা পাহাড়ে—” পবক্ষণে লিলিব মুখেব দিকে কটাক্ষ কবিয়া কহিল,—“আপনি এ সম্বন্ধে কিছু বলবেন, মিসেস্ বাব ?”

লিলি অবিচলিত স্বরে কহিল,—“উপস্থিত ক্ষেত্রে আমি ত সব চেয়ে বড় বৈচিত্র্য দেখছি, আমাদের এই পাহাড়ে আসাব ব্যাপাবে।”

খুষ্টবাহন অর্থপূর্ণ নয়নে পত্নীব মুখেব দিকে চাহিয়া জিজ্ঞাসা কবিল,—“তাব মানে ?”

লিলি কহিল,—“কোনবকমে গনদ্বন্দ্ব হযে আমরা ত এখানে এসেছি, আমাদের জিনিসপত্রও সব ঠিকঠাক এসে পড়েছে দেখছি—আসে নি কেবল লোকজন কেউ। আমরা আয়াকেও দেখছি না, ওদেব সেই চাকবটিরও পাত্তা নেই। এব চেয়ে বড় বৈচিত্র্য ও আমরা চোখে কিছুই ঠেকছে না।”

আনন্দমোহন হো হো শব্দে হাসিয়া উঠিল। খুষ্টবাহন অর্থপূর্ণ দৃষ্টিতে শোভাব দিকে চাহিল। সঙ্গে সঙ্গে শোভাব মুখেব উপব এক কলক হাসিব লহব খেলিয়া গেল। শোভা কহিল, “তোমাব এই বৈচিত্র্যেব মীমাংসা আমি ক’বে দিচ্ছি, আগে আমরা প্রস্তাবটা বলতে দাও, বোন।”

আনন্দমোহন জিজ্ঞাসুনয়নে শোভাব মুখেব দিকে চাহিয়া কহিল, “তোমাব আবার প্রস্তাব আছে না কি ?”

শোভা বলিল,—“প্রস্তাব নিয়েই না আমি এসেছি। আমার প্রস্তাবটি এই—বৈচিত্র্যেব আধাব এই পৰ্ব্বত-প্রবাসে আমরা যে

কটা দিন থাকি, আমাদের জীবনযাপনের ধাবাটাও হোক বৈচিত্র্যময়।”

লিলি জিজ্ঞাসা করিল,—“সেটা কি বকম শুনি? তোমার সেই দববেশী উপমাটির মত না কি? এক কথলে”—

শোভা বাধা দিয়া কহিল,—“সত্যই বোন্, এখানে যে কদিন আমরা থাকব, দববেশের মতই পবিত্রভাবে জীবনযাপন করতে চাই, আর সেই জীবনযাত্রার ধাবাটা হবে কি বকম, তাও বলছি শোন।”—

আনন্দমোহন ও লিলি যুগপৎ শোভার মুখেব দিকে নির্বাক্ ভাবে চাহিল। শোভা বালিতে লাগিল, “এ ক’দিন আমার স্বামী ও সংসারের ভাব নেবে তুনি; তোমার সংসার ও তোমার স্বামীর ভাব নেবে আমি।”

বিস্ময় কোতুকভবা নয়নে আনন্দমোহন লিলিৰ মুখেব দিকে চাহিয়াই পবক্ষণে খুষ্টবাহন ও শোভার মুখেব উপব দৃষ্টিস্থাপন করিল। লিলি অবাক্ হইয়া শোভার মুখেব দিকে চাহিয়া বহিল। ইতিপূর্বে শোভা যে কথাগুলি বহস্রাচ্ছলে বলিয়াছিল, সেইগুলির তাহার কানে ধ্বনিত হইতেছিল। সে ভাবিতেছিল, সত্যই কি এই অভিপ্ৰাযটি স্বাভাবিকভাবেই শোভার অন্তব হইতে উদ্গত হইয়াছে? কিম্বা তাহাকে সনশ্রায় ফেলিয়া পবীক্ষা করিবাব একটা অভিনব চাল চালিয়াছে?

সকলকেই নীবব দেখিয়া খুষ্টবাহন ঙ্গেৎ হাসিয়া কহিল, “দেখুন, যদি সকলের এতে মত হয়, আমার কোনও আপত্তি নেই। কিন্তু আপনার কথাগুলি আরও একটু খোলাখুলিভাবে বলা উচিত। কি বলেন, মিঃ দে?”

আনন্দমোহন স্মিতমুখে কহিয়া উঠিল, “নিশ্চয়ই।”

শোভা কহিল,—“ভাব নেওয়া বলতে দয়া ক’বে আপনাদের এইটুকু বুঝতে হবে যে, এখানে যে কদিন আমরা আছি,— আমাদের জীবনযাত্রার যোজনামচা হবে এই বকম—”

তিন জনেই শোভার মুখেব দিকে চাহিয়াছিল। শোভা কহিয়া চলিল,—“ধকন, এই আপনার চা, জনপথার, দিনবাতের খাবার—যা কিছু ব্যবস্থা করব আমি নিজে,—কাপড় চোপড় গুছিয়ে রাখা, ভাঁড়ার দেখা, বিছানাপত্র পাতা—সেও করব আমিই, লিলি এতে হাত দিতে পারে না। এমনই লিলিও ওর সব ব্যবস্থা নিজে করবে, আমি তাতে হাত দেব না। বারি ন’টার মধ্যে আমাদের খাওয়া দাওয়ার পাট চুকিয়ে নিতে হবে। লিলি আর আমি বারিতে এক বিছানায় শোব,—আর আপনারা দুই বন্ধুতে এই ঘরে বারিবাস করবেন। আমরা এখানে পবিত্রভাবে জীবন যাপন করব। ঈশ্বর সাক্ষ্য ক’বে আমাদের শপথ করতে হবে।”

খৃষ্টবাহন ঈয়ং হাসিয়া আনন্দমোহনের দিকে চাহিয়া কহিল, “কি বলেন?”

আনন্দমোহন হাসিয়া বলিল,—“মন্দ কি! আপনার ও আপত্তি কিছু নেই?”

খৃষ্টবাহন সহাস্যে উত্তর দিল,—“কিছুমাত্র না। এ সম্বন্ধে চিবদিনই আমি উদাবমতাবলম্বী।”

শোভা লিলিব দিকে চাহিয়া কহিল,—“তুমি ত কিছু বলছনা, ভাই?”

লিলি কিছু তপ্ত স্ববেই উত্তর দিল,—“তোমাদের তিন জনেই

যখন এক মত, আনাব অমত হলেও ভোটে হবে যাব। কিন্তু আমার একটা কথা বলবাব আছে, -লোকজন ত কাউকে আনা হয় নি দেখছি,—তাব ব্যবস্থাটা কি হবে ?”

খুষ্টবাহন একটু দৃঢ়স্ববে উত্তর দিল,—“সে ব্যবস্থা নিজেদেবই চালিয়ে নিতে হবে। যখন আসে নি, আব এই পাহাড়ে লোকজন পাওয়াও যখন সম্ভবপর নয়, তখন আব উপাব কি ?”

লিলি দৃপ্ত নয়নে স্বামীৰ মুখেৰ দিকে চাফিন। কোন উত্তর না দিলেও মনে হইতেছিল যে, তাহাব দুই চক্ষুৰ তাবদৃষ্টি তীক্ষ্ণ কটুক্ৰম মত খুষ্টবাহনকে বিদ্ধ কবিতছে।

শোভা এত সময় মুখ টিপিয়া গাসয়া কাফিল,—“কিন্তু মিঃ বাঘ, অন্ততঃ জলেন ব্যবস্থাটুকু ক’বে দিতে হবে বে। লিলি পাহাড়ে দেশে থাকে, পাত্কে থেকে জল টানবাব ক্ষমতাও হয় ত বাখে,—কিন্তু আমি যে একবাবে খাস কলকে তাব মেয়ে,—জল টল টানতে পারবনা, তা ব’লে নাখাছ।”

খুষ্টবাহন কাফিল,—“জলেন ব্যবস্থা ত আগেই ক’বে বাখা হয়েছে। বাংনোর জিহাদাব নিজেই দবকাবমত জল সবববাধ কববে।”

শোভা যেন স্বস্তিৰ নিশ্বাস ফেলিয়া কাফিল,—“আব ভাবনা কিসেব ভাফ! চল—যে যাব ভাঁডাব গুছিয়ে নিহ,—নতন সংসাবযাত্রা আবস্ত কবা যাক তা হ’লে!”

বাগে গন্ গন্ কবিতে কবিতে লিলি শোভাব অনুসবণ কবিল।—আব দুই বন্ধু বোধ হয় নূতন সংসাবযাত্রাব গতিপথ কল্পনাব সাহায্যে চিত্রিত কবিতে বসিল। কে জানে কাহাব পবিণাম কি ?

সাত

যদিও একটু বেলাতেই নতন সংসাব-পৰ্ক আবন্ত হইয়াছিল, তবুও শোভাব অসাধাবণ তৎপৰতাব খুষ্টবাহন বেলা বাবোটাৰ মধোই মধ্যাহ্নভোজন সমাপন কবিয়া পবিতৃপু হইল ।

খাইতে খাইতে শোভাকে সে কোতুকভাবে জিজ্ঞাসা কবিল,—
“ওপাড়াৰ খবৰ কিছু বেখেছ, বোন্ ?”

শোভা দুই চক্ষু বিস্তাৰিত ব বিয়া ক'হল, “ও বাবা, এব ওপৰ খবৰ নিতে গেলে লিলি বক্ষা বাখবে, দাদা ! একে ত সে আমাব ওপৰ আগুন হযে আছে । তাৰ মাঝে মাঝে যে বকন সাড়া-শব্দ পাচ্ছি, তাতে মনে হছে, স্মা পাটে বসবাব আগে ওদেব খাবান পাট উঠবেনা ।”

খুষ্টবাহন কহিল, “কিন্তু আমি অবাক হযে বা'চ্ছ, এত অল্প সময়ৰ মধ্যে এতগুলো তৰকাৰী তুমি বা'ধন কি ক'বে ?”

শোভা হাসিয়া কহিল, “তোমাৰ কাববাবে হঠাৎ কতকগুলো অডাব এসে পডলে, অল্পসময়ৰ মধ্যেই তুমি কি ক'ব সে সব সবনবাহ কব, দাদা ?”

খুষ্টবাহন উত্তৰ দিন, “তাব সঙ্গে এব ভূনা । নে ত আমি একা কবিন, একপান লোক আছে । কিন্তু তোমাৰ কাৰ ো অদ্ভুত ।”

শোভা অপবাহন জন খাবান ওছাইতে ওছাইতে কহিল.

“কোন কায কববার আগে ভাবতে বসলেই অদ্ভুত মনে হয়, কিন্তু সাহস ক’বে লেগে পড়লে, সে খুব সোজা হয়ে যায়।”

— ও সব আবার কি ?

— ওবেলাব জলখাবাব। সে পাটটা এবেলাই সেবে বাখলুম, শুধু চাটুকু কববার কায বাকি বইল! এক একবার মনে হয়, ছুটে গিয়ে লিলিব বাগ্না বাগ্না গুলোও ক’বে দিয়ে আসি।

খুষ্টবাহন হাসিয়া কহিল, “তা হ’লে এত হাস্যামাব দবকাব ছিল কি ? এবই মনো এত দুৰ্বল হয়ে পড়লে, বোন।”

শোভা গাঢ়সবে কহিল, “আসল কথাটাব খেই হাবিয়ে ফেলি দাদা, ওদেব যে শাসন কববে এত কঠিন হযোছ, তা মনে থাকে না। তাব ওপব, আমোদে যেমন গুঁব স্পৃহা, ভোজনটির বেলাবও তেমনই। খাবাব গুঁব কষ্ট হচ্ছে মনে হলেই—” বলিতে বলিতে শোভা অভিভূত হইয়া পড়িল।

খুষ্টবাহন কহিল, “ছিঃ, এত দুৰ্বল তুমি, শোভা। কঠিন না হলে ত শাসন চেননা, বোন, শেষে যে সবটাই প্রহসন হয়ে দাঁড়াবে।”

দৃঢ়ভাবে এবাব শোভা কহিল, “না দাদা, আব দুৰ্বল হবনা, এবাব খুব কঠিন হয়েই চলব।”

এ দিকে বেলা আড়াইটার পব মধ্যাহ্নভোজনে বসিয়া আনন্দ-মোহন লিলিব বন্ধননৈপুণ্যেব পবিচয় পাইয়া চমৎকৃত হইল। ভাতগুলি গালিয়া পিণ্ডেব মত হইয়াছে, ডাল ধবিয়া গিয়া অখাণ্ড হইয়াছে, ডিমেব কালিয়ায বাব ছুই স্তূপ পড়ায় মুখে দিবাব উপায় নাই।

লিলি জিজ্ঞাসা করিল, “বান্নাগুলো হয়েছে কেমন ?”

আনন্দমোহন ডিমের ভিতবেব কুসুমটুকু মুখে দিয়া কহিল,
“খাসা ।”

লিলি অভিমানভাবে কহিল, “বুঝিছি, ঠাট্টা হচ্ছে ।”

আনন্দমোহন হাসিয়া কহিল, “ঠাট্টা-মঙ্গবার সময় অনেক
আছে, খাবার সময় ওটার ব্যবহার আমি বড় একটা করি না —”

লিলি কহিল, “এ বেলা তাড়াতাড়িতে বান্না হয় ত সুবিধেব
হয়নি, ও বেলা তোমাকে ভাল ক’বে খাওয়াব । তোমাকে কিন্তু
কাছে থাকতে হবে, একলা একলা আমার কিছুর ভাল লাগে না ।
তুমি কাছটিতে বসে গল্প করবে, আমি তার শুনতে শুনতে
বাঁধব — কেমন ?”

আনন্দমোহন কহিল, “তোমার সঙ্গে ছেড়ে আমি এক দণ্ডও
থাকতে ভালবাসি না । সেই বেশ কথা, ও বেলা তুমি বাঁধবে,
আমি তোমাকে সাহায্য করব । বেশ আমোদেই কটা দিন
কেটে যাবে ।”

কোন বকমে ভোজন-পর্ব শেষ করিয়া পাবপূর্ণ ক্ষুধা লইয়াই
আনন্দমোহন বাহিরে আসিয়া বসিল । খুঁটিবাহন তখন আবার
কেদাবাঘ অঙ্গ ঢালিয়া খববেব কাগজ পড়িতেছিল । বন্ধকে দেখিয়া
কহিল, “খাওয়া বাকি হ’ল এতক্ষণে । কেমন তপ্পিতে খেলে ভাই ?”

আনন্দমোহন একটু গম্ভীর হইয়াই উত্তর দিল, “চমৎকার !”

বাত্রির আহানপর্ব হইল আরও অপূর্ণ ! তাড়াতাড়ি চড়াইয়া
লিলি আনন্দমোহনের সহিত গল্প ঘুড়িয়া আনন্দের একটু বাড়াবাড়িই
বোধ হয় করিয়া ফেলিয়াছিল, দুজনে কি একটা বহুস্বজনক কথা

লইয়া হাসিয়াই অস্থির, উল্লুনের দিকে আর খেয়াল ছিল না ; এ অবস্থায় হাণ্ডার ঘী জলিয়া উঠিল । লিলি বা আনন্দমোহন এমন ব্যাপার আর কখনও দেখে নাই, আমোদ-প্রমোদ তাহাদের মাথায় গিয়া উঠিল, দুজনেই চীৎকার করিতে লাগিল, “নেবাও, নেবাও, অগ্নিকাণ্ড—অগ্নিকাণ্ড—”

সঙ্গে সঙ্গে নিজের ঘর হইতে শোভা ছুটিয়া আসিল, তখনও হাণ্ডার ভিতর ঘী জলিতেছিল । শোভা ক্ষিপ্তহস্তে একখানা খালা লইয়া হাণ্ডার মুখে চাপা দিল, অগ্নিকাণ্ডও তৎক্ষণাৎ থামিয়া গেল । খৃষ্টবাহনও ঠিক এই সময় বাহিরের ঘর হইতে ছুটিয়া আসিয়া জিজ্ঞাসা করিল, “ব্যাপার কি ?”

শোভা হাসিয়া কহিল, “বিশেষ কিছু নয়, চায়ের পিষালায় একটু গফান উঠেছিল ।” তাহার পর লিলির দিকে চাহিয়া বলিয়া গেল, “হাঁড়ীতে ঘী চড়িয়ে গল্প কবতে নেই, আর যদি কখনও এমন হয়, তখনি হাঁড়ীর মুখে চাপা দিতে হয় ।”

শোভাব কথা কাঁটার মত লিলির গায়ে বিঁধিলেও সে কোনও জবাব দিল না । এই আকস্মিক অগ্ন্যাৎপাতে সে এতটা বিহ্বল হইয়া পড়িয়াছিল যে, তখনও তাহার সর্কান্দ্র কাঁপিতেছিল । সে রাত্রিতে তাহাদের আর রন্ধন হইল না, আব এক দফা চা ও কয়েকটা ডিম সিদ্ধ খাইয়াই তাহারা দুজনে বারাত্র ভোজনপর্ক শেষ করিল ।

এক দিনেই লিলির উদ্ভাসিত অভুলনীয় সৌন্দর্য্য আনন্দমোহনের নগনে কেমন যেন বিসদৃশ ও ক্যাকাসে বলিয়া অচ্যুত হইল । শোভার শাস্ত্রীমণ্ডিত মুখখানি অনবরতই তাহার চক্ষুর উপর

ফুটিয়া উঠিয়া তাহাকে আকুল করিয়া তুলিতে লাগিল। বারো ঘণ্টার ভিতরেই সে উভয়ের পার্থক্য কতখানি, তাহার কতকটা পরিচয় পাইল।

রাত্রিতে হলঘরে দুই বন্ধুর শয়নের ব্যবস্থা হইয়াছিল। খুষ্টবাহন জিজ্ঞাসা করিল, “লিলিকে লাগছে কেমন?”

আনন্দমোহন উত্তর দিল, “খাসা! যেন ঠিক একটি তপ্ত বয়লার! শোভাকে তুমি কেমন দেখছ?”

খুষ্টবাহন গম্ভীরভাবে বলিল, “চমৎকার! যেন একখানি আইস বার্গ!”

আট

লিলির হাতে আসিয়া তিনটি দিনের মধ্যেই আনন্দমোহনের পরিপূর্ণ চৈতন্য হঠল। ভোজনবিলাসী আনন্দমোহন এই তিন দিনের নাম মাত্র কর্ণ্য আহারে অতিষ্ঠ হইয়া উঠিয়াছিল। লিলির সাহচর্য্য তাহার পক্ষে ক্রমে বিষেবমত অসহ্য হইয়া পড়িল। সে যেন তাহার সংস্রব এড়াইতে পারিলেই বাচে। লিলিরও এই কয়দিনে চক্ষু ফুটিয়াছিল, আনন্দমোহনের ভিতরের মর্ত্তি ক্রমশঃ সে চিনিতে পারিয়া বুঝিয়াছিল, তাহার ক্ষমাশীল সহিষ্ণু স্বামীব তুলনায় আনন্দমোহন কত নীচ, কত বড় স্বার্থপর। আর সঙ্গে সঙ্গে শোভার সহিত নিজেকে তুলনা করিয়া সে জানিয়াছিল, কত তফাতে সে পড়িয়া আছে, শোভার পদতলে বসিয়া সে এখনও কত বিষয়ই না শিখিতে পারে!

এদিকে, আনন্দমোহনের মলিন মুখখানি শোভার বৃকের মধ্যে হাহাকার তুলিতে থাকে। খাবার ক্রটি কখনও ঘাহাব জীবনে ঘটে নাই, আজ কয় দিন সে যে খাবার কষ্ট পূর্ণমাত্রাতেই পাইতেছে, স্বামীর ম্লান মুখখানিই স্পষ্ট করিয়া তাহা প্রকাশ করিতেছিল। খুষ্টবাহনের জন্ত মধ্যাহ্ন-ভোজনের খাবার সাজাইতে বসিয়া শোভা তাহার হতভাগ্য স্বামীর আহাৰ্য্যের অবস্থা ভাবিয়া একবারে যেন মুসড়াইয়া পড়িতেছিল।

খুষ্টবাহন ভোজন করিতে আসিয়া কহিল, “ও পাড়ার অবস্থা খুব কাঁহিল বলেই মনে হচ্ছে, শোভা! তোমার শাসনের ফল হাতে হাতে ফলো বলে!”

শোভা কষ্টে আহ্বাসম্বরণ করিয়া খাবারের খালা খুষ্টবাহনের সম্মুখে ধরিয়া দিল, কথার কোন উত্তর দিল না।

খুষ্টবাহন শোভার মুখের দিকে চাহিয়া ঈষৎ চমকিত হইয়া কহিল, “তোমার হয়েছে কি, বোন! মুখখানি বে একবারে শুকিয়ে গেছে দেখছি। ছি, ছি, আবার সেই দুর্ভলতাকে মনে মনে প্রশ্রয় দিবেছ?”

শোভা কহিল, “আগে এতটা ভাবতে পারি নি, দাদা! শাসন করতে বসে, নিজেও তার মধ্যে বে জড়িয়ে পড়েছি—এখন তা বুঝতে পারছি! সব সহিতে পারি, দাদা, কিন্তু যখন মনে হয়, সব থাকতেও, না খেতে পেয়ে—”

শোভার স্বব রুদ্ধ হইয়া আসিল, দুই চক্ষু জলে ভরিয়া উঠিল। খুষ্টবাহন ব্যস্ত হইয়া কহিল, “আমি তোমাকে বলছি, শোভা, আর একটি দিন কোন রকমে কাটিয়ে দাও; ওদের দুজনেরই মোহ

কেটে গেছে, তোমাবই শাসনে এমন অবস্থায় আমবা ওদেব ফিবে পাব, যখন তাদের মধ্যে আর কোন ময়লা থাকবে না, একটি দিনে মত তুমি আব একটু শক্ত হও, বোন্।”

শোভা আয়ুসস্বৰ্ণ কবিয়া কহিল, “তুমি খেয়ে নাও, দাদা। আমাব জন্তে ভেব না, তোমাব কাছ দুৰ্ভলতাটুকু প্রকাশ কবলেও, স্থানবিশেষে একে দমন কববাব শিক্ষা আমাব জানা আছে, দাদা।”

দুই বন্ধ হন ববে শয্যায় আশ্রয় লইয়াছিল। পবিত্ৰ ভোজনের পব খুষ্টবাহন আবামে নিদা দিয়াছিল। ক্ষুধাব তাডনায় আনন্দমোহনের জঠব জ্বলিতোছিল। শয্যা বেন কাটার মত তাহাব অঙ্গে বিঁধিতে লাগিল। ক্ষুধাব জ্বালা আব সহ্য কবিতে না পারিয়া বাবে ধীবে শয্যা ত্যাগ কবিয়া আহায্যসন্ধানে চুপি চুপি সে শোভাব খাবাব ঘবে ঢুকিয়া পাডল। খুট কবিয়া শিকল খোলার শব্দ পাহয়াই শোভা গাড়াগাড়ি ভাঁডাবেব দিকে ছুটিল। দ্বাবটির পাশে দাড়াইয়া স্বন্ধ হইয়া সে দেখিল, আনন্দমোহন শোভাব হাতে প্রস্তুত অপবাহুব জন্ত বঞ্জিত নুচি তবকাবীগুলি পবম পবিত্ৰাপ্তব সহিত খাইতে আবস্থ কবিয়াছে। তাডাতাড়ি উদবপ্তিব জন্ত সে কি ব্যগ্রতা,—ভোজনের আনন্দ ও ধবা পড়িবাব আতঙ্ক— যুগপৎ এই দুইটি ভাবেব সম্পাতে মুখখানি তাহাব অন্তবঞ্জিত হইয়া উঠিয়াছে।

অপলক দৃষ্টিতে শোভা স্বামীব সেই অপূৰ্ব ভাবব্যঞ্জক মুখখানিব উপব চাহিয়া বহিল। দেখিতে দেখিতে শোভাব বিবস মুখখানি হাস্যোজ্জ্বল হইয়া উঠিল, স্বামীৰ তৃপ্তিব সঙ্গে সঙ্গে

মুখখানি তাহার ঘেমন দৃপ্ত হইল, পরক্ষণে আবার স্বামীর মুখে আতঙ্কের ছায়া দেখিয়া সেও যেন মুসড়াইয়া পড়িল, মুখের হাসি তাহার মুখেই মিলাইয়া গেল—দুই চক্ষু সজল হইয়া উঠিল।

আর ধৈর্য্য ধরিতে না পারিয়া শোভা দরজা ঠেলিয়া ধীরে ধীরে ঘরের মধ্যে প্রবেশ করিল। সহসা শোভার আবির্ভাবে আনন্দমোহন সভয়-বিস্ময়ে একবারে অভিভূত হইয়া গেল। তাহার মুখের খাবার মুখেই রহিল, হাতের খাবার হাত হইতে খসিয়া ঘরের মেঝের উপর পড়িয়া গেল।

শিশিরসিক্ত স্থলপদ্মের মত শোভার সুন্দর মুখখানি টলটল করিতেছিল, দুইটি সজল চক্ষুব অপলক দৃষ্টি—কি মস্মন্দ ! তাহার ঠেঁচা হইতেছিল, আন্তকণ্ঠের স্বর তুলে—একি দুর্ভোগ তোমার !

শোভার মুখের দিকে চাহিতে—তাহার সহিত চোখোচোখি হইতেই আনন্দমোহন অভিভূত হইয়া শোকাবিষ্টের মত কাঁদিয়া ফেলিল। পরক্ষণে শোভার হাত দুটি ধরিয়া অপরাধীর মত আর্তস্বরে সে কহিল, “এতকাল আমি অন্ধ ছিলাম, শোভা, তাই তোমার আসল রূপের সন্ধান পাইনি, তোমাকে চিনতে পারিনি। লিলি আমার চক্ষু ফুটিয়ে দিবেছে, আমি আজ তোমাকে পবিপূর্ণ-রূপে পেয়েছি ; আমাকে দয়া কর, শোভা, নমস্ত পাপ অপরাধ আমার মার্জ্জনা কর—”

শোভা তখন অঞ্চলখানি গলায় দিয়া স্বামীর পদতলে বসিয়া গাঢ়স্বরে কহিল, “তোমাকে শুচি করবার জন্য স্ত্রী হয়েও আমি যেটুকু বাড়াবাড়ি করেছি, তার জন্য ক্ষমা চাইছি।”

আনন্দমোহন আনন্দে অভিভূত হইয়া শোভাকে বক্ষে তুলিয়া লইল ।

সন্ধ্যার পর খুষ্টবাহন সহসা লিলির ঘরে আসিয়া উপস্থিত হইল । লিলি তখন চুপাট করিয়া জানালার ধারে বসিয়াছিল । খুষ্টবাহনকে দেখিয়া নিতান্ত অপরাধিনীর মত স্তানমুখে সে উঠিয়া দাঁড়াইল ।

খুষ্টবাহন কহিল, “মিসেস্ দে’র সুব্যবস্থায় আমি ক’দিন পরম তৃপ্তির সঙ্গে খেতে পেয়েছি ; কিন্তু মিঃ দে’র মুখে শুনলুম, তুমি ক’দিনই তাকে এক প্রকার অনাভাবেই রেখেছ !”

লিলি স্বামীর মুখের দিকে স্তানদৃষ্টিতে একবার চাহিয়াই মুখখানি নত করিল । খুষ্টবাহন দৃঢ়স্বরে কহিল, “ভদ্রলোকের ওপর তুমি এ অত্যাচার করেছ কেন, আমি জানতে চাই । আমার ঘরে ত অভাব কিছুই ছিল না !”

লিলি সেইভাবেই দাঁড়াইয়া বহিল, কোনও কথাই কহিল না বা কহিবার সামর্থ্যও তখন তাহার ছিল না । তাহার বিক্ষুব্ধ অন্তর তখন যেন কঠোর শাস্তির জন্ত প্রস্তুত হইয়া সাগ্রহে প্রতীক্ষা করিতেছিল !

খুষ্টবাহন লিলিকে নিরন্তর দেখিয়া, ক্রোধিয়া তাহার সম্মুখে গিয়া দাঁড়াইল,—তুই হস্তে স্ত্রীৰ বাহুম্ন ধরিয়া সজোবে প্রবল ঝাঁকানি দিয়া কঠোর স্বরে কহিল, “চুপ ক’রে আছ যে—জবাব দাও !”

অতিক্রান্তভাবে প্রবল ঝাঁকানি-সংঘাতে মহা আতঙ্কে অভিভূত হইয়া লিলি এবার আর্তস্বরে কহিয়া উঠিল, “এ শাস্তি এতদিন

আমাকে দাও নি কেন তুমি ? কেন আমাকে মাথায় তুলে আমাকে এত প্রশয় দিয়েছিলে ? আমার ভুল আজ ভেঙে গেছে,—তবু—তবু আমি শাস্তি চাই, আমাকে শাস্তি দাও !— আজ তোমার এই মূর্তি সত্যই আমার চোখে সুন্দর—অতি সুন্দর হয়ে ভাসছে ! কেন—এত দিন এ মূর্তি আমাকে দেখাও নি,— তা হ'লে ত এ ভুল আমার হ'ত না !”

সুদীর্ঘ পাঁচটি বৎসরের মধ্যে লিলিব সংস্পর্শে আসিয়া লিলিব মুখে এমন কথা একটি দিনও খুঁটবাহন শুনিতো পায় নাহ,—এ ভাবে নত হইতে কখনও তাহাকে দেখে নাহি ! মুগ্ধ হইয়া সে কহিল, “তাই যদি, তা হ'লে আমিও তোমাকে প্রসন্ন মনে ক্ষমা কবলুম, লিলি !”

কলহাস্তে ঘবখানি মুখের কবিতো কবিতো শোভা আসিয়া কহিল, “দাদা, খাবাব-দাবাব সব তৈরী, আমার বোনটিকে নিয়ে এস, বড় ঘনে ব'সে আজ আমরা সকলে একসঙ্গেই খাব !”

লিলি ঝড়ের মত ছুটিয়া গিয়া শোভাকে জড়াইয়া ধরিয়া কহিল, “তুমিই আমাকে নিয়ে চল, দিদি ; আজ থেকে ছাবাব মত আমি তোমার সঙ্গে স্বে স্বে ফিবব, ছোট বোনটির মত তোমার কাছে সব শিখব । আমার সমস্ত দোষ ক্ষমা কর, দিদি !”

दुःखेर पांचाली

शुल्ली-बधूर

এক

অপরাহ্নের প্রান্তভাগে টিপটিপিনী বৃষ্টি মাথায করিয়া পল্লী বধু সীমা পল্লীর বিখ্যাত বকুল-পুকুরের ঘাটে নামিল। তাহার এক হাতে ছিল একবাশি বাসন, অপর হাতে কতকগুলি ছাড়া কাপড়। জলের সমীপবর্তী চাতালটির উপর হাতের বাসনগুলি অতি সন্তর্পণে নামাইয়া বাখিয়া, হাতখানি ধুইয়া, কাপড়গুলি জলমগ্ন সোপানে ডুবাইয়া ছড় করিল। তাহার পর, একটি পাত্রের ভিতর হইতে তেঁতুল, দুঁটের ছাট, ঘাসের মুড়ো প্রভৃতি গৃহস্থ-পরিচিত বস্তুগুলি বাহির করিয়া নিবিষ্টমনে বাসন মাজতে বসিয়া গেল।

অর্দ্ধসিক্তবসনে আবৃত থাকা সত্ত্বেও এই তরুণীর নিটোল দেহখানি তাহার পরিপুষ্ট স্বাস্থ্য-সম্পদের পরিচয় দিতেছিল, এবং নৌচাকের মত প্রকাণ্ড খোঁপাটির উপর অবগুষ্ঠন উঠিয়া কপোল পর্যান্ত অধিকার বিস্তার করিলেও লাবণ্য-মণ্ডিত সপ্রতিভ মুখখানি তাহার সীমার বাহিরে থাকিয়া বেন এই দুর্ঘ্যোগময়ী প্রকৃতিকে ধন্যবাদ দিতেছিল। ধন্যবাদ দিবার কারণ এইটুকু যে, অপরাহ্নে এই পুষ্করিণীর সুদীর্ঘ সোপান-শ্রেণীর উপরিভাগে পথের ধারে বকুল-তলায় বাঁধানো সু-উচ্চ চাতালের উপর পল্লীর মাতঙ্গরদের যে মজলিস বসে ও নানারূপ আলাপ চলে, তাহাতে ঘাটের চাতালে বসিয়া এমন অসঙ্কোচে ও নিশ্চিন্তমনে নিত্যকার কাজগুলি সম্পন্ন

করা এই বধূটির পক্ষে কিছুতেই সম্ভবপর হইত না,—আবক্ষ অবগুণ্ঠন টানিয়া, বহু বুদ্ধি উপর তাহাকে কর্তব্য পালন করিতে হইত।

ঘাটের চাতালটির উপর বসিয়া সীমা নিপুণ অথচ ক্ষিপ্রহস্তে পরিপাটিক্রমে বাসনগুলি মাজিয়া বসিয়া ধুইয়া উপরের চাতালটির উপর তুলিয়া রাখিতেছিল,—তাহার অনতিদূরে পুষ্করিণীর তীরভূমি ও জলের কিয়দংশ জুড়িয়া আমগাছের একটা প্রকাণ্ড গুঁড়ি পড়িয়াছিল ; তাহারই এক অদৃশ্য কোঠারে বসিয়া পল্লীর সবচিন্ ও সাক্ষজনীন ভূতনী পিসী এই দুর্ঘ্যোগের সুযোগে পরম পরিতৃপ্তির সম্বিত পল্লীর কোন এক ভুংখ পাববারের জন্য মৎস্য শিকার করিতেছিলেন। তাঁহার হাতে একগাছা ছোট পুঁটলে-ছিপ, গাছের গুঁড়িতে নারিকেলের মালা-ঢাকা একটা ভাঁড় ; বডশীতে ভাতের চার গাঁথিয়া ফেলিয়া পিসী প্রায় প্রতিটানেই টকাটক পুঁটিমাছ ধরিয়া ভাঁড়ে ফেলিতোছিলেন। ছিপের ফাটনাটির উপর তাঁহার দৃষ্টি বিশেষভাবে নিবদ্ধ থাকিলেও, পারিপার্শ্বিক অবস্থা বা অবস্থিত যে পিসীর স্তম্ভদৃষ্টি অতিক্রম করিবার অবকাশ পাইয়াছিল—এ কথা সাহস করিয়া বলা চলে না। কেন না, নিজে গলগেল্য থাকিয়া সীমার উপস্থিতি ও তাহার কার্যকলাপ যেমন তিনি লক্ষ্য করিয়াছিলেন,—সীমার অজ্ঞাতসারে অতি সম্ভরণে ঘাটে অতুলের আবির্ভাব এবং আস্তে আস্তে সিঁড়ি বাহিয়া নামিয়া মধ্যে মাত্র দুইটি চাতালের ব্যবধান রাখিয়া তাহার নির্লজ্জের মত অবস্থান—এই দৃশ্যটিও তাঁহার লক্ষ্যভ্রষ্ট হয় নাই। এমন কি, অতুলের মুখের কদর্য হাসিটুকু ও সেই সঙ্গে সিগারেটের ধূম উদগীরণের অপূর্ব

ভঙ্গীটিও তাঁহার তীক্ষ্ণ দৃষ্টি আচ্ছাদন করিতে পাবে নাই। ছিপের ফাতনা এবং পুকুরের ঘাট—তুই দিকেই চোখের পাহারা সমানভাবে খাড়া রাখিয়া ভূতনী পিসী যথাস্থানে স্বকাষাসাধনে ব্যাপৃত রহিলেন।

ভিজা চাতালটির উপর তুইটি পায়েব ভব দিয়া আলগোছে বাসিয়া অতুল গীমাকে লক্ষ্য করিয়া কহিল, “এই বিষ্টি মাথায় ক’বে একলাটি ঘাটে এসে বাসন মাজতে লেগে গেছ, বোদি?”

সীমা চমকিত হইয়া চাহিল। পরিচিত হইলেও, এ সময় অতুলকে এত নিকটে নিলক্ষেত্র মত বাসিতে দেখিয়া তাঁহার সর্বাঙ্গ জ্বালা উঠিল। জ্ঞানাময় দৃষ্টিতে তাঁহার দিক চাহিয়া শ্বেবেব সুরে সে কহিল,—“এ ত আনার চিকদিনের ধবাবাগ বাত, ঝড় হোক, বিষ্টি হোক, বাত পড়ুক, আমাকে আসতে হবে। কিন্তু এত দুয়োগ মাথায় ক’বে আপাণা এখানে কি মনে ক’বে এসেছেন শুন?”

মুখবিবর নিঃশব্দ সিগারেটের ধূম সবেগে ও নব্বই সীমার দিকে নিঃশেষ করিয়া অতুল কহিল,—“এমনই, যাচ্ছিলাম এদিক দিখে, ঘাটের দিকে চাইতেই দেখতে পেলাম তোমাকে, তাও—”

সীমা অতুলের দিক পিছন ফিবিয়া জলে বাসনগুলি ধুইতে ধুইতে কহিল,—“পথ দিবে চলতে চলতে মেঘেদেব ঘাটের দিকে চাওয়াটা যেমন ভদ্রতা, বউমিকে একলা ঘাটে দেখে এমন ক’বে অপমান করতে আসাটাও তেমনই সাহসের কথা।”

সীমার সশ্লেষ কথায় কিছুমাত্র অপ্রতিভ না হইয়া অতুল উচ্ছ্বসিতকণ্ঠে কহিয়া উঠিল,—“হববে! বাঃ—বোদি, বাঃ!

তোমার কথা শুনে রাগ কবব কি, অনুরাগে একবারে মশগুল হয়ে যাচ্ছি। পাবলিক থিয়েটারেব কোনও ফাষ্ট ক্লাস অ্যাক্ট্রেসের চেয়ে কোনো অংশে তুমি খাটো নও, এ কথা আমি হুঁপ ক'বে বলতে পারি। কিন্তু তোমার কদর কেউ বুঝলে না; তোমার ছুঃখের কথা মনে হ'লে আমার বুক ফেটে যায়। তাই না আমি তোমাকে যখন তখন - ”

অতুলের কথায় বাধা দিয়া সীমা দৃপস্ববে কহিল,—“আপনি দয়া ক'বে উঠে যান এখান থেকে। আমার ছুঃখের জন্ত আপনাকে বুক ফাটাতে হবে না। আমার কোন ছুঃখ নেই।”

অতুল তাহার উচ্ছ্বাস আরও উচ্ছল কবিয়া বলিল, “ছুঃখ নেই তোমার, বৌদি? মিছা কথা বসে তুমি, আমি কি না জানি। তোমার দজ্জাল শাস্ত্রীর ব্যত্যাচার, উঠতে বসতে গালাগাল— ছুঃখ নয়? এই কাপড়ের কাঁড়ি আর বাসনের বোঝা নিয়ে পুকুরের ঘাটে এসে বসাকে ছুঃখ বলতে চাও না?”

দৃঢ়স্ববে সীমা উত্তর দিল,—“না; আপনি যেগুলোকে ছুঃখ বলছেন, ঠাকুবপো, আমি যদি বলি—ও-সবে আমার কোনো কষ্ট নেই। ববং সত্যিকাবেব কষ্ট যেখানে, তাই আপনি মোচন করতে নিজের বাড়ীতে বান,—তবলাব কষ্ট আগে দূর কববার চেষ্টা ককন।”

অতুল ক্ষুব্ধভাবে সীমার দিকে চাহিয়া প্রশ্ন কবিল,—“এ কথার মানে? আমার স্ত্রী তরলাকে এব মধ্যে টানবার কাবণ? সে কি তোমার মত জীবন্ত মনে কব? জান তুমি—আমার মা দিনবাত তার মন ষ্টিগিয়ে চলে, শাস্ত্রীকে সে-ই দেয সদাসর্বদা মুখনাড়া, তোমার মতন যন্ত্রণা কোনও দিন সে পায নি!

তুমি বলছ আমাকে—তার কষ্ট দূর করতে ? কি মনে ক’রে এ কথা বললে তুমি ?”

সীমা বিদ্যাৎরেখার মত মুখে হাসির একটা ঝিলিক তুলিয়া কহিল,—“এর মানে বোকবার মত বিদ্যা আপনার ঘটে নেই,—থাকলে আর কথা কইতেন না। তরলাকে জিজ্ঞাসা কববেন, সে এ কথার মানে বুঝিয়ে দেবে।”

“বটে ? তা হ’লে যে বিদ্যে তুমি এই ঘাটে ব’সে এমন সাহসের সঙ্গে প্রকাশ করলে, তার কিছু ‘পেনা’ ত তোমাকে দেওয়া দরকার,—এই নাও !”—বলিয়াই সে দগ্ধাবশিষ্ট সিগারেটটুকু সীমার গণ্ডদেশ লক্ষ্য করিয়া নিক্ষেপ করিল। আহত হইবা মাত্র সীমা ক্ষোভে, রোষে, বিদ্যাৎস্পৃষ্টবৎ সোজা হইয়া দাঁড়াইয়া অলস্ত-দৃষ্টিতে অতুলেব দিকে তাকাইল। দগ্ধ সিগারেটের অবশেষটুকু তাহার কোমল গণ্ডে যে দহনজ্বালা তুলিয়াছিল, তাহার শতগুণ জ্বালায় পদনধরপ্রান্ত হইতে সীমার মস্তিষ্ক পর্য্যন্ত একটা অব্যক্ত যন্ত্রণার সঞ্চারণ করিতেছিল।

অতুল উন্মত্তের মত হাসিয়া সীমার আরক্ত মুখখানির দিকে চাহিয়া কহিল,—“সাবাস ! কেনন তাগ করেছি—একবারে নিষাত ! ঠিক খায়গাটিতে গিরে পড়েছে। আজ এই পর্য্যন্ত বোদি,—কিন্তু বলে যাচ্ছি—এমন এক দিন আসবে, যে দিন সিগারেট ছুড়ে ফেলতে হবে না এমন ক’রে,—কাছে গিয়ে—”

হঠাৎ জলের ছপ্ ছপ্ শব্দ শুনিয়া অতুল মুখের কথা বন্ধ করিয়া প্রায় পশ্চাতে কিনারার দিকে তাকাইতেই দেখিতে পাইল, ভূতনী পিসী একহাঁটু জল ভাঙিয়া ঘাটের দিকে ধাইয়া

আসিতেছেন। তাঁহার বামহাতে মাছ-ধরা ছিপ! ভয়চকিত-নেত্রে অতুল লক্ষ্য করিল, ছিপখানি চাবুকের মত তুলিয়া ভয়াবহ মূর্তিতে তাহার দিকেই ঝুঁকুটি করিয়া পিসী ছুটিয়া আসিতেছে! শিহরিয়া উঠিয়া অতুল দ্রুতগতিতে সোপানশ্রেণী অতিক্রম করিতে লাগিল।

পিসীর কথায় সীমার চমক ভাঙিল। দেহের সমস্ত রক্ত মাথায় উঠিয়া তাহাকে কিছুক্ষণের জন্য যেন বাহুজ্ঞানশূন্য করিয়া দিয়াছিল।

পিসী বন্ধার দিয়া কহিলেন, “পোড়ারমুখো অতলো পালান যে, জল ভেঙে আসতে হ’ল দেবী, নইলে এই ছিপ-গাছটা ওব পিঠে ভাঙতুম না আজ!”

সীমা পিসীর দিকে চাহিয়া পরক্ষণে দৃষ্টি নত করিয়া হাতের কাঁচগুলি শেষ করিতে বসিল।

পিসী কিছুক্ষণ স্তব্ধভাবে সে দিকে চাহিয়া রহিলেন, তাহার পর কহিলেন, “আমি সব শুনেছি বাছা, দেখেছিও সব। তোমার সহকেও বলিহারি যাই!”

অশ্রু-উচ্ছ্বসিত মুখখানি তুলিয়া সীমা গাঢ়স্বরে কহিল, “আপনি ত সব জানেন পিসীমা, তবে কেন এ বিকার আমাকে দিচ্ছেন বলুন? আমি—আমি এখানে কি করতে পারি!”

হাতের ছিপখানা সিঁড়ির উপর লাঠির মতন ঠুকিয়া পিসীমা কহিলেন, “কি না করতে পারিস মা? লেখাপড়া শিখিছিস, অনেক কেতাব পড়িছিস, কিন্তু তা থেকে আদায় করেছিস কি? সত্যিকারের বিদ্যে যাদের পেটে থাকে, তাদের পা একটু যদি

কখনও পিছলোয়, ঠিকমত কথা র খোঁচা দিলেই তারা বায় শুধরে । কিন্তু এরা যে ইতরোমিতে পেকে উঠেছে গোড়া থেকে, এদের সায়েস্তা করতে হ'লে যে সত্যিকারের খোঁচা দিতে হয় মা, কথার খোঁচায় কিছু হয় না এখানে, বর পাকা পাকা কথা শুনে মুখ-পোড়ার দল আরও পেয়ে বসে । পারিস্ ত, কোমর বাঁধ, আমি তোঁর পেছনে আছি ।”

পিসীৰ কথাগুলি সীমার আড্ডে দেখখানিকে যেন ফুলাইয়া দিল, দুই চক্ষু তাহার উত্তেজনায় জলিয়া উঠিল । উত্তেজিত চিত্তকে অতিকণ্ঠে সংবৃত করিয়া সে উত্তর দিল, “সবই পাবি পিসীমা ; এ শিক্ষাও যে পাইনি, তাও নয় ; রাগ সামলাতে না পেয়ে লজ্জা-সরম ভুলে খাড়া হয়ে উঠেছিলুম আমি, তাও বোধ হয় দেখে থাকবেন । কিন্তু সঙ্গে সঙ্গে অমনি মনে গ'ড়ে যায়—”

সীমার মুখেব কথা টানিয়া লইয়া পিসীমা কহিলেন, “তোমার শাস্ত্রীর মুখ, তাব শাসন ; এই নিয়ে একটা কেলেঙ্কারী ! বুঝি সব, জানি সব । কিন্তু এও জানি মা, অন্টারের প্রশ্রয় কখনও দিতে নেই ; দিলেই সে অমনি পেয়ে বসে । যিনিই হোন, অন্টার কিছু করলেই, করবে তার প্রতিবাদ । তা যদি করতে, আজ এই অনামুখো অতলো এরকম ক'রে তোমার অপমান করতে পারত ?”

সীমার দুই চক্ষু তখনও জলিতেছিল, শেষের কথায় সেই সঙ্গে তাহার সর্বাঙ্গে আবার বিষের জ্বালা ধরিল । সে তখন নিৰ্ঝাক্ নয়নে এই স্পষ্টবাদিনী পল্লীর বিভীষিকা স্বরূপ পিসীমার দৃষ্ট মুখখানির দিকে তাকাইয়া রহিল ।

পিসীমা কহিলেন, “সেই মুখপোড়া ছোড়ার এত বড় আস্পর্দা,

পোডা সিগাবেট ছুড়ে তোব মুখে ছাঁকা দিযেছে, এ অপমান তুই
সইবি কি ক'বে ? সইতে পাববি ? এব প্রতিশোধ নিতে প্রবৃত্তি
হচ্ছে না তোব, সীমা ? শুধু কি কথা ছুডতেই পাবিস, আব
কিছু নয় ?”

সীমা হেঁট হইয়া পিসীমাব সিন্ধু পদতল স্পর্শ কবিয়া কহিল,
“আপনি আজ আমাকে নূতন শিক্ষা দিলেন পিসীমা, আমি ভুলব
না ; এর পরীক্ষা খুব শীঘ্রই আমি দেব, পিসীমা । তখন কিন্তু
আমাকে দেখবেন ।”

পিসীমা তাঁহার দৃঢ়হস্তের দুইটি অঙ্গুলি দিয়া সম্মুখে সীমাব
চিবুক স্পর্শ কবিয়া কাহিলেন,—“যে দেখবাব, সেই দেখবে , তাব
জন্মে ভাবতে হয় না । আজ তোব এই লাঞ্ছনা দেখে গেলুম,
মুখ বৃজে থাকব, কাউকে বলব না , যে দিন এই লাঞ্ছনাব শোধ
ভুলতে পাববি, সেই দিন তোকে বুকে জড়িয়ে ধ'বে আশীর্বাদ
করব আমি— এ কথা মনে রাখিস, সীমা ।”

দুই

খিদিবপুরের কোনও প্রাচীন বক্ষণশীল একান্নবর্তী বর্দ্ধিস্কুণ্ড
পবিবাবের মধ্যে সীমাব শৈশব ও কৈশোব জীবন অতিবাহিত হয় ।
সহবেব নানাবিধ নেত্রসুখকব আবেষ্টনেব মধ্যে প্রতিপালিত হইয়াও
সীমা পল্লী-সমাজেব ঘাতপ্রতিঘাতপূর্ণ জীবনযাত্রার সহিত পবিচিত
হইবার অবকাশ পাইয়াছিল । এই বৃহৎ পবিবাবের অনেকগুলি

কল্যাণই সহবেব পৈতৃক খেলাঘবেব খেলা শেষ কবিয়া বেহালা, আবিষাদহ, পূৰ্ণ-নপাড়া, জনাই, বালি, জঘনগৰ শ্ৰুতি সমাজ-শাসিত প্ৰসিদ্ধ পল্লীসমূহেই চিবজীবেব খেলাঘব পাতিয়া বসিয়াছিল। এই সূত্ৰে সীমা একাধিকবাৰ সকল ভগিনীৰ সংসাৰ দেখিয়া, পল্লী জীবেব সামাজিক অভিজ্ঞতা কিছু কিছু সঞ্চয়ও কবিয়াছিল। স্মৃতিবাং যথাকালে এমনিই এক পলাভবনে গিয়া সংসাৰ পাতিবাৰ ডাক যখন তাহাৰ উপৰ আসিয়াছিল, সে কিছুমাত্ৰ বিমৰ্ষ বা বিভীষিকা গ্ৰস্ত হয় নাই।

সীমাৰ পিতা পীতাম্বৰ চট্টোপাধ্যায় সহবেব ভূষণ স্বৰূপ ছিলেন। তাহাৰ অসাধক ব্যবহাৰ, আচাৰ-নিষ্ঠা ও সত্যবাদিতা আদৰ্শ মানায় চি।। মোকেব উপকাৰ কৰিবাৰ সময় তিনি যেমন আগনাৰ পাত্ৰেব দিকে দৃষ্টি বান্ধিতেন না, অতি বড় অপকাৰ আ-পাচন্দাও তেনেই মনে স্থান দিতেন না। ইহেৰ ভদ সকনেই চট্টোপাধ্যায় মহাশয়কে দেবতাৰ মত ভক্তি কাৰত। এত বড় এবাৰ তা সংসাৰটিৰ ইনিই ছিলেন গবিচালক। অন্তৰ্জ প্ৰাতাৰা আঞ্জাবহ ভ্ৰাত্যেব মত তাহাৰ আদেশ মানিয়া চলিতেন।

কিন্তু একটি বিষয়ে চট্টোপাধ্যায় মহাশয়েব এই দুৰ্দীনতা দেখা যাত যে, কেহ অন্যায় কৰিনেও তিনি তাহাৰ কাৰতে পাবিতেন না। কাহাৰও দোষ দেখাইয়া দিয়া তাহাকে নজ্জা দিতেও তিনি সঙ্কুচিত হইতেন। এ বিষয়ে তাহাৰ সহধৰ্ম্মিণী সৰ্বদাই তাহাকে সচেতন কৰিয়া দিতেন। কিন্তু তাহাৰ সাবধানতা অধিকাংশ সূনেই ব্যৰ্থ হইয়া বাহত। চট্টোপাধ্যায়-গৃহিণী দেবতুণ্য স্বামীৰ সকল সদুণ্ডেব অধিকাৰিণী হইলেও, তাহাৰ প্ৰকৃতিগত

দুর্ভাগ্যতার একান্ত বিরোধী ছিলেন। কেহ কোন অনায়াস করিলে, তিনি কিছুতেই তাহা সহ করিয়া চুপ করিয়া থাকিতে পারিতেন না, সঙ্গে সঙ্গে উচিত কথা শুনাইয়া দিতেন। এজন্য এই বৃহৎ সংসারে সকলেই তাঁহাকে ভয় করিয়া চলিত; স্পষ্টবক্তা বলিয়া তিনি একটা খ্যাতিলাভও করিয়াছিলেন। পিতার সাধুতা ও মাতার স্পষ্টবাদিতা শৈশব হইতেই সীমার সরল প্রকৃতির উপর প্রতিফলিত হইয়াছিল। শুধু ইহাই নহে, মায়ের নিপুণহস্তের গৃহস্থালীর যাবতীয় কাৰ্যকৰ্ম্ম সে এমন দক্ষতার সহিত আয়ত্ত করিয়া লইয়াছিল যে, তাহার বিবাহের পূর্বেই বাড়ীর সকলেই বলাবলি করিতেন,—‘স্বশুরবাড়ী গিয়ে সীমাটী সব মেয়ের চেয়ে বেশী নাম নেবে; যত বড় দজ্জাল শাসুড়ী হোক না কেন, সীমার কাৰ্য দেখে—গতর দেখে ধন্যি ধন্যি করবে।’

এই বৃহৎ পরিবারের এক পাল মেবের বিবাহ যথান্যোগ্য বয়সেই হইয়াছিল; পাত্রসংগ্রহে কোনও ক্ষেত্রেই বিড়ম্বনা ভোগ করিতে হয় নাই। কিন্তু সৰ্ব্বগুণবতী সীমার বর স্থির করিতেই যেখানকাৰ্য যত বাধা-বিঘ্ন প্রতিবন্ধক যেন যোট বাধিয়া দেখা দিল। নির্বাচিত পাত্রপক্ষের একটা না-একটা খুঁত বাহির হইয়া সম্বন্ধ ভাঙিয়া দিতে লাগিল। এইরূপ অনিবার্য প্রতিবন্ধকতায় বৎসরের পর বৎসর যেমন অতীত হইয়া সীমার বিবাহের বয়সের সীমা অতিক্রম করিতেছিল, পক্ষান্তরে বিদ্যা, শিল্প ও সাংসারিক যাবতীয় শিক্ষা সম্বন্ধে তাহার পটুতা ও অভিজ্ঞতা দৃঢ়তর হইতেছিল।

বহু অনুসন্ধানের পর, খিদিরপুর হইতে কয়েক ক্রোশ দূরে অবস্থিত মহেশখালী নামে কুলীনপ্রধান এক বর্দ্ধিষ্ণু গণ্ডগ্রামে

সীমার সংসার পাতিবার বিধি-ব্যবস্থা স্থির হইয়া গেল। পাত্রটি কোনও প্রসিদ্ধ সওদাগরি আফিসে পঞ্চাশ টাকা মাহিনার চাকুরে, সংসারে পরিবারের মধ্যে পাত্রের মা এবং সেই মায়ের মা মাত্র বিদ্যমান, দুইটিমাত্র ভগিনী, তাহারাও পাত্রের হইয়া স্বামীর সংসার অধিকার করিয়াছে অনেক দিন। পাকা বাড়ী এবং কিছু জমি-জমাও আছে। সর্বোপরি—পাত্রের কোলীনের মর্যাদাটুকু একবারে কানায় কানায় ভরপুর ছিল, তাহার একটি কোণও কোনপ্রকারে খালি হয় নাই বা ভাগ্যরজাত কুলরত্ন সম্পূর্ণ নিখুত হইয়াই ছিল—কোথাও এতটুকু দাগ ধরে নাই।—রক্ষণশীল চট্টোপাধ্যায় মহাশয়ের এই পাত্র সম্বন্ধে ইহাই ছিল সব চেয়ে শাস্তি, তৃপ্তি ও সাহসনার বিষয়। এমন কি, দেখাশুনার পর উপবাচক হইয়া মহেশখালীর কোণও পরিচিত অধিবাসী চট্টোপাধ্যায় মহাশয়কে নিভূতে ডাকিয়া বলিয়াছিলেন,—“এ ঘরে দেওয়া, আর মেয়ের হাত পা বেধে জলে ফেলে দেওয়া সমান কথা, চাভুযো মশাই!”

চট্টোপাধ্যায় মহাশয় এ কথা শুনিয়া সবিস্ময়ে প্রশ্ন করিয়াছিলেন,—“কেন বলুন ত?”

হিতৈষী হাসিয়া উত্তর দিয়াছিলেন,—“কুলীনের ঘরে সাতাশ বছরের আইবুড়ো ছেলে দেখেও কিছু বুঝতে পারেন নি, মশাই? ছেলে ভাল, সংস্থানও নেহাৎ মন্দ নয়, ঘর-বাড়ী জমি-জেরাৎ আছে, এ সবই ভাল বলতে হবে। কিন্তু নির্ঘাত হচ্ছে—ঐ জোড়া মা!”

—“জোড়া মা? বুঝতে পারছি না ত!”

—“বুঝতে পারছেন না ? কিন্তু এইটিই আগে বোঝা উচিত ছিল, চাডুযো মশাই । ছেলের মা, আবার সেই মায়ের মা !—সারা মহেশখালী এদের নামে কাঁপে ! মেঘের বর—জামাই, তাদেরই ধ’রে ধ’রে ঠেঙিয়ে দেয়—এমন চীজ এবা দুটি !—এ ত ছেলের বউ,—আস্ত রাখবে না ! মা যদি ভাঁজেন মুগুর, তস্তু মা ভাঁজবেন দুস্মুস ; মা রেগে মারবার জন্তে জাঁতি তুললে, তস্তু মা সঙ্গে সঙ্গে বৃকের ওপর জাঁতা ঘুবিয়ে দেবেন ! বড় কঠিন ঠাই চাডুযো মশাই, বাকে বলে—একা রামে রক্ষে নেই স্ত্রীদোসর ; এও তাই ! খুব বুঝে সুরো এ ঘরে মেয়ে পাঠাবেন বলে রাখলুম ।”

কিন্তু সত্যনিষ্ঠ চট্টোপাধ্যায় মহাশয় তখন কথা দিচ্ছিলেন । ব্রহ্মাণ্ড ওলট-পালট হইলেও মুখেব কথা তিনি ফিবাইয়া লইতেন না । বিশেষতঃ পল্লীর যে হিতৈষীটি উপযাচক হইয়া তাহাকে এতগুলি কথা শুনাইতে আসিয়াছিল, সকলের অসাম্বন্ধে নিভৃত ডাকিয়া শুধু তাহারই নিকট ব্যক্ত কবাত্তে তিনি কথাগুলির গুরুত্ব উপলব্ধি করেন নাই । মনে মনে ভাবিয়াছিলেন, ছেলের বয়স হইয়াছে সত্য, কিন্তু তাহার কণ্ঠা ? সেও যে কৈশোর আতিক্রম করিয়া যৌবনের পথে পদাপণ কবিয়াছে । আব শাস্ত্রীভী অত্যাচার ? সে কোন্ সংসারে না ঘটে ? বিশেষতঃ সীমা সাংসারিক কাষকর্মে যেমন পারদর্শিনী হইয়া উঠিয়াছে, তাহাতে যে-কোন সংসার সে একাই চালাইয়া লইতে পারে ; এ অবস্থায় কি অপরাধে শাস্ত্রীভী অত্যাচার কবিবে ? সীমা যে সকলকে মানাইয়া লইতে শিখিয়াছে, তাহার ব্যবহারে সকলেই মুগ্ধ হইয়া যায়, শ্বশুরবাড়ীতে তাহার লাঞ্ছনা অসম্ভব ।

চট্টোপাধ্যায় মহাশয় মনে মনে যখন সীমার স্বশুরবাড়ী ও তাহার সংসার সম্বন্ধে এই সকল চিন্তা করিতেছিলেন, ভবিতব্য বুঝি তখন অলক্ষ্যে থাকিয়া হাসিয়াছিলেন! বিবাহের পর বৎসর ঘুরিতে না ঘুরিতে, স্বশুরবাড়ী সম্বন্ধে সীমা কোনও কাহিনী বিশেষভাবে ব্যক্ত না করিলেও, কাণ্ডযুগায় প্রকাশ হইয়া পড়িল যে, পাত্র-দেখা-শুনার সময়—মহেশখালীর সেই লোকটি উপবাচক হইয়া যে সকল কথা শুনাইয়াছিল, তাহা ভিত্তিহীন নহে।

বিচার অতি বিচা যেমন গুণ হইয়াও দোষে দাঁড়াইয়াছিল, তেমনই সীমার শিক্ষা ও অভিজ্ঞতালব্ধ গুণগুলিও একে একে তাহার শাস্ত্রী ও শাস্ত্রী-জননী দিদি-শাস্ত্রীর নিকট নানাবিধ দোষের কারণ হইয়া দাঁড়াইল।

প্রথম বরষাস্ত করিতে আসিয়াই আচার-ব্যবহার, কথাবার্তা ও চালচলনে সীমা যে বৈশিষ্ট্যের পরিচয় দিয়াছিল, তাহা গণ্ডগ্রাম মহেশখালীতে নূতন। গ্রামের মেয়েরা অবাক হইয়া তাহার দিকে তাকাইয়া থাকিত। রাজনীতি, সমাজ, ধর্ম, সাহিত্য, শিল্প সম্বন্ধে সীমার স্বচ্ছ মতামত শুনিয়া পল্লীর ফ্যানসানবিলাসিনী তরুণীরাও অবাক হইয়া যাইত। এ পর্যন্ত এই ধারণাই তাহাদের মনে বদ্ধমূল ছিল যে, বসনে-ভূষণে নূতনত্ব দেখাইয়া পল্লীর সমবয়সী নারীসমাজে একটা আন্দোলন তোলাই মেয়েরের উচুদের কৃতিত্ব। কিন্তু সীমার কথাবার্তা শুনিয়া তাহারা প্রথম বুঝিল যে, কৃতিত্ব-প্রকাশের অন্য পথও আছে—সে পথে দাঁড়াইয়া প্রতিষ্ঠা লইতে পয়সা খরচ করিয়া কাপড় গহনা খরিদ করিতে হয় না,—কঠোর সাধনায় তাহা আয়ত্ত করিতে হয়। বড় বড় উপন্যাস-পাঠের নেশা

যে সকল তরুণীকে আচ্ছন্ন করিয়া রাখিত, তাহারা সীমাকে দেখিয়া, তাহার কথা শুনিয়া, মনে মনে ভাবিতে আরম্ভ করিল— বইয়ে তাহারা যে সব মেয়ের কথা পড়ে, সীমা বুঝি তাহাদেরই এক জন।

কিন্তু সীমার শাশুড়ী বিশ্বেশ্বরী বয়স্হা বধূর এ সকল কৃতিত্ব কিছুতেই বরদাস্ত করিতে পারিলেন না। সীমার কথাবার্তার ভঙ্গী একটু অসাধারণ ছিল এবং তাহার ভাষা এমন মার্জিত ও বিশুদ্ধভাবে উচ্চারিত হইত যে, পল্লীর শিক্ষাভিমानी পুরুষদের মুখেও তেমনটি শুনিতে পাওয়া যাইত না। স্মরণ্য বধূর এ স্পর্শক বিশ্বেশ্বরীর অসহ্য হইয়া উঠিয়াছিল। সীমার মুখে উচ্চগ্রামের কথা কিছু শুনিলেই তিনি নাসিকা সঙ্কুচিত ও মুখখান বিকৃত করিয়া কহিতেন, “ও সব সহরে চণ্ড ভুলে যাও, বাছা; এসেছ পাড়ারগায়ে গেরস্তর ঘর করতে, এখানে ও-সব চলবে না।”

দিদিশাশুড়ী এলোকেশী সঙ্গে সঙ্গে রসান দিয়া বলিয়া উঠিতেন, —“নাত বউ কথা কহিলে মনে হব, বুঝি খ্যাটার (খিরেটার) করছে!”

সকল বিষয়েই পরিষ্কার-পরিচ্ছন্নতার দিকে সীমার বিশেষ লক্ষ্য ছিল এবং ছেলেবেলা হইতেই এ সম্বন্ধে সে শিক্ষা পাইয়াছিল। শাশুড়ী বিশ্বেশ্বরীর খর দৃষ্টিতে ইহাও দোষ বলিয়া গণ্য হইল। “গেরস্তর বাড়ী, এখানে অত পিটপিটিনি কেন? এ কি হাসপাতাল, না, ডাক্তারখানা—যে একটু কিছু হ'লেই ফ্যানালিন (ফিনাইল) ছড়াতে হবে? ধোপার খরচই বা এত কেন বাছা? যোগাবে কে শুনি? আর হট বন্ডে নতুন কাপড় পাট ভেঙে

পরা আমরা দুচক্ষে দেখতে পারি না ; কেন ? ময়লা কাপড় পরলে সোণার অঙ্ক কি কালি হয়ে যায় ? এ সব হচ্ছে সত্বরে বিবিয়ানা, এখানে ওসব আধিক্যেতা চলবে না, বাঁছা !”

এ বাড়ীর কয়টি প্রাণীর প্রকৃতির পরিচয় পাইতে বুদ্ধিমতী সীমার বিলম্ব হয় নাই। শাশুড়ী দিদিশাশুড়ী যে একই তারে বাঁধা পুতুলবিশেষ,—একটির উপর টান পড়িলে অন্যটিও সঙ্গে সঙ্গে নড়িয়া উঠিবে, একটি নাচিলে অপরটিও নাচিতে পাছখানি তুলিবে, তাহা সে বুঝিয়াছিল। মা ও মেয়ে দুই জনেরই অধঃ বিশ্বাস, তাহাদের মত আলাপী, তাহাদের মত পাকা গৃহিণী, তাহাদের মত গৃহস্থালী সকল কন্ঠেই পটীষমী—বিশ্বব্রহ্মাণ্ডে আর কেহ নাই। তথাপি, মহেশখালীর প্রত্যেক বাড়ীর মেয়েরা এমন হিংস্রটে যে, তাহাদের সূখ্যাতি কাহারও মুখে আসে না। অথচ বধু সীমা এ বাড়ীতে পা দিতে না দিতেই তাহার সূখ্যাতি কাহারও মুখে বুলি আব ধবে না—পাড়ার শুদ্ধ মেয়ের মুখ দিয়া সীমার নাম উঠিতেই যেন লাল পড়ে। ইহা কি শাশুড়ী দিদিশাশুড়ীর প্রাণে সহ হইতে পারে ? বধু আসিয়া তাহাদের মুখ পুড়াইয়া দেয় ? তাহাদের দেখিলে পাড়ার মেয়েরা পাশ কাটাইয়া পালায়, আর বধুর সঙ্গে আলাপ করিতে বাড়ীতে মেয়ে আর ধরে না ! এমন অসৈরণ কি দেখা যায় গা ?

তাহার পর, সীমার স্বামী গোবর্দ্ধন,—তাহারও আস্পর্শা কি কম ! মা আর দিদিমা বৈ যে আর কাহাকেও জানিত না,—পাড়ার কাহারও সহিত মিশিতে চাহিত না, সারাদিনের খাটুনির পর, মা ও দিদিমার কোলের কাছে বসিয়া যে তৃপ্তি পাইত,

আফিসের কত কথাই বলিত ; যাহা কিছু আদ্য—তাহা অসঙ্কোচে প্রকাশ করিয়া নিজে যেমন সুখী হইত, মা ও দিদিমাকেও সেই পরিমাণে আনন্দ দিত,—কি সুখের দিনই না তাহাদের ছিল!—কিন্তু এখন?—ছেলে আফিস হইতে আসিয়াই নিজের ঘরে আশ্রয় লয়,—সর্বাগ্রে চায় এখন সীমার সঙ্গ! মা-দিদিমার কাছে আর তেমন করিয়া ছুটিয়া আসে না, কাছে বসিয়া গল্প করে না, এটা খাব, ওটা খাব বলিয়া আদ্য তুলে না!—এই যে আকস্মিক ব্যবধান, কে—কে ইহার জন্ম দাবী বল ত? বধু সীমা সহসা এ সংসারে আসিয়া—মাতা-পুত্রের মধ্যস্থলে ব্যবধানের এই প্রাচীর তুলিয়া দেয় নাই কি? বধুব এ স্পর্শ কি বিশ্বেশ্বরীর মত মাতা সহ্য করতে পারে? তোমরাই বল না!

গোবর্দ্ধন যদিও তাহার পরিচিত বন্ধুদের মধ্যে এবং পাড়ার প্রত্যেকেরই নিকট ‘গোবর-গণেশ’ বলিয়া অভিহিত হইয়া আসিয়াছে, কিন্তু সীমা তাহার এই নিরীহ ও অল্পভাষী স্বামীটিকে স্ত্রীতির দৃষ্টিতে দেখিয়া সহানুভূতির সহিত হৃদয়মন্দিরে বরণ করিয়া লইয়াছিল। এই নির্ঝঙ্কট মানুষটির অসীম দৈর্য্য ও সহনশীলতাব পরিচয় পাইয়া সীমা চমৎকৃত হইয়া গিয়াছিল। সে বিশেষভাবেই লক্ষ্য করিয়াছিল, তাহার সম্বন্ধে তাহার স্বামীর মনে কোনও বিরাগ বা কিছুমাত্র অভিযোগ যেমন নাই, তাহার বিরুদ্ধে মায়ের বিকৃত মনোভাব সম্বন্ধেও তেমনই কোনও প্রতিবাদ করিবার সামর্থ্যও তাহার নাই। সীমাকে একান্তে পাইয়াও সে যেমন চিরসঞ্চিত মাতৃভক্তির একটুও অপচয় করে নাই, সহধর্ম্মিণীর প্রতি যথাযোগ্য স্নেহ প্রকাশেও তেমনই উদাসীন নহে।

আফিস হইতে আসিয়া যদিও গোবর্দ্ধন নিজ কক্ষে সীমার সঙ্গই সর্বাগ্রে কামনা করিত, কিন্তু অনতিবিলম্বে মা ও দিদিমার পদপ্রান্তে বসিয়া শ্রদ্ধা-নিবেদনেও তাহাকে চির অভ্যস্ত দেখা যাইত। অবশ্য, মায়ের চিত্ত তাহাতে যে উৎফুল্ল হইয়া উঠিত, তাহা বলা চলে না—বরং একটা অভিমান প্রচ্ছন্নভাবে মাতৃহৃদয় আচ্ছন্ন করিত এবং তাহাই ক্রমশঃ দ্বেষ ও রোষে পরিণত হইয়া সীমার অদৃষ্ট অন্ধকার করিয়া তুলিত।

সকলের প্রকৃতি পুস্তকের মত পাঠ করিয়া সীমা প্রত্যেকেরই মন রাখিয়া যতদূর সম্ভব দক্ষতার সহিত তাহার কর্তব্যপালনে প্রবৃত্ত হইয়াছিল,—কিন্তু দুর্ভাগাক্রমে সকল প্রচেষ্টাই তাহার ব্যর্থ হইয়া গেল! একটি দিনের জন্ত সে তাহার শাশুড়ী বা দিদি-শাশুড়ীর মন পাইল না। যে কাণটি সে ভাল ভাবিয়া করিত, তাহা লইয়াই তাহার উপর শাশুড়ীর গজনা আরম্ভ হইত। অথচ, সীমা সুস্থ শরীরকে এভাবে ব্যস্ত করিবার এবং সংসারের শান্তির উপর অনর্থক অশান্তিকে ডাকিয়া আনিবার কারণ বৃথিতে পারিত না। এক এক সময় সে প্রতিবাদ যে না করিত, তাহা নহে; কিন্তু তাহার ফল বিপরীত হইয়া দাঁড়াইত,—এমন সব অকথা-কুকথা তাহার উপর বর্ষিত হইত, যাহার সঙ্গিত সে কোনও দিনই পরিচিত নহে। সর্বাপেক্ষা তাহার মনে বেশী আঘাত লাগিত, যে দিন তাহার মিষ্টভাষিণী শাশুড়ী ও দিদি-শাশুড়ী তারস্বরে নানা অশ্রাব্য গালি-গালাজের সঙ্গে তাহার প্রাতঃস্মরণীয় পিতাকেও আক্রমণ করিতে দ্বিধা করিতেন না!—অনশনে ও অবিশ্রান্ত রোদনের ভিতর দিয়াই সে দিন তাহার কাটিয়া যাইত!

শাশুড়ী বিশ্বেশ্বরীর দাপটে পাড়ার সমবয়সী মেয়েদের এ বাড়ীতে আসা যখন বন্ধ হইয়া গেল, তখন হঠাৎ এক দিন অতুলের আবির্ভাব হইল। অতুল বিশ্বেশ্বরীর পিসতুতো ভাইয়ের ছেলে। পাড়ার মধ্যে এই ছেলেটিই বিশ্বেশ্বরীর স্নেহ আকর্ষণ করিতে পারিয়াছিল,—অথচ, পাড়ার সকলেই ইহাকে বিষনেত্রে দেখিত, মেয়েরা ইহাকে দূর হইতে দেখিলেই ঘোমটা টানিয়া আত্মগোপন করিতে ব্যাকুল হইয়া উঠিত।

অতুলের স্ত্রী তরলার সন্তিত সীমার পরিচয় হইয়াছিল। সে নিজেই স্বামীর কুচবিত্ত সম্বন্ধে কত কথাই বলিত, নিজের অদৃষ্টের নিন্দা করিত। অতুলকে দেখিয়াই সীমা ঘোমটা টানিয়া দিয়াছিল ; —এই তাহার অপরাধ।

সীমার এই অতি লজ্জা আজ যেন বিশ্বেশ্বরীকে ক্ষিপ্ত করিয়া তুলিল। তর্জন করিয়া সে বলিয়া উঠিল,—“ইন্, লজ্জা দেখে যে আর বাঁচি না! ভগিনীপোতরা দেখা করতে এলে, তখন ত সংজ্ঞে হারিয়ে ব'স—গল্প আর কুরোয় না,—যত লজ্জা বুঝি আমার ভাইপোর কাছে? আজ যেন কপালগুণে সব ছট্কে পড়েছি, নইলে ত একতর থাকবার কথা,—দেওরকে দেখে আর লজ্জায় আধ হাত ঘোমটা টানতে হবে না—চং দেখে আর বাঁচি না!”

উত্তরসাধিকা দিদিশাশুড়ী অমনি সান্নায়ের পৌ ধরার মত হাত-মুখ নাড়িয়া সুর করিয়া রসান দিল,—“রাই আমাদের নজ্জাবতী লতা! আড়াল পেলেই ঘোমটা তুলে নাচেন তখন থ্যামটা!”

যদিও সেদিন সীমা এই সব অবাস্তুর মস্তব্য শুনিয়াও অবগুণ্ঠন

মোচন করে নাই, বা শাশুড়ীর পীড়াপীড়ি স্বত্বেও অতুলের সঙ্গে কথা কহে নাই ; কিন্তু এ সঙ্কল্প সে বেশী দিন বজায় রাখিতে পারে নাই । যে বিষয়টির জন্য সীমার জেদ দেখা যাইত, সেই জেদটিকেই ভাগিয়া দিয়া সীমাকে খাটো করাই বিশেষরূপে দৃঢ়তর লক্ষ্য ছিল । সুতরাং সেই দিনটি হইতে নিতাই যখন এ বাড়ীতে অতুলের যাতায়াত অনিবার্য হইয়া উঠিল, তখন শাশুড়ীর জেদ রক্ষা করিতে সীমাকে নিজের জেদ ভাঙিতে হইল । অর্থাৎ, তাহাকে মাথার অবগুণ্ঠন খসাইতে হইল এবং অতুলের সঙ্গে কথা কহিতেও হইল ।

এই অধিকার পাঠিয়া ক্রমে অতুল যে স্পর্শের পরিচয় দেয়, বকুলপুকুরের ঘাটে দুর্গোৎসব সারাহে আমরা তাহা প্রত্যক্ষ করিয়াছি ।

তিন

পুকুরঘাট হইতে সীমা যখন বাড়ীতে ফিরিয়া আসিল, তখন সবে মাত্র সন্ধ্যা হইয়াছে । বিশেষরূপে সীমার বিলম্বে ধৈর্য্য হারাইয়া তাহার উদ্দেশে নিজের স্বভাবসিদ্ধ ভাষায় পূবীষ-প্রবাহ ছড়াইতে ছড়াইতে সবে মাত্র সন্ধ্যার প্রদীপটিতে অগ্নি-সংযোগ করিয়াছে ; সীমাকে দেখিয়াই একবারে মারমুগী হইয়া তাহার সম্মুখে গিয়া দাঁড়াইল ।

পূর্ণ তিনটি বৎসর একাদিক্রমে সমানভাবে সকল অত্যাচার সহ করিয়া, লাঞ্ছনা, গঞ্জনা, পীড়ন, নির্যাতন দৈনন্দিন ভূষণ

করিয়া লইয়া, নিজের সহজাত তেজস্বিতা, স্পষ্টবাদিতা, শক্তি, সামর্থ্য, জেদ ও সাহসিকতা সমস্তই নির্বিচারে এই সংসারের যুগ-মূলে বলি দিয়া, সকল দিকে সকল রকমেই সীমা আপনাকে রিক্তা মনে করিয়া বেশ নিশ্চিত হইয়াই ছিল। কারণে অকারণে শাশুড়ী-দিদিশাশুড়ীর নিশ্চয় পীড়ন আরম্ভ হইলে, সে মুখটি বুজিয়া সহ করিয়াছে ; আচাল-পচাল অশ্লীল গালি-গালাজ, যাহা তাহার প্রতিস্পর্শ হইলেও সে শিহরিয়া উঠিত—দুই চক্ষুতে জ্বালা ধরিত, তাহাও নির্বিচারভাবে শুনিতে অভ্যস্ত হইয়া গিয়াছে ; পিতা-মাতার সম্বন্ধে উঁচু কথাটি কানে বাজিলে প্রথম প্রথম সে মনে করিত, দুই কানের ভিতর যেন কোনও জ্বালাময় উত্তপ্ত দ্রাবক প্রবেশ করিতেছে, এখন সদাসর্বদা পিত্রালয় ও পিতা-মাতা সম্বন্ধে নানা কদর্যা গালিগালাজ শুনিয়াও সে পাষণের মত নিথর হইয়া এই সংসার মাথায় করিয়া চলিয়াছে ; কোনও প্রতিবাদ করে নাই, স্বামীর কাছে একটি দিনের জন্তুও কোনও অভিযোগ তুলে নাই, একটিবারও সে মাথা তুলিয়া দাঁড়ায় নাই। কিন্তু আজ ?

স্বক্ষেণে কি কুক্ষেণে কে জানে, বকুলপুকুরের ঘাটে স্পর্ধিত বর্ষরের সেই নিষ্করণ আচরণ, তাহার নিষ্ঠুর হস্ত নিষ্কিপ্ত দণ্ড সিগারেটের অপবিত্র জ্বালাময় স্পর্শ আজ বুঝি আত্ম-বিস্মৃত সীমার স্বভাব-বিরুদ্ধ সহন-শীলতা, ধৈর্য ও তিতিক্ষার বন্ধন ভঙ্গ করিয়া দিয়া সীমার দেহে মনে সত্যিকারের সঘিৎসঞ্চীর করিয়াছে ; তাহারই প্রভাবে তাহার উদ্বলিত-চিত্তে আজ এই প্রশ্ন স্বভাবতই উঠিয়াছে, সে কোথায় চলিয়াছে, অন্ধের মত অসহায়ভাবে, মুক্তির পথে ? না মৃত্যুর দিকে ?

ঠিক সময়েই ভূতিনী পিসী তাহার সংশয়ের বুদ্ধি সমাধান করিতেই আসিয়াছিলেন। তিনি জানাইয়া দিলেন—মৃত্যুর পথেই ত সে চলিয়াছে! অন্টার প্রশ্নর কি কখনও দিতে আছে?

সীমা আজ বুঝিয়াছে, সত্যই ত সে এত দিন ভুলের পথেই তাহার যাত্রা আরম্ভ করিয়াছিল। তিনটি বৎসর ত সে সবই সহ করিয়াছে, কিন্তু তাহার ফলে সে পাইয়াছে কি? অত্যাচার ক্রমশঃই প্রবাহের পর প্রবাহ তুলিয়া তাহার দেহ ও মনের উপর দিয়া ছুটিয়া চলিয়াছে! যে শেষ লাঞ্ছনাটুকু অবশিষ্ট ছিল, তাহার কথা সে কোনও দিন কল্পনাও করে নাই—তাহাই এবাব জ্রুকুট করিয়া দেখা দিয়াছে! কিন্তু ইহার জন্ম দায়ী কে?—কথাটা মনে উঠিতেই সর্বশবীর তাহার জ্ঞান কথিয়া উঠিল। কি করিয়া যে পিচ্ছিল পথটুকু অতিক্রম করিয়া সে বাড়ীতে ঢুকিয়াছিল, সে বুঝি নিজেই তাহা জানে না; যেন কি একটা প্রবল প্রেবণা—অস্বাভাবিক উত্তেজনার আবেগে তাহাকে টানিয়া আনিয়াছিল।

বিশেষণী বখন মারমুখী হইয়া সীমার সম্মুখে ছুটিয়া গিয়া হৃৎকার তুলিয়া কহিল,—“এতক্ষণ এক হচ্ছিল ঘাটে হাবামজাদী?—বাপের বাড়ীর কোন্ পারিতের কানাই ইয়ারকী দিতে এসেছিল, শুনি?”

অন্যদিন হইলে সীমা মুখটি নীচু করিয়া নিরুত্তরে হাতের জিনিসগুলি সামলাইয়া রাখিত—এত বড় ইতর গালাগানও সে পরিপাক করিতে দ্বিধা করিত না। কিন্তু আজ তাহার মাথার ভিতর আগুন জ্বলিতেছিল, জ্বলন্ত দৃষ্টিতে শাশুড়ীর মুখের দিকে তাকাইয়া সে আজ উত্তর দিল,—“আমার বাপের-বাড়ীর কেউ এ দুর্ঘ্যোগে আসে নি, আপনার বাপের বাড়ী থেকেই এসেছিল!”

হাতের বাসন ও কাচা কাপড়গুলি নামাইয়া রাখিতে যে সময়টুকু লাগিয়াছিল, বিশ্বেশ্বরী ততক্ষণ স্তব্ধ হইয়া বধুর দিকে চাহিয়াছিল। অতি বিস্ময়ে কিছুক্ষণ তাহার বাক্যস্মৃতি হয় নাই! পদতলে সে বাহাকে টিপিয়া মারিতে পারে, এমন যে অসহায়, এতখানি রূপার পাত্রী, সেই তাহার বধু—আজ তাহার স্মায় শাস্ত্রীর মুখের উপর মুখ তুলিয়া সমান জবাব দিল!

সীমা উঠিতে না উঠিতে বাঘিনার মত তাহার উপর ঝাঁপাইয়া পড়িয়া দুই হাতে তাহার কণ্ঠ চাপিয়া ধরিয়া বিশ্বেশ্বরী কহিল,—
“কি বলিলি, কালামুখী!”

সীমা তৎক্ষণাৎ স্নকোশলে আপনাকে মুক্ত করিয়া লইয়া দুই হাত বোড় করিয়া কহিল,—“ক্ষমা চাইছি, মা, যদি কোনও অস্ত্রার ক’রে থাকি; কিন্তু মিনতি করছি, মেছুনীর মতন মুখ ছুটিয়ে কেলেঙ্কার বাড়াবেন না।”

বিশ্বেশ্বরী নির্বাক! সীমার গলাখানি দুই হাতে টিপিয়া মেঝের উপর মুখটি তাহার ধরিয়া দিবে, ইহাই ছিল তাহার একান্ত ইচ্ছা; কিন্তু সীমা যেন দশহস্তীর বঙ্গ ধরিয়া তাহাকে পঙ্গু করিয়া দিয়া তাহাকেই অনবার শাসাইতেছে! কত আর সে সহ্য করিতে পারে! উন্মাদিনীর মত আশেপাশে তাকাইতেই দেখিল, ঘরের চৌকাঠের পাশেই সুপুষ্টি শতমুখী রহিয়াছে, হিতাহিত জ্ঞান হারাইয়া তাহাই সাপটাইয়া ধরিয়া বধুকে আক্রমণ করিল। কিন্তু সীমা বোধ হয় প্রস্তুত হইয়াই ছিল, ক্ষিপ্রহস্তে তাহার ঝাঁটা সমেত হাতটি ধরিয়া, ঝাঁটাগাছটি কাড়িয়া লইয়া দূরে উঠানের উপর ফেলিয়া দিল। সঙ্গে সঙ্গে বিশ্বেশ্বরী আর্তস্বরে

কাঁদিয়া উঠিল,—“ওগো মা গো, মেরে ফেললে গো—কি খুনে বউ গো !”

মা তখন পূজাব ঘরে বসিয়া মালা জপিতেছিল, ঝগড়ার আলাপ পূর্বেই তাহার কানে বাজিয়াছিল, উঠি-উঠি করিতেছিল, এমন সময় কন্ঠার আর্তনাদ শুনিয়া সপ্তমে সুর চড়াইয়া দালানে আসিয়া দাঁড়াইল।

সীমার মূর্তি আজ অন্তরূপ। সে তখন শাশুড়ীকে লক্ষ্য করিয়া বলিতেছিল,—“দেখুন মা, এক দিন এই বাড়ীতে আপনি যে অধিকারে ঢুকেছিলেন, আমিও সেই অধিকার নিয়ে এখানে এসেছি। আমার প্রতি আপনি যে সব ব্যবহার এত দিন করেছেন, আপনার শাশুড়ী তার শতাংশও যদি আপনার সম্বন্ধে কবতেন, তা হ’লে প্রবৃত্তি আপনাকে কোন্ পথে নিয়ে যেত, তাই আজ মনে মনে ভাবুন। এইটুকু ভাববার দিন আজ এসেছে।”

তাহার পর কোনও দিকে ক্রক্ষেপ না করিয়া সীমা নিজের ঘরে গিয়া প্রবেশ করিল। মা ও মেয়ে মুহূর্তমানা অবস্থায় তাহার গমনগতির দিকে তাকাইয়া রহিল।

চার

গোবর্দ্ধন বাড়ীতে প্রবেশ করিতেই মা ও দিদিমা তাহার সম্মুখে আছাড় খাইয়া পড়িয়া আর্ন্তকণ্ঠে তুমুল চীৎকার তুলিল। গোবর্দ্ধন ইহাতে চির-অভ্যস্ত হইলেও, অতৃকার ব্যাপাব যে অন্তরূপ, তাহা মা ও দিদিমার অশ্রু হইতেই অনুমান করিয়াছিল। সীমার শাসন এ পর্য্যন্ত ইহারা অবাধে করিয়া আসিয়াছে, বাড়ীতে পদাপণ করিয়া গোবর্দ্ধন বরাবর ইহাদের তর্জনই শুনিয়াছে। কিন্তু আজ এ কি আশ্চর্য্য পবিবর্তন? শাসকের স্থান হইতে নামিয়া, আজ যে ইহারা সীমা-ক আসামী করিয়া আর্ন্তস্ববে অভিযোগ তুলিয়াছে! তবে কি সীমা আজ সত্যই সহোব সীমান বাহিবে আসিয়া দাঁড়াইয়াছে?

সীমাব মুখে সমস্ত শুনিয়া গোবর্দ্ধন সহজভাবেই কহিল,—
“অতুলটার স্বভাবই ঐ বকম। ওর সঙ্গে তোমার কথা কওয়াটাই ভাল হয় নি।”

সীমার সর্কাজ আবার অলিয়া উঠিল, বন্ধাব দিয়া কহিল,—
“আমি কি সেধে ওর সঙ্গে কথা কঠতে গিষেছিলুম? মনে নেই—
সব কথা? তোমার মাঘের পীড়াপীড়ি, দুর্জয় জেদ,—নিরুপায়
হয়ে আমি যখন তোমাকে এ কথা জানাই, কি বলেছিলে তখন
তুমি—মনে পড়ে না?”

থতমত খাইয়া গোবর্দ্ধন কহিল,—“হাঁ-হাঁ, মনে পড়েছে বৈ কি,

মনে পড়েছে বৈ কি, আমিও তখন মা'র কথাতেই সাব দিয়েছিলুম, অতুলের সঙ্গে কথা কইতেই বলেছিলুম। কিন্তু এখন মনে হচ্ছে, আমার সে বলাটাই ভাল হয় নি।”

সীমা স্বামীর মুখের দিকে চাহিয়া রুদ্ধশ্বাসে জিজ্ঞাসা করিল,—
“এর কি প্রতিকার করতে চাও তুমি?”

গোবর্দ্ধন যেন আকাশ হইতে পড়িল; পত্নীর দৃষ্ট মুখের দিকে চাহিতেই সে শিহবিষা উঠিল। সীমার এমন মূর্ত্তি ত সে কোনও দিন দেখে নাই। কিন্তু সীমা বলে কি? এমন কি অপরাধ অতুল কনিয়াছে যে, তাহার প্রতিকারের জন্য কোমর বাধিতে হইবে। অথচ, সীমার সেই দৃষ্ট মুখের উপর প্রতিবাদ করিবার মত সাহসও তাহাব ছিল না। অত্নদিকে মুখখানি ফিরাইয়া, মাথা চুলকাইতে চুলকাইতে গোবর্দ্ধন আপন মনে বলিতে লাগিল, “ছোড়াটা সত্যিই ভারী বেঘাড়া হয়ে দাঁড়িয়েছে। কতকগুলো খাবাপ সঙ্গী যুটেছে কি না। আচ্ছা, কালই আমি ওকে বুঝিয়ে স্নানসে ঠিক ক'রে দেব। কিন্তু ওকে কিছু বলতে যাওয়াও মুশ্কিল; আমাদের দেখলেই, হাতের ওপর হাত বেখে বক দেখায়!”

সীমার মনে হইল, যে সাপটা এতক্ষণ তাহার দেহের ভিতর কুণ্ডলী পাকাইয়া ফণা তুলিয়া গর্জন করিতেছিল, পত্নীর অবস্থা জানিয়াও প্রতিকার সম্বন্ধে স্বামীর এই নিশ্চেষ্টতা ও উদাসীন উক্তি শুনিয়া সেই সাপটাও বুঝি লজ্জায় ঘুণায় সোজা হইয়া তাহার পা বাহিয়া নামিয়া পলাইতেছে!—স্বামীর কথার কোনও উত্তর সে দিল না,—কিন্তু পলকশূন্য-নয়নে এমন এক অদ্ভুত দৃষ্টিতে সে তাহার

মুখের দিকে চাহিয়া রহিল যে, সেই মর্মান্বিত দৃষ্টির অর্থ অনুভব করিতে স্থলবুদ্ধি গোবর্দ্ধনেরও কিছুমাত্র বিলম্ব হইল না।

কয়েক মুহূর্ত চুপ করিয়া থাকিয়া গোবর্দ্ধন কহিল,—“সীমা, আমার যা কিছু পরিচয়, সবই ত তুমি পেয়েছ, কিছুই ত তোমার কাছে লুকিয়ে রাখি নি। তুমি ত জান, আমি সবই বুঝি; কিন্তু বুঝেও কিছুই আমি করতে পারি না। ভগবান্ আমাকে কোনও ঝগড়া পোয়াতে পৃথিবীতে পাঠান নি। তুমি ত জান, আমি রাগতে জানি না, আর এও ঠিক যে, রাগ না হ’লে ঝগড়া করা যায় না। আমি এ পর্য্যন্ত কারুর সঙ্গে ঝগড়া করি নি, আমাকে কেউ শত্রু নেই। ভুলে যদি সাপের গায়ে পা দিই কেনোদিন, সেও স্ফুড় স্ফুড় ক’রে স’রে যায়, কামড়ায় না!”

যে স্তবে গোবর্দ্ধন তাহার প্রকৃতির পরিচয় দিল, তাহা বুঝি সীমার উদ্বেজিত চিত্তে কোমলতার এক অপূর্ব ঝঙ্কার দিয়া তাহাকে কিছুক্ষণের জন্য তন্ময় করিয়া দিল। ভাবের এই অভিনব অভিব্যক্তির সঙ্গে সঙ্গে তাহার দুই চক্ষুর দৃষ্টিও যেন ম্লান ও আর্দ্র হইয়া গেল।

গোবর্দ্ধন বলিতে লাগিল,—“কত লোক কত কথাই আমাকে বলেছে, কিন্তু তাই নিয়ে আমি কোনও দিন কারুর সঙ্গে লড়াই করতেও ছুটিনি, তর্কও তুলিনি। মনে পড়ছে, আমার বে’র বছরে জামাই-ষষ্ঠীর দিন তোমার খুড়তুতো ভাই ট্যাঁপা, আমাকে নিতে এসেছিল। একে নতুন জামাই, তাতে আবার জামাইষষ্ঠীর নেমস্তন্ন, সাজ-গোছটা একটু ভালরকমেরই করেছিলুম, নতুন পাম্‌সু পায়ে চড়িয়েছিলুম,—ট্রেন থেকে নেমে ট্রাম পর্য্যন্ত যেতে ঘেমেই

অস্থির, সেই অবস্থার ডেয়োপিঁপড়ের মত এঁকে বেঁকে ট্রামে গিয়ে যখন চাপলুম, দু তিনটে কলেজের ছোঁড়া ত আমাকে দেখে হেসেই অস্থির! আমি অমনি পানের ডীপে না খুলে তিন জনকেই দু দু খিলি পান খেতে দিলুম। তারা ত অবাক! আমি বললুম, এতে আশ্চর্য্য হবার কিছু নেই। মানুষ যে মানুষকে দেখে হাসে, এই প্রথম দেখছি, আর আপনাবাই এর প্রদর্শক বলে, পান দিয়ে আপনাদের পূজা করছি।—ভদ্রলোকদের মুখে আর কথা নেই। পরের ষ্টপেজে ট্রাম থামতে না থামতেই দেখি—তারা নেমে যাচ্ছে।”

সীমা কহিল,—“তা হ’লে তোমার এই আখ্যায়িকা থেকে এইটুকুই কি আমাকে অনুমান ক’রে নিতে হবে যে, তোমার আদরের ভাইটির ঐ ব্যবহারের উত্তরে খিলি কতক পান সেজে নিয়ে গিয়ে খয়রাৎ করাই হচ্ছে আমার উপস্থিত কর্তব্য?”

গোবর্দ্ধন কহিল,—“কি মুঞ্চিল! আমি কি তাই বললুম তোমাকে? আমি বলিছি আমার কথা। আমার যেমন বুদ্ধি, যেমন প্রবৃত্তি, আমি করেছি সেই রকম ব্যবস্থা। এখন তোমার সম্বন্ধে কি করা উচিত, তুমি কি করবে, তার ব্যবস্থা করবার মত বুদ্ধি যদি আমার ঘটে থাকবে, তা হ’লে আজ কি তোমার এ অবস্থা হয়? তোমার মত স্ত্রী কটা সংসারে এসেছে? আবার তোমার মত কষ্ট কটা মেয়েই বা পেয়েছে?—আমি জানিছি সব, বুঝিছি সব, দেখিছি সব,—কিন্তু কিছু ত করতে পারিছি না!—একটা কাণ হয় ত পারি করতে, ক’দিন থেকেই তাই ভাবছি। একবার এগুই, সাতবার পেছুই। কিন্তু এবার স্থিরসঙ্কল্প, করবই,—”

“কাষটা কি আগে শুনি ?”

“কলকেতায় বাসা করা । মা-দিদিমার খরচ দিয়েও, একখানা বাড়ীর গোটা দুই ঘর ভাড়া নিয়ে যদি আমরা বাসা পাতি, কোনও কষ্ট হবে না । নিত্য নিত্য এ রকম ঝগড়াও বাধবে না, অতুলটাও আর জ্বালাতন করতে পারবে না ।”

“আমার কাছে এ কথা বললে, ঈদেব কাছে কথাটা পাড়তে পারবে ? সাহস হবে ?”

“সত্যি ; আমার পক্ষে এ কাষটা, লড়াই করতে যাওয়ার চেয়েও শক্ত । কিন্তু তবু আমি এ কাষ করব । ঔদের পায়ে ধরে মাথা খুঁড়ে মত আদায় করবই । তোমার এ কষ্ট আমি আর দেখতে পারব না ।”

সীমা কিছুক্ষণ স্থিরদৃষ্টিতে গোবর্দ্ধনের দ্বিধা বিহ্বল মুখখানিও দিকে চাহিয়া রহিল । স্থিরসঙ্কল্পের কিঞ্চিৎ আভা যেমন তাহাতে পড়িয়াছিল, সঙ্গে সঙ্গে ব্যথার একটা আভাষও যেন প্রকাশ পাইতেছিল । একটা দীর্ঘ-নিশ্বাস ফেলিয়া দৃঢ়স্বরে সীমা কহিল,—
“না, তোমাকে বাসা করতে হবে না । বাসায় আমি যাব না ।”

গোবর্দ্ধন স্তম্ভিত হইয়া গেল । তাহার মনে এই ধারণাই বদ্ধমূল ছিল যে, স্বতন্ত্র বাসার কথা শুনিলে সীমা সকল কষ্ট ভুলিয়া আনন্দে উৎফুল্ল হইয়া উঠিবে, মুখে প্রকাশ না করিলেও ইহাই হয় ত তাহার আকাঙ্ক্ষা ; কিন্তু সীমার মুখে এ ভাবে আপত্তি শুনিয়া তাহার অন্তর্নিহিত ধারণা আজ চূর্ণ হইয়া গেল । বিস্ময়ের সুরে সে প্রশ্ন করিল,—“বাসা করতেও দেবে না ? বাসায় যেতে চাও না ? কেন ?”

সীমা গাঢ়স্বরে উত্তর দিল,—“একান্নবর্তী সংসারে আমি মানুষ হয়েছি, কোনও রকম সঙ্কীর্ণতাকে মনেও কখনো প্রশ্রয় দিই নি। তোমার মা’র অশ্রায় শাসন—অভদ্র অত্যাচার আমাকে অতিষ্ঠ ক’রে তুললেও স্বার্থপরের মত এমন প্রতিশোধ নেবার প্রবৃত্তি কোনও দিন আমার মনে জাগে নি। তিনটি বছর এ সংসারে এসে তাঁর চিরদিনের ছেলেকে ছিনিয়ে নিয়ে আমি তাঁকে ব্যথা দিতে পারব না।”

সীমার মুখের দিকে মুগ্ধ দৃষ্টিতে চাহিয়া গোবর্ধন প্রশ্ন করিল,
“তা হ’লে তুমি এখানে কি চাও?”

আর্তস্বরে সীমা কহিল,—“কি চাই?”—সঙ্গে সঙ্গে তাহার দুই চক্ষু জলে ভরিয়া আসিল, সেই জলভরা দৃষ্টিতে স্বামীর দিকে চাহিয়া সে উচ্ছ্বসিতকণ্ঠে বলিয়া উঠিল, উত্তর দিল,—“আমি যে এই সংসারই চাই, এই সংসারে থেকেই সর্বসুখী হ’তে চাই - সকলকে সুখী করতে চাই।”

পাঁচ

পর দিন প্রত্যয়ের প্রথম ট্রেণেই বিশেষরী কালীঘাটে কালী-দশনে গেল। কি অভিপ্রায়ে এই পুণ্য অর্জনে তাহার যাত্রা, সংসারের কল্যাণ-কামনায়, কিম্বা বধু সীমার নিকট পরাজয়ের অবমাননার প্রতিবিধিৎসার জন্ম, তাহা অপ্রকাশই রহিয়া গেল।

তীর্থের উদ্দেশে যাত্রায় চলচ্ছক্তি এগোকেশী অনেক দিন পূর্বেই হারাইয়াছিল,—গৃহমার্গে বধুশাসনকালে পদযুগল কিন্তু লুপ্ত শক্তি পুনরায়ত্ত করিয়া সকলকেই চমৎকৃত করিয়া দিত!

সীমা পূর্বদিনের কথা সমস্ত ভুলিয়া দিদিশাশুড়ীর অঙ্গসেবা ও উদরসেবার ব্যবস্থায় অবহিত হইলেও এলোকেশী তাহার পূর্ব দিনের ব্যবহার ভুলিতে পারে নাই। বধূর হাতের জল গ্রহণ করিবে না, এই সঙ্কল্প করিয়াই বৃদ্ধা মালা লইয়া বসিয়াছিল। কিন্তু ছেলে-মেয়েরা রাগ করিয়া আহার সম্বন্ধে মৌখিক বীতস্পৃহার ভাব দেখাইয়া বাঁকিয়া বসিলে, মা যেমন স্নেহ ও শাসন দুটিরই আশ্রয় লইয়া তাহাদের জেদ ভাঙিয়া দেয়,—সীমাও আজ সেই পন্থার অনুসরণ করিয়া বৃদ্ধার স্নান ও ভোজন দুই পর্বই বথাযথভাবে সম্পন্ন করিয়া দিল।

জোর-জবরদস্তি করিয়া স্নান করাইয়া বৃদ্ধাকে ভাতের পাথরের সম্মুখে বসাইবার সময় বৃদ্ধার সে কি ঝঙ্কার,—চিড়িয়াখানায় বাঘ-গুলির পিঁজারায় আহার যোগাইবার সময় তাহারাও বৃদ্ধি এইভাবে গর্জাইয়া উঠে! কিন্তু বৃদ্ধার মুখকাপ্টায় সীমার কিছুমাত্র ভ্রক্ষেপ নাই, ভাত ভাঙিয়া, তরকারি মাখিয়া বৃদ্ধীর মুখে জোর করিয়া গুঁজিয়া দেয়, আর সান্ত্বনার সুরে বলে,—“আগে ত গাল কতক গিলে নাও, দিদিমা! তার পর যা বলবার বল। কাল রাত থেকে দাঁতে ত একটা কুটোও কাট নি, নাতবোকে গালাগাল দেবে কিসের জোরে? তাই না জোর করে গেলাতে বসেছি তোমাকে।”—বৃদ্ধা তখন অবাক হইয়া সীমার মুখের দিকে চাহিয়া থাকে, তাহার মুখ দিয়া আর কথা সরে না; সীমার হাতের গ্রাস দেখিতে দেখিতে নিঃশেষ হইয়া যায়!

বৃদ্ধীকে খাওয়াইয়া, তাহার শয়নের ব্যবস্থা করিয়া দিয়া, সীমা স্নানের উদ্যোগ করিতেছে, এমন সময় তাহাদের এক খাতক এক

জোড়া গঙ্গার টাটকা ইলিস উপচৌকন দিয়া গেল। মাছ দুটি কুটিয়া রাখিয়া স্নান সারিয়া সীমা রান্নাঘরে সে'গুলি ভাজিতে বসিল।

ঘরের ভিতর বিছানো মাদুরটির উপর অঙ্গ ঢালিয়া বুড়ী মনে মনে হিসাব করিতেছিল, মেয়ে কালীদর্শন করিয়া আসিলে, তাহার প্রতি সীমার অত্যাচারকাহিনী কি ভাবে প্রকাশ করিবে! এমন সময় রান্নাঘরে তেলের কলকলানি শব্দে তাহার চিন্তার সূত্র ছিন্ন হইয়া গেল। ধড়মড় করিয়া মাদুরের উপর উঠিয়া বসিয়া এলোকেশী কণ্ঠস্বর বথাসম্ভব কঠোর করিয়া প্রশ্ন করিল,—
“বলি, ঠিক দুপুর-বেলায় রান্নাঘরে কড়ায় তেল চাপিয়ে কিসের ছেরাদ পাকানো হচ্ছে?”

সীমাও সঙ্গে সঙ্গে দিদি-শাশুড়ীর শ্রুতিস্পর্শ হয়, এমন সুরে উত্তর দিল,—“এই যে, দিদিমার পেটে ভাতের রস পড়তে না পড়তেই দেখছি জোর তার জানিয়ে দিচ্ছে! তা, তোমার শ্রদ্ধ করবার ত অবসর এ পর্য্যন্ত পেলুম না, তাই মনের দুঃখে মাছের শ্রদ্ধই করতে বসেছি।”

ভাজা ইলিসের গন্ধে তখন বাড়ী ভরিয়া গিয়াছিল। বুড়ী বুঝিয়া পুনরায় তাহার স্বভাবসিদ্ধ স্বরে প্রশ্ন করিল,—“এ অবেলায় কোন্ স্মাণ্ডাং তোমার ইলিস মাছ যুগিয়ে গেল?”

সীমাও জবাব দিল,—“তোমার সঙ্গে যে ছাঁতনাতলায় দাঁড়িয়েছিল, সেই বুঝি পাঠিয়ে দিয়েছে, দিদিমা!”

কথাটা গায়ে না মাখিয়া অথবা স্পষ্ট শুনিতে না পাইয়া বৃদ্ধা পুনরায় প্রশ্ন নিষ্ফেপ করিল,—“বলি, পিণ্ডি গেলা হবে কখন?”

সীমা তৈলপরিপূর্ণ কড়ায় মাছগুলি উন্টাইয়া দিতে দিতে

কহিল,—“তোমার পিণ্ডি ত আগেই পেড়েছি, দেড়টার গাড়ীতে পুণ্য ক’রে মেয়ে তোমার ফিরছেন, তাঁরও পিণ্ডির ব্যবস্থা ক’রে তার পর ত নিজের পিণ্ডির জোগাড় করব। তা, তোমাব পেট ত ঠাণ্ডা হয়েছে, দিদিমা। এখন চুপটি ক’রে মুখ বুদ্ধিয়ে লক্ষ্মীটির মতন ঘুমিয়ে পড়, নইলে মাছ ভাজতে ভাজতে আবার আমায় ছুটতে হবে ঘুম পাড়াবার জন্য তোমাকে চাপড়াতে এই আস হাতেই!”

বৃদ্ধা মনে মনে কি ভাবিয়া আর কোনও কথা না তুলিয়াই শুইয়া পড়িল।

সহসা চাপা হাসি শুনিয়া সীমা সচকিত হইয়া পেছনের জানালাটির দিকে ফিরিয়া চাহিল। দেখিল—দুই হাতে জানালার গরাদ ধরিয়া দাঁড়াইয়া অতুল হাসিতেছে। সীমার সর্বাঙ্গ শিহরিয়া উঠিল, সঙ্গে সঙ্গে যেন একজোড়া অগ্নিময় শলাকা তাহার উভয় পদতল ভেদ করিয়া মস্তিষ্ক পর্য্যন্ত ছুটিয়া গেল!

অতুল লুক্রদৃষ্টিতে সীমার দিকে চাহিয়া হাসিতে হাসিতে কহিল,—“সত্যি বৌদি, তোমার কথা কইবার কায়দা সত্যিই ওয়াণ্ডারফুল! একেবারে ম’রে যাই—ম’রে যাই গোছের!—যাচ্ছিলুম তোমার রান্নাঘরের পাশ দিয়ে, তোমার মিঠে-কড়া বকুনী শুনে দাঁড়িয়ে পড়লুম—পা আর কি এগোতে চায়? সঙ্গে সঙ্গে ভাজা ইলিসের স্নগন্ধ; বাকে বলে সোনায় সোহাগা!”

সীমা স্থির দৃষ্টিতে অতুলের দিকে চাহিয়া কহিল,—“এখন কি হকুম শুনি?”—কথাগুলি বৃদ্ধি সে অভিভূতের মতই বলিয়াছিল, তাহার সর্বশরীর তখনও একটা অননুভূত উত্তেজনায় কাঁপিতেছিল,

বুকের ভিতর তপ্ত রক্তশ্রোত চঞ্চল হইয়া উদামগতিতে ছুটিতেছিল।

সীমার প্রশ্ন অতুলকেও একান্ত অভিভূত করিয়া দিল, সে যেন কোনও দুশ্চাপ্য দুর্লভ বস্তু চক্ষুর সম্মুখে দোজুল্যমান অবস্থায় দেখিল,—হাত বাড়াইয়া আয়ত্ত করিলেই হয়! দুই দস্তপাটি বিকাশ করিয়া সে গদগদস্বরে কহিল,—“ভকুম আমার, না তোমার? জহরীই জহর চেনে, আমি কালকেই এক আঁচে তোমাকে চিনে ফেলেছি। ভারী সুযোগটা কাল কিন্তু ফস্কে গেছে। ভূতনী পিসীটা যদি ভূতের মতন সে সময় এসে না পড়ত—”

দেহের সমস্ত সন্ধিৎ রুদ্ধ করিয়া অস্বাভাবিক স্বরে সীমা জিজ্ঞাসা করিল,—“তা হ’লে কি করতেন?”

দুই চক্ষুর দৃষ্টিটা যতদূর সম্ভব কুৎসিত করিয়া, মুখে একটা কদর্য হাসি টানিয়া আনিয়া অতুল উত্তর দিল,—“কি করতুম? শুনতে চাও শুধু, না—আচ্ছা, থাক সে কথা এখন, আবার কে এসে পড়বে এখনি। হাঁ, শোধবোধ ত হয়ে যাক আগে। পোড়া-সিগারেট তোমাকে ভেট দিয়েছি কাল, তুমি বৌদি তার বদলে ভাজা ইলিস্ মাছ খান কতক হাতে তুণে দাও, তা হলেই বুঝব—তুমি আমার ওপর রাগ করনি, রাজী—”

মুখের কথার সঙ্গে সঙ্গে সে জানালায় গরাদের ভিতর দিয়া উভয় হস্তের অঞ্জলি পাতিল।

চকিতের মধ্যে সীমা উনানের কিনারা হইতে লোহার বড় হাতাখানা টানিয়া কটাহের মধ্যে ডুবাইয়া দিল। সঙ্গে সঙ্গে

অতুলের দিকে চাহিয়া মুখ মচকাইয়া হাসিয়া কহিল,—“সত্যি ঠাকুরপো, আজ শোধবোধই বটে !”

মেঘের বুক চিরিয়া যে বিদ্যুৎ বাহির হইয়া আকাশ-মেদিনী কাঁপাইয়া দেয়, সীমার মুখের এই হাসিটুকুও যে তেমনই ভয়াবহ হইয়া একটা আর্ন্ত আরাবের সৃষ্টি করিবে—অতুল তাহা কল্পনাও করে নাই ।

বিদ্যুতের সঙ্গে সঙ্গে অশনি যেমন ভীষণ নিনাদ তুলিয়া বিশ্বের নিস্তরতা ভাঙিয়া চূর্ণ করিয়া দেয়, সীমার মুখের হাসির ঝিলিকটুকুও তেমনই তাহার মুখের মিষ্ট কথা কয়টির সঙ্গে সঙ্গে নিপুণ হস্তের অপূর্ব পরিবেষণে মধ্যাহ্নের স্তরতা চূরমার করিয়া দিল । লোহার হাতায় ভরা ফুটন্ত তৈলের সহিত কয়েকখণ্ড ইলিস্ অতুলের যুক্ত করপুটে পড়িবামাত্রই তাহার কণ্ঠনিঃসৃত হৃদয়ভেদী আর্ন্তনাদে সেই স্থানটি মুখরিত হইয়া উঠিল ।

ছয়

তখন অপরাহ্ন । গোবর্দ্ধনের বাড়ীর উঠানে আজ আর লোক ধরে না । পাড়ার ছেলে-বুড়ো, মেয়ে-পুরুষ সবাই আসিয়া বার দিয়া বসিয়াছে । শনিবার বলিয়া গোবর্দ্ধনও পোনে তিনটের গাড়ীতে বাড়ী ফিরিয়াছে । বিশ্বেশ্বরী কালীদর্শন করিয়া দেড়টার ট্রেনেই ফিরিয়াছিল । কিন্তু যে উৎসাহ লইয়া সে কালীদর্শনে গিয়াছিল, তাহা হারাইয়া মর্মান্তিক অবসাদ ও মনস্তাপ লইয়া অতি কষ্টে বাড়ী ফিরিয়াছে । গাড়ী হইতে নামিবার সময় পাদানি

হইতে পা পিছলাইয়া সে প্লাটফরমে পড়িয়া গিয়াছিল, কোনও রকমে বাঁচিয়া গিয়াছে বটে, কিন্তু অদৃষ্টের অত্যাচার সৰ্ব্বাঙ্গে 'দাগরাজি' করিয়া দিয়াছে, দুইখানি হাত একেবারে থেঁতলাইয়া গিয়াছে। ষ্টেশনমাষ্টার ডুলি করিয়া একজন পোর্টার সঙ্গে দিয়া তাহাকে বাড়ী পাঠাইয়া দেন। ডাক্তার আসিয়া দুই হাতে ব্যাণ্ডেজ বাঁধিয়া দিয়াছেন। সীমা সৰ্ব্বকৰ্ম ত্যাগ করিয়া শাশুড়ীর শয্যা আশ্রয় করিয়া বসিয়াছে।

অতুলের হাতের চেটো-দুইখানি হিঙ্গের কচুরীর মত ফাঁপিয়া উঠিয়াছিল,—যন্ত্রণায় অধীর হইয়া সে জলে লাফাইয়া পড়ে। তাহার আৰ্ত্তনাদে পাড়ার লোকজন ছুটিয়া আসে। জলের সংস্পর্শে জ্বালা আরও বাড়িয়া যায়, ফোঁকা ছিঁড়িয়া ঘা হইয়া উঠে। যে ডাক্তার বিশেষরীর হাতে ব্যাণ্ডেজ বাঁধিয়া দিয়াছেন, তিনিই নিপুণহস্তে অতুলের হাতের ফোঁকার উদ্গত চামড়াগুলি কাটিয়া বাঁধিয়া দিয়াছেন। সীমার বিরুদ্ধে তাহার অভিযোগ গুরুতর। দালানের সোপানশ্রেণী আশ্রয় করিয়া অর্দ্ধ-অচৈতন্যের মত সেও পড়িয়া আছে।

অতুলের তীব্র আৰ্ত্তনাদ শুনিয়া সন্নিহিত প্রতিবেশিনীরা যখন অকুণ্ডলে ছুটিয়া আসে, এবং অতুল অসীম যন্ত্রণা সহ করিয়াও যখন সীমার সম্বন্ধে একটা কুৎসিত ও মিথ্যা প্রসঙ্গ তুলিয়া সকলের সহানুভূতি আকর্ষণের প্রয়াস পায়, ভূতনী পিসীও ঠিক সেই সময়টিতে গোলযোগ শুনিয়া সীমার বাড়ীতে প্রবেশ করিয়াছিলেন। ইহারই অব্যবহিত পরে বিশেষরীর ডুলি বাড়ীতে আসিয়া পড়ে, এবং ভূতনী পিসীর সময়োচিত সহায়তায় সীমাকেই সকল ব্যবস্থা

সম্পন্ন করিতে হয় । সঙ্গে সঙ্গে সমস্ত পল্লীই সচকিত ও উদ্বেলিত হইয়া উঠে ।

পল্লীর সমবেত নাতকররা বার বার সীমাকে আহ্বান করিয়াও যখন তাহার কোনও সাড়া পাইলেন না এবং সীমাও 'শাশুড়ীর শয্যা ত্যাগ করিয়া বাহিরের মজলিসে দেখা দিবার কোনও আভাস প্রকাশ করিল না, তখন তাঁহারা বিচলিত হইয়া গোবর্দ্ধনকে কহিলেন,—“তোমার স্ত্রীর সম্বন্ধে অতুল যে সব কথা বলছে, তার একটা মীমাংসা এখনই হয়ে যাওয়া উচিত গোবর্দ্ধন ; এ কেলেকারীর ব্যাপার যদি থানা-পুলিস পর্য্যন্ত গড়ায়, তা হ'লে কি সেটা ভাল হবে ? তুমি নিজে গিয়ে, তোমার স্ত্রীকে এখানে ডেকে আনো, এখন লজ্জা দেখাবার সময় নয় ।”

গোবর্দ্ধন ঘরে ঢুকিয়াই দেখিল, মা তাহার তখনও সেই ভাবেই আচ্ছন্ন হইয়া পড়িয়া আছেন, সীমা তাঁহার শয্যাপার্শ্বে বসিয়া প্রয়োজনমত শুশ্রূষা করিতেছে । গোবর্দ্ধন এই অবস্থায় কথাটা পাড়িতেই, তাহার কণ্ঠস্বর শুনিল, সচকিতে তাহার দিকে চাহিয়াই সে শিহরিয়া উঠিল । ঘরের অন্তপ্রান্তে বসিয়া ভূতনী পিসী যে সীমার হাতের কতকগুলি কাষ গুছাইতেছিলেন, সে দিকে গোবর্দ্ধনের লক্ষ্য পড়ে নাই ! ভূতনী পিসী কহিলেন,—“কেন, জবাব কি তোমার মুখে জোগালো না ?—কি করা হচ্ছিল ওখানে এতক্ষণ ঐ জটলার ভেতর ব'সে, মেনী-মুখো মিন্বে ? যা—ওদের গিয়ে বল—সীমার বয়ে গেছে ওখানে গিয়ে দাঁড়াতে ; যে যাবার, সে যাচ্ছে ।”

ভূতনী পিসীর মুখের উপর প্রতিবাদ তুলিয়া কথা কহিবার সাধ্য পল্লীর বর্ষীয়ান্ সমাজপতিরও ছিল না, গোবর্দ্ধন ত সর্বজনবিদিত চঙ্গুলজ্জা-শীল নিরীহ বেচারী! মুখটি নীচু করিয়া সে পলাইয়া যেন পরিত্রাণ পাইল।

প্রকৃতপক্ষে এই গণগ্রামটির সকল বিষয়েই সর্বেসর্ব্বা ও সর্ব্বশক্তিসম্পন্ন ছিলেন পতিপুত্রহীনা অসাধাবণ মনস্বিনী এই ভূতনী পিসীটি! সরকারী জবীপের সময় আমীনদের অভিযান যখন পল্লীকে সন্নত করিয়া তুলে, তখন জমীজমার স্বত্বস্বামিত্ব সম্বন্ধে এই ভূতনী পিসীর সর্ব্বজ্ঞতাই পল্লীবাসীর দলিল-স্বরূপ হইয়া তাহাদের অধিকার সাব্যস্ত কাব্য দেয়। যে উচ্চপদস্থ রাজকর্ম্মচারী জরীপেব কর্ত্তা হইয়া এই সারকলে আসিয়াছিলেন, তিনি মুক্তকণ্ঠে বলিয়া যান,—‘অনেক মহকুমাতেই আমি সারকল অফিসারের কায করেছি, কিন্তু এমনটি কোথাও দেখি নি। এই মনস্বিনী মহিলাটি উচ্চ শিক্ষার সঙ্গে পরিচিতা না হয়েও, জমী-জমা সম্বন্ধে যে অভিজ্ঞতা প্রকাশ করেছেন—প্রজাদের স্বার্থ বজায় রাখতে অপক্ষপাতে যে সব কায করেছেন, তাব পরিচয় পেয়ে আমি বিস্মিত হইয়াছি।’—ফলতঃ, সে যাত্রা ইঁহারই প্রচেষ্টায় জমীদার বৈধ অবৈধ নানাবিধ উপায় অবলম্বন করিয়াও মহেশখালীর প্রজাদের কোনও প্রকার স্বার্থহানি করিতে সমর্থ হন নাই। এই ভাবে এই গ্রামটির যাহা কিছু অনুষ্ঠান, গ্রামবাসীদের সম্পদে বিপদে সকল ব্যাপারেই ইনি একান্ত অপরিহার্য্য হইয়া উঠিয়াছিলেন।

সুতরাং ভূতনী পিসী যখন বাহিরে আসিয়া, পল্লী-মাতব্বরদের

সম্মুখে দাঁড়াইয়া, সীমার স্বপক্ষে সাফাই সাক্ষ্য দিলেন—বকুল-পুকুরের সেই দুর্ঘ্যোগময় অপরাহ্নে তাঁহার নিজের দেখা ঘটনার বর্ণনা করিয়া অদ্ভুত ব্যাপারটিও ব্যক্ত করিলেন, অতুলের যন্ত্রণা-ক্লিষ্ট মুখখানি তখন কাগজের মত যেমন শাদা হইয়া গেল, সমবেত সকলেরই মুখে তেমনই উল্লাসের হাসি ফুটিয়া উঠিল। ভৃতনী পিসী কহিলেন,—“ঐ হতভাগা অনামুখোর কথায় বিশ্বাস ক’রে তোমরা এমসেই নির্ভাজের মত যার বিচার করতে এসেছ, আমি এসেছি তার এই আখোন শুনে তাকে কোলে ক’রে নাচতে। আর আমি ডাক ছেড়ে বলছি, পাড়ার বউ-ঝিরা নিত্যা এসে, সীমার চন্নামৃত মাথায় দিয়ে তার কাছে শিখুক কি ক’রে ইচ্ছত রাখতে শক্ত হ’তে হয়—কেমন ক’রে এত ঝড়-ঝাপটা দুঃখ-কষ্ট সয়েও সংসার করতে হয়।”

চিত্ত শুদ্ধ রাখিয়া বে যাহা চাহে, বুঝি তাহা অপূর্ণ থাকে না। সীমা চিরদিন যাহা চাহিয়া আসিয়াছে—বহু বাধা-বিঘ্ন ও নির্ঘাতনের মধ্য দিয়াই সে তাহা এত দিনে পাইয়াছে। সীমার অসীম সেবার মাধুর্য উপলব্ধি করিয়া বিশ্বেশ্ববী যে দিন উঠিয়া বসিল, তখন আর সে আগের মানুষ নহে! সীমা কাছে আসিতেই তাহার মাথার উপর নিখিল হাতখানি রাখিয়া কহিল,—“শোনো বউ-মা, এই হাতে অর্ঘ্য সাজিয়ে মায়ের পায়ে দিয়েছিলুম তোমার দর্প চূর্ণ করতে—তোমাকে বশ করতে। সেই থেকে এই তিনটি মাস নিত্যা স্বপ্নে দেখেছি—মা যেন আমার হাতের অর্ঘ্য তোমার মাথার ফেলে দিচ্ছেন, আর তুমি তাঁর কোল-জুড়ে ব’সে। আজ আমি দিব্য জ্ঞান পেয়েছি, বউ-মা! মা আমাকে জানিয়ে

দিয়েছেন, সংসারের লক্ষ্মী বলে যাকে আমরা বরণ ক'রে আনি,
তার খোয়ার করলে—খোয়ার করা হয় মহামায়ীর! আর
নয় মা,—আমাদের ছুটী,—এ সংসার—তোমার।”

সীমা ভূমিষ্ট হইয়া শাশুড়ীর পদতলে মাথা রাখিয়া তাঁহার
পদধূলি গ্রহণ করিল।

সমাপ্ত

গ্রন্থকারের অন্যান্য পুস্তক জাগ্রতা ভগবতী

অপ্রতিভ নারী-প্রকৃতির সপ্রতিভ অবস্থায় নারীত্বের নিষ্ঠার আলোকে আত্মোপলব্ধি ও সঙ্গে সঙ্গে নারী-ভগবতীর জাগৃতির বিষয়কর পরিচয়! স্পর্শের প্রভাবে মৃতকল্প নারীত্বকে সচেতন করিতে অপূর্ব সোনার কাঠি এই জাগ্রতা ভগবতী! জাগিবার ও জয়ী হইবার সিদ্ধ মন্ত্র ইহার প্রতি পর্কে,—মুক্তির নির্দেশ ছত্রে ছত্রে। কল্যাণী কল্যার ও সাধ্বী বধুর করকমলের কঙ্কন এই জাগ্রতা ভগবতী! বর্তমানের প্রগতি যুগে “জাগ্রতা ভগবতী” ভারতের আত্মবিশ্বতা ভগবতীদের অঙ্গ-সজ্জার অনবচ্ছ আভরণ এবং চিত্তরক্ষার আদর্শ গ্রহণ; অসঙ্কোচে উপহার দিয়া আত্মতৃপ্তি ও উপহার পাঠিয়া পরিতৃষ্টির সার্থকতা ইহার প্রচুর।

দাম দেড় টাকা

স্বয়ংসিদ্ধা

গ্রন্থকার স্বয়ংসিদ্ধার নায়িকার যে চিত্র নিপুণভাবে অঙ্কিত করিয়াছেন, তাহা বাঙ্গালা সাহিত্যে অভিনব। প্রথম হইতে শেষ পর্য্যন্ত লেখক একই সুর বজায় রাখিয়া শক্তির পারচয় দিয়াছেন। গল্পের ভাব, ভাষা, বর্ণনাভঙ্গিমা, চরিত্র-বিশ্লেষণ ও আখ্যান-বস্তু যেক্রপ উপভোগ্য গভীর মনস্তত্ত্বের বিশ্লেষণ ও আকৃষ্ণন প্রসারণ তেমনই অনবচ্ছ। এই ধরনের উপন্যাস বাঙ্গালা সাহিত্যে আর নাই, ইহা পাঠকগণ মুক্তকণ্ঠে স্বীকার করিবেন।

দাম দুই টাকা

বাজীরাও ১\ অহল্যাবান্ধি ১\

মহামানব ১\

গুরুদাস চট্টোপাধ্যায় এণ্ড সন্স্

২০৩।১।১, কর্ণওয়ালিস্ স্ট্রীট, কলিকাতা

